

76

~~7331~~

W. Allen

April 23/23

exp.

4


2172

TC
B



John Carter Brown
Library
Brown University

JIORIS I VDOVICI P. ARISETI



IVNIORIS LVDOVICI PARISETI
REGIENSIS EPISTOLARVM
POSTERIORVM
LIBRI TRES.



VENETIIS APVD ALDI FILIOS.
M D L I I I.

THE [illegible] [illegible] [illegible]



BY [illegible] [illegible] [illegible]

2

IVNIORIS LVDOVICI PARISETI
EPISTOLARVM POSTERIORVM
LIBER PRIMVS.

AD FRANCISCVM MARTELLVM.



VNC primum Martelle æstu ui-
deor mihi ab illo
Respirare, equitando quem contra-
xeram, & à quo

Diriter arreptus fueram : dum per recalescens
Solstitium exertas inter cautes, Athesinq;
Præcipitem faceremus iter : Regiumq; Tridento
Urbe rediremus . quantum fuerim resolutus
Corpore, et exhaustus membrorum uiribus, haud tu,
Qui comes, ignoras : nosti, quàm debilis, & quàm
Affectus grauitè, tandem post quinque dierum
Tardum iter appulerim. appulsus non ante recepi
Corpore quid solidi, aut firmi, quàm mœnibus urbis
Excedens, me rus Casulanum contuli . in urbe
Octo dies cum me tenuissem : nullaq; ab ægro
Affectu, rabidaq; siti lenimina prorsus
Sentirem , ad colles Casulæ, quos sæpe salubres
Expertus fueram, statui secedere . quare
Te monui : mecumq; esses, unaq; uenires
Oravi : qui cum nonnulla negotia forte
Excusans , te uenturum post esse referres,
Sponderesq; : moram non idcirco mihi agendam

IVN. LVD. PARISET I

Duxi : quin me conferrem, quò debilitandi,
 Tollendi'ue mali affectus spes multa trahebat :
 Quæ sanè minus est frustrata, nihilq; fefellit.
 Quandoquidem uix hos colles, uix aëris huius
 Lenes afflatus subij, quòd tristis abiuit
 E' membris langor : redijtq; assueta uigoris
 Conditio : restinēta sitis, torrensq; recessit
 Aestus, & ad solitam rationem roboris aētum
 Est corpus. quin experior longè meliores
 Corporis effectas vires. tam me gradiendo
 Constantem, quàm concoctus ratione potentem
 Sentio. non medicas normas observo, nec escis
 Sumendis libros Celsi, decretaq; Pauli
 Hærens adscisco. ratio mihi libera uictus :
 Electusq; cibi nullus : nullusq; bibendi
 Prescriptus. quæcunque mihi iucunda palato
 Apparent : ea sumo libens. non lacte coacto :
 Ex oue sit quamuis multū, & crassedine abundet :
 Abstineo, non tempero fructibus. acre bibo nunc
 Vinum, nunc lene haurio, sic alterna bibuntur
 Vina mihi, ut quo perfusum sit prandium, eodem
 Interdum non excipiatur cœna. tenorem
 Victus non solum solito de more libellis
 Ex medicis non sumo : sed interea mihi si quid,
 Ut solet æstiuo præsertim tempore, peccet
 Alius, ut expultrix uis cesset, & eijciendi
 Munere desistat : quod soluat, non opus est, ut
 Oblata mercede petam, pretioq; tabernis
 Ex medicis. quandam uiridans mihi sufficit hortus
 Fragrantem, pulchramq; rosam, quæ non secus aluū

C ompressam soluit, quàm cassia harundo. profusis
H æc rosa quinque coit folijs: quæ candida, quæq;
N on albo formosa minus, quàm suauia odore.
N on prius hæc uisu loca consita succedenti
S erosa iucundo profert, quàm pandat odore
S e suauis. rubeis prodit suspensa flagellis,
E t de spinoso prorumpens cespite, tota
P rouenit æstate: & nostros se præbet in usus
F ertilis, & foetu semper renouata recenti.
N escio, si medicis libris perscripta sit huius
V is, speciesq; rosæ, uel mentio facta potentis,
Q uam teneat uirtutis. ego expertus bene notum,
C ompertumq; habeo, quàm sit mirabilis, & quàm
E xpediens albæ istius natura rosæ sit:
Q uæ seu, cum primum fuerit decerpta recenter,
I nstar acetari comedatur: seu redigatur
P ulueris in speciem, perfundaturq; cibo, uel
P otu, nil gustum offendat, uexetq; palatum:
E t tamen egregium præstet medicaminis usum
S oluentis. cum segnities me corripit alui
R eddentis, memet curo medicamine odoræ,
F ormosæq; rosæ: quæ tam opportuna leuando
C orpori, & educendo oneri tã accommoda, ut inde
N il pariat noxæ, stomachumq; oblædat, & esus
N il desiderium turbet. tibi si qua cupido,
N on minus indemnæ uitæ, quàm libere agendæ:
E x illa si uis impune recedere uitæ
P ræscripta, & misera ratione aliquando: refer te
H uc, & temperiem cœli, flatusq; salubres
A ëris hos hauri. iam dudum expecto, prout nos

I V N. L V D. P A R I S E T I

I nter conuentum , aduenias ; te exopto uenire
 Quamprimum : à scriptisq; tuum deducere tecum :
 V t possimus eam, quam nosti, absoluerè spartam
 D enique , & inceptæ opportunum imponere finem
 M ateriae. tu care ueni , tu dulcis amice
 A dpropera : tecum gratum conferre, piumq;
 S ermonē est animus. quædā mihi mystica sunt, quæ
 E xoptem, cupiamq; tuis committere castis
 A uribus . es solus , cum quo mea sensa libenter
 E xpromam, & cum quo studiorum inuenta meorū
 E xplicem . haberis solus idoneus inter amicos
 C um quo de sacris studijs , grauibsq; salutis
 R ebus agā æternæ. mirum quā magna capeßsam,
 E xcipiamq; animo oblectamina, quāmq; fruenti,
 A tq̃ue exultanti gustem solatia mente :
 C um tecum loquor, & tecum cōmunico quidquid
 E sse reat uirtutis, & integræ pietatis.
 Quò fit, ut extimeam nunquam me posse uideri
 V erbosum nimis, & nimium peccare loquendo:
 N i cum sermonem tecum contingit haberi
 D e literis, rebusq; sacris, & conditione
 H umana. ne me ergo carere diutius hac, quam
 S umo uoluptate de te præsentē , tuiq;
 A lloquio, patiāre rogo , contendoq; quantum
 P ossum, ac obtestor, quantum permittit honestas.

A D N I C O L A V M S Y L V I V M.

A Nte dies aberas aliquot carissime Sylui,
 A Æturusq; rei causam communis in urbem
 E ridani te contuleras. cum cura Tridentum

Vadendi subiit : quò sacri indicta negoti,
Concilijq; esset tractatio. tempus adurens
Solstitij licet instaret, inimicaq; nostræ
Exangui, & siccæ compagi corporis æstas
Urgeret, statui tamen ire meum unda habiturus
Martellum : qui nostri Antistitis iret eodem
Legatus : graue quò senium excusaret, & annos
Decrepitos. Iter aggressi, sic gnaue equitati
Nos sumus, ut gressu testudineo properantes,
Vix per quinque dies Regio prodire Tridentum
Quinerimus. credo, si constituisset eodem
Ire gradu Antistes, neutique necesse futurum,
Vt senium excusaret, legatumq; senectæ
Mitteret excusandæ aliquem. Tibi singula quæque
Commemorare loca, urbes, diuersoria, uillas
Possem, quæ reperire, uidere, subireq; causa
Hospitij acciderit. sed ne tibi forte elephantem
Ex musca uidear compingere uelle, satis sit
Perstringendo referre, receptos urbe fuisse
Nos Mantus, dein Veronæ spectamine miræ,
Iucundæq; situ, susceptos mœnibus : inde
Per Clusam transisse, locum tum montibus altis,
Tum fluuio conclusum Athesi; et tum deniq; cautes
Inter præruptas equitasse, quousque Tridentum
Venimus. Ad cauponam hominis diuertimus illic
Quandam Theutonici, qui nos tractauit amice,
Seq; habuit ciuilitate, & sinceriter in nos;
Quod non acciderat Veronæ; ubi caupo superbus
Et fallax, nihil humani, nihil officiosi
Præstitit. unde fuit deprendere quàm genuina

I V N. L V D. P A R I S E T I

I ntegritate Italæ præstet gens Theutona genti.
 S ed simulac diem apud cauponem exegimus unū,
 E xpediens uisum est priuata cubilia in oëto
 Q uosque dies pretio conducere. scriba locauit
 Q uidam, quæ nobis, & equis sat mansio planè
 A pta fuit. uinum uendendum, operamq; culinæ
 P ræstandam suscepit, item mercede recepta
 Q uæ curanda domi, postquam persoluimus, ad res
 Q uæ foris officium, ac operam exigèrent ineundas
 C onuersi tres legatos conuenimus. hi sunt
 E x numero patrum, sacraq; cohorte senatus
 P urpurei, qui Pontificis mandata obeuntes
 V rbe Tridentina præclara nogotia sacri
 C oncilij curant. his non prudentia defit,
 N on probitas, non integritas, non copia sacræ
 D octrinæ; hi patres nos acceperere benigne,
 A d mensasq; suas humaniter inuitantes
 A dmisere, epulisq; suis accumbere sæpe
 N os uoluere, mihi, fuerat qui cognitus illis,
 D ux Martellus. eo timui dace, ne parasitus
 I nterdum quisquam possem, uel gnato uideri.
 H is cum legatis fuimus quandoq; locuti
 D e studijs nostris, uitæq; tenore petiti.
 I nterdum de concilij utilitate, sacrisq;
 I n melius rebus redigendis egimus. hi rem
 V rgere, & recte uisi sentire fuerunt.
 H os præter primores, primatesq; negoti,
 C omplures alios sacra de classe celebres,
 I nsignesq; uiros doctrina, & relligione
 V isimus, & conuentos compellauimus ultro.

Res longè inueni meliores, quàm reputaram.
Sunt sensus longè comperti candidiores
Quàm rebar, plus doctrinæ, plus integritatis
Deprensum, quàm ducebam. pleriq; periculis
Tentati uarijs, bene respondere tametsi
Insueto mihi debilitas contracta labore.
Obstructusq; epatis nimio conceptus ab æstu
Me segnem ingenio facerent, parcumq; loquendi:
Quàm potui, tamen adnixus sum quærere, resq;
In medium proferre, quibus cuiusq; probari
Tam posset doctrina, animi quàm sensus haberi.
Corporis infirmiratio non passa, quod à me
Speratum, præstare. solutus corpore mentem
Eneruempatiebar iners. utcunque superstes
Vis tulit, institimus, studijs ne prorsus inepti
Esse uideremur, uitamq; absumere inertes.
Transacti simulatq; dies bis quinque Tridenti,
Nostri perfectis Martelli rebus, amicis
Pluribus, & uarijs cumulati abscessimus, & quo
Progressi fueramus, iter seruauimus, urbe
Verona tamen ad læuum remanente, petito
Benaco. postquam Regium peruenimus, æstus
Urbani impatiens, Casulani prædia ruris
Accessi, collesq; petiui algentibus auris
Spirantes: ubi sanus ago, uiuoq; quietus,
Ut non inuideam uenerandis patribus illis,
Quos modò dicebam me conspexisse Tridenti:
Quamuis purpurei gestent insigne galeri:
Et propter magnos, quibus exornantur, honores
Crure inclinato, & capite accedantur aperto.

IVN. LVD. PARISETI

AD NICOLAVM SYLVIVM.

Electum cum te Sylui mercede statuta
Accepi, qui præstares Ferrariæ, agenda
Pro causa officium patriæ, & si absentia nobis
Ista tua interea grauis, & damnoſa futura
Eſſet ob aſſiduum ad nos morem conueniendi:
Lucundæq; frequentem conſuetudinis uſum:
Sum tamen hinc lætatus, eoq; tuam utilitatem,
Atque decus ſuſcepi animo, quo debui amore
Pro ſummo, quo mirifice te proſequor, & pro
Officijs, quibus agnoui temet ſtudioſum
Eſſe mei, cupidumq; fui lætatus, apertum
Lucri aditum, oblatamq; parandi alicuius honoris
Anſam. cum ſtudijs legum, iuriq; forenſi
Te nauare operam noſſem; curamq; palati
Seruare: indignum rebar, te ducere inertem
Hic uitam, & tempus, frugesq; abſumere nulla
Spe lucri, & nulla quærendi nominis arra.
Apta tibi ſe commoditas nunc obtulit: ut te
Oſtendas, ſtudiijq; tui argumenta, fidemq;
In medium referas. quidnam profeceris annis
Pluribus, & quantum curæ, ingenijq; locaris
In legum, iuriſq; graui ciuiliſ arena,
Nunc declarandi ſe occaſio præſtitit. eius,
Quam tibi ſinceram adſciſcis, cupidamq; nitoris
Ingenui mentem, ſpecimen quo prodere poſſis,
Se tibi ſuggeſſit ratio opportuna. quid æque
Sedulitate queas, quantumq; induſtria abundes,
Quæ commiſſa tibi patriæ res iſta, probare

Sat poterit. porro' hæc prouincia sternere quibit
Ad maiora uiam. semel ut patefacta reluxit
Virtus, maiori se per momenta nitore
Deinde refert. donec summum splendoris adepta,
Inuidiam superat hominum, passimq; fauore
Excipitur. hinc totius ratio tibi uitæ
Prodit honestandæ: hinc quærendi maxima honoris
Vis pendet. causa ista tuis te reddet amatum
Ciuiibus, intrepide, recte q; agitata. probatam,
Testatamq; palam uirtutem reddere causa
Hac potes, & causa potes hac notescere, qui sis,
Et quàm doctrina præstes, animo q; nitescas.
Ergo pro summo, quo sum tibi iunctus amore,
Proq; tui studio, quo tangor maxime, honoris
Hortor, ut huic causæ præstes te strenuum agenda:
Et cures, ne quod lucri susceperis, ulli
Censeri queat exhaustum superare laborem,
Aut operam. ne quid studij desideret à te
Patria, fac caueas: fac ne quis iure queat te
Rodere, & officium iuste reprehendere. porro'
Ut totum studium, & totum conamen in hanc rem
Impendas, cura q; omni adnitaris oportet.
Non solum patriæ ratio, quæ maxima, & ugens
Præcipue est, uersatur in hac ratione negoti,
Verum etiam tibi quærendi respectus honoris,
Vitandæq; calumniæ habendus. Quæ semel hæsit
Labes non facili demum perfrieta labore
Diluitur. Qualis comprehendit opinio quenque
Principio, talis fermè comitatur eundem
Semper, & umbra uelut semper sectatur euntem.

IVN. LVD. PARISETI

I nterea siquid per causam competit oti,
S i quid iustitij causa tibi temporis , æstu
S ub canis hoc rabido , uacuum conceditur, opto,
H uc paulum uenias , uisasq; parumper amicos .
O pto quidem, ut uenias , quoniam desidero tecum
A d Castri tua rura noui concedere , quo me
I ndemnem tanto seruem, tuearq; calore .
N am quæ perflauit Casulanas hætenus aura
C ollinas , æstu nimio impellente recepit
S e sursum uersus , montesq; fugata petiuit
M aiores, celsasq; uagatur tuta per alpes .

AD REGINALDVM POLVM
CARDINALEM.

Quæ probitas in te Præsul reuerēde reperta,
E t deprensa fuit, quæ relligiosa trahendæ
C onditio uitæ, & quæ casta peritia legis
D iuinæ à nobis in te comperta , Tridenti
D um fuimus , faciunt, ut te uehementer amemus:
E t te miremur ualde, qui , cum iuuenilis
S is ætatis adhuc, tantum profeceris, & tam
P ræstanti ratione gradum uirtutis honestum
A ttigeris . nam quæ probitas, uirtusq; uigescit
I n te , uix alias maturo quamlibet æuo
P ræstari potuisse , foret credenda . tametsi
R egali sis stirpe satus , multisq; locuples
D iuitijs altus fueris , tamen in probitatis,
V irtutumq; uia sic tu reperiris abunde
P rofecisse, ut quæ præstantia sanguinis, & quæ

D iuitiæ soleant alios seducere, deq;
T ramite uirtutum, & de curriculo probitatis
D eclinare, tibi tam prorsus nil nocuisse
C omperiantur, ut inde gradum tibi nobiliorem
S truxeris ad laudem, & cultum uirtutis. habetur
I nter mortales præsertim sanguine claros,
I nsignesq; opibus uirtus sic rara, adeoq;
I ntegritas insueta, ut cum probitate niteas,
E t uigeas uirtute, opibus qui splendidus, & qui
S anguine præclarus, magni nobis uidearis
I nstar miraculi, & laudem uideare mereri
H oc maiorem, quò specimen fers rarius, atque
N obilius uirtutis. opes, quæ non potuere
T e prohibere, uiam quin uirtutum sequereris
E t probitatis iter caperes, tibi passus es illas
A uferri, dum deficere à probitate recusas,
E t de præstanti renuis decedere cliuo
V irtutum: quin exilium tolerare, patiq;
I nsidias uitæ, interitumq; audire tuorum
V is potius: quàm Regis consentire nephandis
D ogmatibus, ueræq; uia pietatis abire.
Q uid non ille ferox, ac impius egit iniqui
I n te? quidnam odij, quas non exercuit iras?
Q uodq; genus liquit postremo iniuriæ omissum?
Q uin in te, moresq; tuos uirtutis amantes
S æuierit, quantum posset: nihilominus ipse
A duersus quæcunque mali molimina Regis
T e constantem adeo, & firmum tribuisse referris:
V t quarum causa pietatis, & integritatis
O ppugnareris, sic non cessasse, suumq;

IVN. LVD. PARISE TI

Non liquisse locum memorentur, ut inueniantur
 Ultra prouectæ, & longe' spaciosius actæ.
 Tu poteras, esses cum Regi sanguine iunctus,
 Sublimem retinere locum, patrijsq; potiri
 Diuitijs, multoq; domi splendescere honore,
 Si palpare malos mores, Regi q; placere
 Tentasses, recta q; uia uirtutis abisses.
 Sed dum uirtutis studio, cultu q; teneris
 Religionis: & à recto decedere non uis
 Tramite uiuendi, priuaris rebus, opesq;
 Perdis, & exilium pateris, patria q; relicta
 Cogeris, externis uitam traducere in oris.
 Quis non hinc uideat, te Christi dogma secutum,
 Qui quæcunq; forent tibi, cuncta reliqueris, & præ
 Virtutis studio contempseris omnia; non est
 Quin ideo speres, centuplum mox tibi planè
 Esse rependendum, concedendamq; salutem
 Perpetuam tribuente Deo, Christi q; benigna
 Sufficiente manu. cum non curaueris ullam
 I acturam rerum, nec feceris unius assis
 Quæq; facultatum dispendia, quò probitatem,
 Seu Christum sequereris: erit, qui te neget esse
 Discipulum Christi? dubitetq; Dei inter amatos
 Te numerare uiros. utinam similes tui haberet
 Concio rubra aliquos. utinam quæ religionis
 Cura tibi, cultusq; Dei, ratioq; trahendæ est
 Vitæ, pluribus esset eorum, quiq; tenentur
 Albo eodem. haud se concilij prouincia agendi
 Difficilem præberet, opus nec forsitan esset
 Concilio pro curandis male' habentis ouilis

Rebus: quas quaeso, quantum potes, excipe agendas
 Constanter, nullaq; habita ratione fauoris
 Humani. confido tibi uehementer, & in te
 Colloco spem summam, cuius mentem scio amante
 Esse Dei, & miro tangi pietatis amore.

AD IO. MARIVM DEMONTEVM
 CARDINALEM.

Cum primum coram uidi, sensiq; loquentem
 Te uenerande pater, ualde mihi uisus es esse
 Difficilis, multumq; supercilij retinere.
 Cum uero te deinde adij, tecumq; locutus
 Priuatim, te mitem animo, mireq; benignum
 Inueni. quendam comi sermone decorem
 In te complexum reperi, quandamq; loquendi
 In te deprendi ingenuam, & multo sale plenam
 Libertatem, animumq; boni studiosum, & amantem.
 Hinc toto exarsi confestim pectoris in te
 Affectu, penitusq; tui sum arreptus amore.
 Quæ miti, & facili grauitas admixta lepore,
 Et quæ libertas animi, sale sparsa modesto est,
 Id condimenti referunt, ut quenque palatum
 Delectare queant, & gustum quenque iuuare,
 Et captare. hilari sic conditum graue seruas,
 Ut scita humanum fuscum ratione seuero
 Ostendens, animos tam ducas in tui amorem
 Humano, quàm constituas, faciasq; seuero
 Observantes. quæ tibi adest prudentia agendi,
 Et quæ multiplicem euasit doctrina per usum

IVN. LVD. PARISETI

Promptior, efficiunt, ne cuiquam habere secundus
 Inter collegas penitus quoscunque, nec ulli
 Cedere consilio, & prompto moderamine rerum
 Credaris: quod perspicuens supremus ouilis
 Pastor, & Antistes reliquorum maximus, ad rem
 Concilij te tractandam delegit: & inter
 Collegas te præcipuum decreuit, ut esses
 Ex tribus unus, habereris tamen ipse trium sic
 Maximus, ut docto præstares munere agendi.
 Vnde prout tibi consilio præstare, cataq;
 Arte gubernandi contingit, habere decet sic
 Te rationem imprimis, præcipueq; negoti
 Conciliaris. uti partes censeris in hac re
 Præcipuas retinere, tibi sic acrius omni
 Incumbendum opera; quò res feliciter ipsa
 Succedat, finemq; apte tractata secundum
 Obtineat. si quid famæ reris tribuendum
 Esse capeßendæ: si quid, qui tot bona gratis
 Impendit, debere Deo te ducis, in hanc rem
 Viribus adnexus contende: operaq; uirili
 Nitere; quandoquidem nil aptius edere honori
 Quærendo, famæ ue potes: nil gratius, & nil
 Maius ei præstare uales, cui quidq; bonorum,
 Quæ retines, debes; quàm procurare fideli
 Officio rem concilij, rerumq; sacrarum
 Censuram, quæcunque laborare inueniuntur
 Turpiter, & prauo oppressæ cernuntur abusu.
 Ne spe nos fraudes, quam de te cœpimus, & ne
 Vota Dei frustrata sinas, qui munus in id te
 Elegit, cupiens per te, quem norit abunde
 Prudentem,

Prudentem, & cautum, fieri, ut corrupta sacrarū
 Conditio rerum, applicito medicamine curam
 Sentiat: affectumq; malum compage resecta
 Ponat, & ad sani rationem uersa trahatur.
 Huc igitur conuerte operam, totumq; laborem
 Dirrige: nec desis dum res in cardine, curæ:
 Non tam, si quid habes, cuius ratione reus sis
 Factus ab exactis uitæ iuuenilibus annis:
 Hac sancta delere opera potes: officioq;
 Hoc abolere pio: quàm summo iure mereri:
 Et merito uincire Deum, obstrictumq; tenere.
 Quidquid in hac causa, qua nulla Deo ualet esse
 Grator, impendes operæ, studiūq; locabis:
 Id Deus omne tuo æri ascribet, & inde rependet
 Fœnore cum multo: cum uenerit hora, diesq;:
 Et tempus fuerit soluendi nominis actum.

AD MARCELLVM CERVINVM
 CARDINALEM.

Vix possē memorare, pater reuerende, quid in te
 Ebiberim affectus: quantumq; modestia uitæ
 In studium, cultumq; tui me traxerit: & quàm
 Gregium ab mites mores contraxerim amorem
 Erga te mihi uisus ea pietate, Deiq;
 Obsequio tangi: ut uere merearis honorem,
 Quem geris: & monstres te respondere decenter
 Personæ, quam sustineas cultu reuerendam,
 Et præpollentem diuino iure. repertum
 Gaudeo te talem: talem mihi gratulor esse

IVN. LVD. PARISETI

T e notum : qui præstiteris longe meliora :
 Quàm concepta forent. cum noster Episcopus esses :
 E t nunquam interea accessisses pastor ouile ,
 V isissesq; gregem : penitus te rebar eorum
 E x numero, qui nil operæ præstando , uel artis ,
 M ercedem non erubeant adscire : lucrumq;
 E xcipiant nullo suscepto, obito'ue labore .
 Hinc offendiculum graue inibam : teq; fauenti
 H aud quaquā accipiebā animo: nec sat bene de te
 C ensebam. idcirco tunc non curauimus ad te
 S cribere, amicitiamq; tuam captare, tibiq;
 O bsequium, studiumq; meum deferre. uoluntas
 T unc infensa tibi potius, quàm dedita nostra.
 P ostquàm uero' tuis uerbis, sermoneq; leni
 A ccepi , quæ causa tibi non præstitæ ouili
 C uræ , nec uisi gregis , & noui propius te :
 E t te perspexi , non solum moribus esse
 I ntegris : sed mira etiam pietate calere:
 S um tuus effectus subito, totoq; colendum
 T e suscepi animo : ut pigeat non ante petitem
 T e mihi amicitia, & non agnouisse prius te
 O blato obsequio. mihi sic grauib; placuisti
 M oribus, ingenij sic mansuetudine, sicq;
 P uræ significamine mentis : uti uideatur ,
 N on paruum nos iacturam fecisse, per illam
 Quæ commutato facta est translatio ouili:
 Quam cauto officij cupio præstamine tandem
 E sse salutarem, ac gemino prodesse tenore :
 E t tam proficientem ouibus , quàm cedere frugi
 P astori : optatumq; Deo producere fructum.

*Si quæ conditio morum sincera, piæq;
Integritas uitæ coram comperta, satisq;
Cognita: tam potuere animû, mentemq; mouere,
Vt dignus uideare mihi, qui maxime ameris,
Ac obserueris: quid erit? si munus agendo
Conciliij, & sacri tractando salubria cœtus,
In causa fueris: quæ morum pene perempta
Sit probitas, ut restituatur: & integra uitæ
Conditio, quæ tantum non extincta sit: ultra
Inualeat, uigeatq; sacrum rediuiua per orbem.
Hinc in te miro quenq; inflammabis amore:
Et plus, quàm humanum tibi conciliabis honorẽ:
Nec te tam clarum merito, quàm laude nitentem
Efficies, summamq; Dei quoq; gratiam inibis.
Per bis percussi rationem fœderis una
Cum Christo, adstrinctamq; fidẽ, tã muneris huius
Diuini, quàm sacri etiam ratione lauacri,
Quæso pater, solertem adhibe te rebus in istis
Conciliij, Christoq; operam nauare placentem
Procura. nam tu magni censeris in hac re
Momenti, ualdeq; opera prodesse tuapte
Posse putaris. eum summo cum Præsule, de quo
Summa rei pendet, fidei retinere ualorem
Diceris: ut multum possis suadendo, pieq;
Hortando. Quare quo tu potes amplius, hoc plus
Debes: & quanto sentis maiore ualere
Te ui: curandum tanto est contentius: ut nil,
Cui te quanq; tuam penitus debere scias uim,
Et cui tantopere obstrictum te noueris: à te
Quod possis præstare, Deus desideret. ergo*

IVN. LVD. PARISETI

Ardenti per sta studio, & quantum potes, urge
Rem Christi, atq; in serui religionis honori?

AD FRANCISCVM MARTELLVM.

Frater obit Martelle mihi carissimus: ex hac
Excessit uita frater: qui causa quietis
Totius nostræ fuerat, totius & oti
Illius, quo iam summa cum pace fruebar.
Hic me sollicito curarum fasce leuabat
Omni. nostrarum rerum retinebat hic omnem
Exacte curam. quæcunq; negotia, quæ me
A studio, & dulci quirent reuocare quiete,
Excipiebat: eaq; fide tractabat, eaq;
Sedulitate ministrabat, qua propria, ni fors
Et maiori: tantus amor, tantum obsequium in me
Huius erat fratris, tanta observatio: ut ullum
Non euitaret, declinaretq; laborem:
Quo mihi rem gratam faceret, uel proficientem.
O summam fratris charitatem. temperet ecquis
A luctu, & lachrymis: & toto corde dolere
Abstineat: qui se tam proficientem, & amantem
Amisisse recordetur fratrem? Hic mihi frater
Sanguine non solum, sed consuetudine iugi
Fidus erat comes, obsequioq; minister. ab annis
Vna enutriti teneris, studijsq; sub iisdem
Detenti, peregrinati pariter sumus una
Dissendi causa. semper quocunque locorum
Ire mihi placuit, uarios ratione magistros
Experiundi, urbesq; nouas studio inspiciendi:

Est me hilari consensu, animoq; lubente secutus :
Et nunquam renuit, quo uellem, tendere. nunquā
Est aduersatus, quin se, quocunque uocarem,
Conferret. Donec studiorum causa alias,
Urbes externasq; domos habitare necesse
Extitit : in patria propè sum mihi degere uisus :
Dum cura istius fratris mihi commoda quæq;
S ueta domi, representantur : dum studioso
Hic meus officio frater nil linquit omissum,
Quo sciret se posse mihi prodesse : modoq;
Gratificari aliquo. studijs cum deditus esset
Is physicis, medicosq; libros tractaret, & ob uim
Ingenij egregiam multum producere fructus
Posset : & insigni cum laudis, & utilitatis
Quæstu proficere : ut uidit sumpsisse togam me,
Et respondendi de iure palàm mihi factam
Esse potestatem : sine me decedere, meq;
Linquere sustinuit neutiq;, nec officiosæ,
Quàm de me semel excepisset, deesse, tametsi
A me dissuasus, uoluit curæ. remanente
Ergo domi me quæq; domestica cœpit obire,
Et curare, nihilq; molestiæ inire sinebat
Me penitus. Dueta tum demum uxore, habitaq;
Prole nihil prorsus curæ, studijq; remisit
Eius, quod nostri causa, rerumq; soleret
N ostrarum præstare. suis quin nostra aliquando
C ompertus præferre : meamq; suæ rationem
S æpius est uisus præponere. si nihil ultra
O fficij foret : ingentem quod fratris amorem
I n me monstraret : potuit monstrare sat illud,

Quod mihi per menses ægroto quattuor olim.
 Præstitit, adsistens dum nocte, dieq; benigno,
 Et patienti animo munus quodcunq; subibat,
 Et quancunq; operam præstabat sedulus. o quot
 Insomnes noctes duxit: quantumq; laboris.
 Pertulit exactus momento quoq; . sed essem
 Cum tunc affectus grauitè, lethumq; tenerem
 Pro labijs: cur tam magno discrimine soluor?
 Et mihi in hoc tempus differtur uita? uiderem
 Vt cari mortem fratris: fratremq; peremptum
 Aspicerem: quo equidem uiuente, quod istius esset
 Vitæ non miserum posset, penitusq; molestum
 Censeri. seruatus ego, qui nullius usus,
 Et frugis fueram: quo conspicerem morientem
 Fratrem: opera cuius solerti non minus usum
 Publica, quàm priuata capeſſebant. ego tabe
 Consumptus: tenuiq; animam uix corpore seruans
 Vix diu: seruorq; superstes: uti pereuntem
 Intuear fratrem: qui firmo corpore, quiq;
 Robustis membris foret. Heu præpostera rerum
 Conditio humanarum. quis me crederet ægrum
 Corpore, & inualidum tam sano, tamq; ualenti
 Esse superuicturum fratri? febricitauit
 Hic primum grauitè: quodamq; fuit sitienti
 Correptus causone: cui dum forte bibendo
 Intybi, & ordeï aquam frigentem obsistere tentat
 Assensu medici: uisus sibi frigiditatis
 Quid contraxisse, ut fluxus succederet alui:
 Qui sic principio est uisus prodesse: uideri
 Vt posset cessasse febris, possetq; putari

I pſe ualens, liberq; fides contraſta medenti
Firma erat, & nobis diſcriminis euitati.
Interea dum tam medicus, quàm nos reputamus
Saluum hominē: ecce repens febris ſe detegit, & ui
Obſidet aſſidua: nec tempore deſerit artus
Correptos aliquo: cui mox uehemens diabete
Accedit, lotijq; albens deſluxus, ut æſtus
Noxalis ſymptoma foret, calidiq; liquantis,
Proſtrataq; retentricis uirtutis. eo' res
Proceſſit, non ſat medico aduertente periculum
Nec ſatis opportune ſuccurrente, ut abundans
Præferret frater mortis diſcrimen. adiſſet
Cum iam ædes noſtras: noſtramq; domum acceſſiſſet
Vltro: iudicium medici me exquirere de ſe
Exegit: quo, ſi uitæ dubioſa foret ſpes,
Conſuleret rebus animæ, & teſtando cauere
Vxori, atque ſuis. medici ſimulatq; relatu
Accepi uitæ diſcrimen, ut ipſe rogarat,
Admonui, ingenuēq; omnem ſum faſſus ei rem:
Tam non accepto uitæ diſcrimine, quidquam
Territus, aut ſenſu eſt turbatus, ut exultantem
Se præſtaret, & aſſereret lætanter abire
Hac uita: neque cuiuſquam tædere rei ſe:
Nec ſe linquendæ ſobolis, uel coniugis ulla
Aſſligi cura: nec quidquam obſiſtere, quin quod
Noſceret eſſe Deo placitum, gratumq;, libenter
Eſſiceret. cui detegeret commiſſa, uocari
Confeſtim myſtam iuſſit: cum quo ſimul egit
Confeſſu, quod opus: petijt, ut mane ſequenti
Saluificans ſacrum, quo ſumeret, aſſerretur:

IV N. LVD. P A R I S E T I

Quod uix exacta cum nocte petisset, ut ad se
 Afferri sensit, uoluit descendere strato,
 Et genibus uoluit nudis occurrere, dicens
 Indignum seruo non obuiam hero uenienti
 Se ferre, & summo dominū non prosequi honore.
 Vix a me uerbis repressus, ea prece, eoq;
 Affectu, & lachrymis sacrum suscepit, ut omnes
 Solueret in lachrymas astantes, & pietatis
 Ingentes stimulos exciret in omnibus. inde
 Accito scriba statuit nonnulla pienter:
 Legatisq; pie factis soboli sapienter
 Caut, & uxori, mihi quam cum prole pusilla
 Commendatam unā iussit habitare, domiq;
 Nostræ cum cara mandauit matre manere.
 Nulli defuit officio. est hortatus amicos,
 Et consanguineos, qui uisum ex more uenirent,
 Ad cultum Dei, & obsequium. memet rationem
 Suasit habere mei, uitæq; studere tuendæ:
 Donec ei, qui misisset, reuocare liberet.
 Fratrem me natu maiorem, qui superest iam
 Ex tribus unus, abunde orauit, ut hospicij, quod
 Est nobis gentile, piam curam gereret, nec
 Quæ semel introducta forent, pateretur abusu
 Quoquam perfringi, aut uitiari, nec sineret, quod
 Perfectum assiduo, magnoq; labore suo esset,
 Deficeret. Vetulam summa charitate parentem
 Quæsiuit solans: ne mortem durius æquo,
 Asperiusq; suam ferret, quoniam in patriam iret:
 In quam mox ipsi pariter foret adueniendum.
 Plurima præterea non tam testantia pectus

Aduersus mortem constans, quàm insigne probamē
Mentis relligiosæ, animi q; ferentia puri
Protulit. Vt vires sensit decrescere paulo
Plenius, & mortem gressu properare citato:
Dimidia post nocte uidendi se studiosum
Ostendit nostri: quare accersitus ut ipsum
Accessi: iam res dixit mi frater in arctum
Est adducta. fide nunc, & constantia oportet
Utamur. Volo subsidium mihi sacri adhiberi
Vnguinis aduersus uafri insidias inimici.
Hic mihi sistatur cupio, adsideatq; sacerdos.
Officium qui prestat, & excedenti animæ sit
Præsto, nec desit hortando, monendo, legendo.
Iussimus acciri mystam, cui cura sacelli
Esset: & admitti, quos ante duos uocitari
Mandaram cœnobitas: qui quidquid agendum
Succurrendi animæ causa prodire paranti.
Corpore, præcipua, charitate egere, & amanti
Sedulitate. tametsi ego tunc male corpore firmus,
Affectusq; forem: tamen officio morienti
Fratri ad sistendi non defui. eum ad retinendum
Christum animo confidendumq; Deo, ac animose
De bonitate Dei sperandum, hortando frequenter
Interpellavi, ratus in fratrem mei amoris
Non aliud maius præstari posse; nec esse
Officium, quàm curam animæ, studiumq; salutis
Ipsius retinere. Quod in te maxime amabam
Frater, erat morum candor: uitæq; modestæ
Integritas, & pura Dei obseruantia: quæ cum
Sint animi bona: causa animi mihi carus eras tu

I mprimis. quare non mirum, si quod amaui,
 D um sospes esses, te deficiente procurem
 I d saluum . non defuimus fratri morienti.
 S ed sibi nec frater moriendo defuit, usque
 P ræbuit attentas sacris sermonibus aures :
 E t semper , donec potuit proferre loquendo,
 E st quid diuinum interfatus . spiritum agebat
 E xtremum : cū iam crebro ore, frequenteq; lingua
 S e commendabat domino: quo in munere nūquam
 D estitit, exhaurire imo de pectore donec
 E ualuit uerbum . quin cum non amplius usus
 S ermonis foret: os, linguamq; mouebat: & id quod
 N on poterat sermone: animi, seu cordis agebat
 O fficio. post amissum ius, uimq; ferendi
 S ermonis, non est adeo, multumq; moratus ,
 Q uod tenui uitam efflauit spiramine: quod tum
 H ac dextra excepi incumbens. hac spiritum amati
 E xtremum fratris excepi dextera. obiuit
 S ic mihi frater. adempta mei sic maxima cordis
 P ortio. sic uitæ extincta est pars optima nostræ.
 M e miserum, mihi quis succurrerit amplius, & res
 C urarit nostras? quis iam nostri rationem
 D uixerit, & nostra obseruarit cōmoda? quis me
 R eddiderit priuum curis, proprioq; labore
 O cia quæsierit mihi met tranquilla? quis inquam
 C ontinuas mecum dulci traduxerit horas
 C olloquio? cum quo studiorum arcana meorum
 P rotulero? in cuius pectus mea sensa locaro?
 Q uis mihi se comitem dederit, seu sacra petantur
 S iue suburbani in secessum ruris eatur.

O' desiderium, & iacturam. commoda tecum
Tot mea frater amans rapuisti. tu moriendo
Quāq; uoluptatem nostram, quancunq; quietem
Turbasti. periit mihi te pereunte, quod otii
In studijs fuerat. sacris iucunda uacandi
Commoditas libris defecit deficiente
Te dulcis frater, qui non solum moriens me
Priuum ope liquisti: mihi qua prodesse solebas:
Et qua læta mihi constabant otia: sed me
Cura etiam uxoris, sobolis, erumq; tuarum.
Dimisisti abiens oneratum. tres mihi frater.
Dimisit natas: quarum quæ maxima natu,
Nondum sex annos compleuit: quæ minima aũt,
Vix ablaetata. ergo ego, qui degebam aliena
Sub cura: poteramq; minus superesse mihi met
Curando, atq; meis: curis à fratre relictis
Tot potero satis esse? meas cum pondero uires,
Cumq; mei tenues neruos expendo uigoris,
Diffido penitus persistere posse ferendo
Tanto oneri, & tantæ tolerare incōmoda molis.
Posse. sed interea dum cogito fratris amorem,
Et merita in me ingentia: perpendoq;, Deo quā
Sit gratum, ut tueamur pupillos, uiduasq;:
Sumo animos, nec diffido, quin sit Deus ipse
Suffecturus opem; uiresq; daturus in hanc rem:
Quod plane ut faciat, tu frater, quem puto prorsus
Pro mentis pietate tua, integritateq; uitæ
Adscitum cœlo: sedesq; tenere beatas:
Posce, fauensq; roga. curas quascunq; subire,
Et quoscunq; tuorum causa ferre labores

I V N. L V D. P A R I S E T I

C ontigerit mihi, fac rogitando cedere tandem
 I n lucrum, meritumq; salutis. sicut amasti
 M e frater, multamq; mei rationem habuisti :
 D um mecum hic uitā traheres: sic quæso mei nūc
 S is memor, & nostrum serues constanter amorem,
 E t curam nostræ ducas, habeasq; salutis.
 D um felix istic uiuis, fruerisq; beata
 V ita, procura frater dulcissime, ut æque
 I stuc adueniam, & tecum deducere uitam
 I stic perpetuo possim. prout una uoluntas,
 V naq; conditio uiuendi ambobus erat tum,
 C um uitam hic ageres: sic non permittito, quantū
 I mpetrare queas: ut me diuersa locorum
 E xcipiat regio, aut alias, quā quas colis, istas
 C œlestes, oras habitem, una, eademq; beatæ.
 S it nobis uitæ ratio, desidero. tanto
 G rator extiterit, quæcunq; beatio nobis
 C ontingat, quanto de consuetudine maius
 M utuo fraterna capiemus gaudium. agendo
 H ic uitam si tristia quæq;, molestaq; cuncta
 D ulci mulcebamur consuetudine, & omnis
 D ifficilis casus nobis uiuentibus una
 E sse uidebatur leuior, quam ducere nobis
 A cciderit uitam simul in regione beata,
 P lenior hoc gaudi fuerit, quod ducet uterq;
 E sse suum, quodcunq; boni spectarit adesse
 A lteri. ut exoptem te frater uisere, & istuc
 A brupta quacunq; mora prodire, mei ius
 R espectusq; boni, desideriumq; fruendi
 T e faciunt. Charitas uero, pietasq; mea erga

Magna tuos facit, interea ut tolerem hic patienter
Vivere, & æquo animo uitam proferre: quousq;
Officio nostro indigeant, operaq; necesse
Nostra habeant. sine te quamuis hic uiuere frater,
Qui nostrum columen fueras, instar uideatur
Esse mihi mortis, uel morte molestius omni:
Et quamuis nil sit, cur priuatus requiete,
Et septus curis uitam traducere curem:
Cum tamen arreptum diuina lege fuisse
Te nobis perpendo: uoluntatisq; fuisse
Diuinæ, ut nobis uiridi rapereris in æuo:
Duco quiescendum esse mihi, & patienter agendū.
Vt fatear, turbor quandoq;, libetq; licenter
Querere: cur si deniq; nostra quies studiorum,
Nil, nisi diuinum quærebat sedula honorem:
Nec quid tentabat, nisi scriptis quemq; iuuare:
Tot mihi sunt obiecta incommoda? totq; modis est.
Ipsa quies turbata? quid ultra, si pietati
Frater erat multum exercende deditus: & se
Multum munificum præbebat, & officiosum
In diuina, inopesq; homines, tam cōmodus, & tam
Vtilis in graue detrimentum plurium ademptus
Tam cito morte fuit? sunt hæc abscondita magni
Iudicia, & consulta Dei, quæ dum nequid anceps
Mens hominis capere, incurrit plerunq;, subitq;
Sæpe offendiculum, quod plane exopto cauere:
Quod prorsum ut possim, rogo te Martelle preceris:
Dum facis, & sacras peragis mysteria ad aras.
Opto etiam, qui te propiori conditione
Ad diuina refers, ut opem, auxiliumq; labori

IVN. LVD. PARISETI

Cœlitus huic nostro implores: auramq; potentem
N uminis impetres, ut possim ferre, quod urget,
P onderis, & pretiū, ac quæstū inde referre salutis.

AD TRES LEGATOS CONCILII.

Cvm domini patres reuerendi uinea uobis
T radita sit curanda: operā præstetis, oportet
S olertem in primis, ut pastinata putetur
R ecte, & luxuria penitus soluatur ab omni.
S armentum, quodcunq; superfluit, eradatur.
D irreptos releuata solo redigatur in antes:
T otaq; claudatur circum munimine forti
M aceriæ: ne pauperiem dare quadrupedantes
I ngressæ possint: auidusq; nocere ferarum
I mpetus. est apri uis excludenda ferocis
N e noceat. prohibenda feri est uiolentia, more
N e solito depascat eam: rabidoq; furore
P roterat, & sæuo rictu populetur. ab atra
I lle ferox sylua est solitus prorumpere, & intro
S epe penetrata passim se inferre, suisq;
A dductis una' catulis generosa flagella
Q uæq; uenenato corrumpere dente. pepercit
N ullis uineti rebus, damniq; reliquit
N il intentatum rabies immanis apri huius:
Q ui per se, catulosq; minus contentus obesse,
Q uasq; feras aditu patefacto, & sepe forata
I n prædam illexit. Vos, qui prouinciam habetis
V ineæ ad ornatum, cultumq; suum redigendæ:
E st opus, ut curetis aprum comescere, ne se

Vinetum tuto prædari, impuneq; posse
Confidat. Domini mitis patientia fecit :
Vt tantum ferus ille sibi contraxerit ausus,
Vt quodcunq; suo discerpas iure, modumq;
Non teneat vastando aliquem, nec quid uereatur,
Aut timeat, quin efficiat, quæcunq; libido
Suadeat irrationalis. Vos cauta uoluntas
Elegit domini, qui curam restituendæ
Vineæ haberetis. ne quid linquatis omissum,
Præteritum'ue, quod expediat, conferreq; possit
Conficiendo operi, quod uestri muneris, atq;
Officij existat, tam uobis prospiciendum,
Curandumq; patres, ut quantum gratia uobis
Accepta est domini, tantum contendere par sit
Viribus, & nullo conatu deesse. quod autem
Noueritis facere ad rationem vineæ : obire
Tam nulla uestri ducta ratione periculi
Id debetis, ut ex omni discrimine, siue
Iactura sitis domino tradente habituri,
Capturiq; bonum. Vos ergo sumite fortes,
Audentesq; animos, nulloq; timore sinatis
Vos deterreri, quin vastatæ caueatis
Vineæ : aprumq; uolutabro extrudatis, & extra
Septum exturbetis. Vos indagate, lociq;
Perpetuam plagam perquirite, ne qua ferarum
Subsidat pestis, lateatq; proterua, nocensq;
Bestia. sic septo uinetum claudite, & oram
Quanc; loci sic maceria circumdate; solæ
Vt uolucres intrare queant : nullumq; ferarum
Quadrupedumq; genus possit superare. cauendum

IVN. LVD. PARISETI

Præcipue ne quis, nisi quem domino placitum
 Noscitis: ingressus seruetur. oportet, ut ante
 Omnia decretum domini exploretis, & ut rem
 Omnem ex arbitrio domini faciatis: in eius
 Obsequium totis contendite viribus: & nil
 Humani curate odij: nullumq; fauorem
 Pendite mortalem. Domino uos cura placendi
 Detineat, quantum cura studioq; potestis,
 Quærite gratificari, cui res uitam, & honores
 Omnino debetis, & à quo quicquid habetis,
 Seruatisq; boni, gratis cepistis. ut isti
 Rem facere acceptam studeatis, non habitorum
 Gratia tam poscit, quàm spes oblata requirit
 Maxima habendorum. tam uinea grata, placensq;
 Hæc domino, ut præ rebus ei dilecta feratur
 Omnibus. Is mundi conclusas iure suo cum
 Res habeat cunctas: tamen est possessio nulla,
 Quæ sit grata æque, quàm istius uineæ: adegit
 In sulcum proprijs manibus, dextraq; suapte
 Seuit eam, quam mirifice indemnem cupit, & uult
 Saluam; quocirca duxit uos instituendos
 Ex alijs, qui præcipue curam reparandæ
 Eius haberetis. quàm uos incumbere, quàm uos
 Adniti deceat, pro tam grata domino re
 Expediendâ, uix proferri, uixq; notari
 Possit. si rerum rationem expenditis, unde
 Obstricti domino tantum pendatis, & unde
 Tam bene promeriti dominum obstringatis, habetis
 Nequaquam. tanti ratio censenda negoti
 Est huius uobis: ut si profundere uitam

Idcirco

Idcirco sit opus, non detrectare sit ullo
 Conueniens pacto. uobis neutiq; timenda
 Vastatoris apri feritas, uesana ferarum
 Formidanda minus uobis audacia. dum rem
 Vineæ agatis, & obsequium domino impendatis:
 Non est curandum, quantum uitæ subeatis
 Discrimen. uobis magni iactura triumph
 Instar erit, quæcunq; subibitur hac ratione
 A uobis. Quin hinc tam nil contingere tandem
 Iacturæ poterit uobis, ut summa uoluptas,
 Summaq; uel uita amissa sit suscipienda
 Utilitas. uos pro fragili, subitaq; perennem
 Vitam, pro misera, perturbataq; quietam,
 Felicemq; capeissetis. Deus omnia uobis
 Restituet meliora. nihil sine fœnore pro se
 Impensum sinet à uobis. occasio, quæ se
 Obijcit insignis lucri, ne prætereatur,
 Opto, rogo, ne linquatis tantum utilitatis
 Præteritum uestræ, tantumq; boni toleretis
 Amissum, quod respiciat uos uineæ agentes
 Rem, patrociniūq; ferentes relligioni.

AD IOANNEM MARIVM DE MON
TEVM CARDINALEM.

DVM plus, quæ sensus, præsul reuerende
 mouent nos,
 Quàm quæ sunt animi, & rationis: ut afficiamur
 Præcipue humanis rebus, summoq; labore
 Quæramus, quæ præsentis uitæ esse uidentur,

IVN. LVD. PARISETI

E uenit. Hinc artes, seu præcipue manuum sint,
 S eu sint ingenij, sic exercentur, ut omnes
 A d uitæ rationem præsentis redigantur,
 P ropositūq; habeant nil præter quæstū, & honoris
 H umani fucum. quin iam peruenit eo' res,
 V t quæ sint alias pietatis propria, quæ'ue
 R espiciant ipsam charitatem munera, fucum
 A dmittant, lucriq; habita solum ratione
 P ræstentur. hoministantum peruersa libido,
 I mprobilasq; insana potest, ut non modo, quæ sunt
 V su, & natura promiscua, quæ'ue mali tam,
 Q uam boni habent indistinctam quādā rationem,
 D etera fiant, & prauum redigantur ad usum:
 V erum etiam, quæcunque boni retinent genuinum
 I us, corrumpantur, deprauenturq; nefande.
 N am qui sunt sacri natura, & origine honores
 O ptimi, & addicti officijs pietatis agendis,
 A tq; exercendæ charitati, hominum improbitate,
 N equitiaq; mali quæstus, lucriq; sequestres
 S unt facti, præstantq; ministerium impietatis
 C omittendæ. nam quoties humana uoluntas
 S ensibus in prædam se dat: nihil ordine sanctum
 E st adeo, nihil est adeo ratione statutum
 D iuina, quin sine suo fraudetur, & usu
 H umano non inficiatur. tam ualet ad rem
 C orrumpendam hominis nequā, et uitiosa cupido,
 V t quanto' res ipsa pijs plus continet, & plus
 P ræsefert sancti, tantò sibi commodiorem
 E ius prætextu, peccandi contrahat ansam.
 H inc non est mirum, si qui sacris potiuntur

Muneribus, sacrosq; gerunt Ecclesiae honores,
Tanto deterius committere comperiuntur:
Quanto maioris retinent ius muneris. unde
Deberet meritum, uirtusq; excrecere, maius
Inde fit, & grauius peccatum. quo potiori
Iure quis insignem se fert, hoc turpius errat,
Et grauius peccat. quanto praefertur honoris
Conditio maior, tanto grauiore subitur
Delictum noxa. simulatq; licentia magni
Praetextu iuris suffulta reliquit honesti
Fines, & liciti, metam transcendit: habere
Deinde modum nescit. quo fit, ne peius agatur
Inter mortales, quam quod contingit agi per
Rectores rerum, curatoresq; sacrarum,
Qui non tam ratione rei, qua non nisi summe
Peccari possit, quam causa prouenientis
Ex iuris fuco excessus, quam maxime habentur
Sontes, quorum etiam fit eo peccatio peior,
Quod quos exemplo, & monitis curare profanos
Deberent, morbo inficiant, cogantq; perire:
E quorum manibus commissi animas gregis aequus
Exiget extremo iudex Deus. expedit ergo
Sumopere, ut sacrorum hominum de rebus agatur
Quaestio, & expendat mores censura malorum
Primatum. grauitas noxae facit, ut mereatur
Nil aequae plecti. facit aequae publica damni
Conditio, ut nil aequae conferat emendari.
Si tanto peius delictum quodq; putandum est,
Quanto res hominis uitio sincerior, atq;
Sanctior extiterit corrupta: tenacius esse

IVN. LVD. PARISETI

Si nihil apparet uitij, quàm quod semel hæsit
 Nullo iure rei suadente, sed auspice solum
 Nequitia, nihil in rerum peccamine, nil est
 In noxa humana, quod postulet acrius in se
 Iudicium, exactamq; magis sibi cognitionem
 Exposcat, quàm quod sacra committitur in re,
 Et quod peccatur sacris pastoribus. in te
 Cum sit concilij causa suffragium abundans,
 Non minus exhibeas te condemnando seuerum,
 Quàm circumspectum nil contriueno, necesse est.
 Non magis est opus, ut temet præstes oculatum,
 Quàm statuas animosum. nullus tibi pluris
 Gratia ducatur, quàm Christi. habeas rationem
 Religionis, & imprimis studeas Dei honori
 Inducendo, hominumq; saluti restituendæ.
 Ne disceptando absumi tempus patiare:
 Nec uanis de rebus agi, quæriq; caprina
 De lana. de muneribus sacris statuatur
 Quæstio, de factis hominum censura sacrorum
 Fiat, & infectos mores notet integra; quod si
 Confectum recte fuerit, nihil est dubitandum:
 Quin cessent, quoscunq; parit Germania, motus.
 Os occludetur prauis, si praua recedant
 E medio, prauosq; exæquet regula mores.

AD REGINALDVM POLVM
CARDINALEM.

Humani affectus duplex motus memoratur.
 Esse pater reuerēde, unus, qui primus hētur

*A*c alter qui censetur, ferturq; secundus.
*P*rimus corporeæ compagi ita motus adhæret:
*V*t subito sensum percellat, & iniiciat se
*E*xterno rerum impulsu productus: ut omnem
*A*ctum præuertat rationis, & irruat ante,
*Q*uam ratio examen quodquã ferat, ac adhibere
*I*udicium possit. qui motus uero' secundus
*F*ertur: habet sane' rationem præuenientem,
*S*ed quam conculcet, subigatq; nisi caueatur
*E*xactè. cuius rationis iudicium, atque
*C*onsilium primus motus præuertit, eandem
*M*ox aduertentem, consultantemq; secundus
*I*nsequitur, geminos nimirum respicit hosce
*M*otus uirtutis triplex species. ratio dum
*S*e contra motum præbet, præstatq; secundum
*V*ictricem, species uirtutis conditur una,
*Q*ua moratus homo efficitur ciuilitè: & qua
*A*d purgandum animus fit commodus: altera uero'
*C*onfiscitur species uirtutis: quatenus ultra
*P*rogrediens ratio necat, euellitq; secundum
*M*otum defecando animum, reddendoq; purum.
*Q*uod si purgando tam proficiatur: ut omni
*S*i non parte queat tolli, saltem reprimatur,
*A*ccipiatq; modum primus modus, species fit
*T*ertia uirtutis, quæ purgati perhibetur
*E*sse animi. si qui tantum profecerit, ut non
*T*am compefcuerit, debellaritq; secundum
*M*otum, quàm refrænarit moderamine quodam
*P*rimum etiam, is felix fuerit, similemq; Deo se
*P*ræstiterit ratione aliqua. nam cum Deus omnis

IVN. LVD. PARISETI

Exemplar sit uirtutis, uirtusq; sit ipsa
 Existens : quo quis fuerit uirtutis adeptus
 Amplius, hoc propius diuinum accedet, & ipsum
 Effinget, referetq; Deum. si sola beatum
 Constituit uirtus hominem : uirtute refertur
 Si sola Deus, is frustra prætenderit in se
 Diuinum, seseq; beatum siuerit ab re
 Proferri, qui quamuis summos gestet honores,
 Nil tamen obtineat solidæ uirtutis. honorum
 Fastus, opumq; ubertas tam nequiere beatum
 Quenquam, aut diuinum facere, ut faciât rationē
 Viuendi miseram : atque hominem reddât alienū
 A' re diuina. uirtutis munere solum
 Fit diuinus homo. sola uirtute Deo se
 Reddit homo similem, & certa ratione beatum
 Se facit: est uirtus, quæ motus comprimit, & fert
 Pacē animo, et sincera homini oblectamina præstat:
 Quæ si conditionis eo processerit, ut sit
 Expurgati animi, motumq; expugnet utrunque:
 Est perfecta, suoq; propinqua fit exemplari:
 Ac tam diuinum, quàm felicem facit. hac si
 Præditus existat quisquam uirtute, beatam
 Vitam traducit, uiuitq; immotus ab omni
 Affectu rerum. sibi constans is nihil horret
 Aduersi, nihil agnoscit, captatq; secundi:
 Diuitias spernit, fastus contemnit honorum:
 Et nihil humanas pendendum res putat esse.
 Qui uerò uirtute adeo profecerit : ut res
 Aestimēt humanas nihili, & contemnat honores:
 Is porro dignus fuerit, cui fiat honorum

C opia præcipue, & rerum tradantur habena.
 Hinc fit præsul, uti cum te uirtute nitere
 P ublica fama ferat, multumq; tenere subactis
 M otibus integri, cupiam uehementer, & optem
 C ommunis ratione boni, te munere fungi
 I n populos summo, summāq; capeßere rerum.
 Si te diuinum uirtus sincera, Deoq;
 C onformem redit: cur non diuina potestas,
 R esq; Dei tibi præcipue exercenda per orbem
 C ompetat? omnino spero, fidoq; futurum,
 Q uod cupiam. tibi uaticinor uirtutem habituram
 I nterdum, quo se pandat, semetq; ferendo
 I n lucem uulgo proßit, passimq; salubrem
 F undat opem. planè uideo fore tempus, ut hæc, qua
 T ecum nunc solum frueris uirtute, palam se
 D edat, & exemplo fructum producat, & ætæ.
 I nterea, quodcunq; tenes, seruare procura
 I ntegrum, perßtaq; Deum uirtute referre:
 D onec se pariter referendi munere præstet
 C ommoditas, surgatq; uices occasio agendi.
 P ræterea pro iure pio, uirtuteq; pura,
 Q ua diuinus homo ferris, quæso meliorem
 M i uitam impetres, noxisq; salubre piæmen
 O btineas: precibusq; tuis me crimine soluas.

A D M A R C E L L U M C E R V I N U M
 C A R D I N A L E M.

Q uum sim priuatus, quū sim Ceruine profanus,
 M e peccare refers, præterq; mei rationem

IVN. LVD. PARISETI

O fficij facere affirmas : dum facta sacrorum
 Corripio procerum : uestrosq; redarguo mores .
 Cum mea legisses impressa uolumina : meq;
 Pontificem, & proceres sacros taxare loquendo
 Ingenue deprendisses : conuentus in urbe
 Concilij, quæ conditio, fortunaq; nostra
 E sset quæsissti: nobisq; excire pudorem
 Coram tentasti, dicens non prætereundos
 Cancellos, nec fines conditionis honestos
 E sse mihi transmittendos, nec quid minus esse
 Conueniens, quàm pontificum me facta notare,
 Et me de uita censuram ferre meorum
 Maiorum. cum uero' Deum testarer, & omne
 Cælum, quod facerem, studio me religionis
 Id facere, ac pietatis : & inuidiæ nihil, atq;
 Liuori deferre : mihi munus pietatis
 Id respondisti proprium fore : si rogitem ,
 Oraremq; Deum pro delinquentibus, ut se
 Emendent, & praua uia uestigia linquant.
 Nil tum præterea curauì dicere, nilq;
 Contra respondere : locus quoniam mihi uisus
 Non satis exigere, aut tēpus . rem pluribus ultra
 Haud quaquam uerbis defendere perstiti, abunde
 Me tutum ratus ex animi ratione sibimet
 Conscij. at interea ne me fecisse rearis
 Quid temere, aut præter rationem, quatenus in uos,
 Pontificesq; aliquid scripsi quandoq; : tueri
 Rem ratione aliqua experiar. dum credis agendum
 E sse mihi solum precibus, solumq; rogandum
 E sse Deum : quo uos meliores reddat, opinor

Non satis apprehendi, quæ mutua proficiendi
Inter mortales solertia debeat esse:
Et quæ profectus faciendi norma sit apta.
Quisq; suo pro iure tenens in corpore partem,
Et membrum referens, adniti debet, ut usum,
Quantumcunq; potest, præstet: ne quid patiatur
Iacturæ corpus, ne qua uel parte laboret.
Quandoquidem pro connexi ratione uigoris
Corporei, nil quit damni contingere membro,
Quin aliud membrum patiatur. cum sim ego membrum
Corporis, aspiciam si nobiliora pati quid
Membra mali, cur non studeam succurrere? cur non
Quam possim, cupiam prodesse: redundet eorum
Cum detrimentum in compagem corporis omnem:
Et me respiciat pariter. quod uero sit aptus,
Conueniensq; tenor, quem seruo corripienti,
Taxandiq; potest facile apparere: putatum
Si fuerit, quam ratione, modisq; quibusnam
Expediat reuocare hominem de crimine, deq;
Peruerso errandi deducere tramite. uerbis
Est opus, & monitis: quoniam qui morbus inhaesit
Per sensus animo, curari debet eisdem
Sensibus applicito medicamine. semper ut adsit,
Orandus Deus est: qui quamuis omnia per se
Possit, & emendare hominem subito immutato
Proposito ualeat: tamen utitur ordine quodam
Omnia in rebus, medijsq; agit instrumentis.
Si suffecturam prorsum orandi rationem
Christus opinatus foret: haud quaquam statuisset
Fratrem corripendum esse, alloquioq; monendum

IVN. LVD. PARISETI

A criter extremo, si non resipiscat. Apellam
 Non Regem orando uates, sed corripiendo
 Mouit, & exemplo repressum, criminis egit,
 Ostenditq; reum. quamuis populi ille foret Rex,
 Et pastor, nec doctrina præstans minus esset,
 Quàm gestis rebus celebris: tamen effecisse
 Absurde non arguitur, quisquis popularis,
 Ac priuatus homo increpuit, uerbisq; monere
 Curauit: qui si iussu fecisse feratur
 Diuino: nihil est, quin præcipiente Dei sit
 Censendum fieri, quidquid contingat amanter,
 Propositoq; pio fieri. non uerba sonanti
 Ore Deus profert, sed mentem appellat, & ore
 Se fundit sinceri hominis. reddit monitorem
 Legitimum sola integritas. auferre decenter.
 Festucam ex oculo alterius tentabit, abegit
 Qui prius ex proprio festucam lumine. nullum
 Censura uentosus honos, prætentatq; iuris
 Conditio exoluit. quantum quis peccat, & errat,
 Tantum se subdit, tantum se deijcit infra.
 Et si Petrus erat princeps, primasq; tenebat
 Inter discipulos partes, tamen est reprehensus
 A' Paulo: qui se quodam referebat abortu
 Susceptum. increpiti scribæ, nec non pharisæi
 A' Christo, quamuis summas in lege cathedras
 Adscirent. quin immo piscatoribus idem
 Christus eos tribuit taxandos uilibus. ullo
 Spiritus ipse Dei conclusus limite non est,
 Non personarum certa se conditione
 Continet angustus, non plaudit honoribus, & non

Ambit summates, sed se diffundit agitq;
Per quoscunq;, animi quos integritate nitentes
Nouerit, & puros uita. uos ista profecto
Corripiendi alios prouincia respicit, at dum,
Qui deberetis, non estis, iure caretis,
Quod uobis alioqui competat. hinc cadit, ut quod
Muneris existit uestri, cum uos nequeatis
Fungi, qui possint, in uos fungantur. id autem
Indigne tam non decuit uos ferre, ut amicos
Vobis, & uestrae studiosos utilitatis
Valde censendi sint se prestare, monendos
Qui uos procurens, uestrisq; fauere recusent
Palpando noxis. hi dum sanare monendo,
Atq; reprehendo cupiunt, curantq;: pienter
Se prestant, & Christi dignam religionem
Rem faciunt, a qua praeberet uideamini abunde
Auersos uosmet: dum quae peccata sciatis,
Digna; damnatu, committitis, & tamen aegre
Fertis, & indigne damnari uosmet eorum
Causa, aut reprimi. quae praua tenaxq; mali uis
Haec est? ut detrectetur cura, & male habere
Delectet: palpetq; sibi male habendo laborans.
Cui uitium placet, is causa uitij patienter
Non tolerat se reprimi. persistere qui uult
In uitio, monitorem odit, renuitq; notari.
Qui fragilis causa naturae peccat, is aegre
Fert se peccare: & monitis sic porrigit aures,
Ut grate accipiat, penitusq; agnoscat amicum,
Qui moneat. satis interea scripsisse sit ad te
Haec praesul, pro nostra obiter, modiceq; tuenda

IVN. LVD. PARISETI

Causa: quæ si uisa minus fuerint aliquando
Sufficere adgrediar tractare uolumine causam,
Et patrocinium sermone subibo soluto.

AD IO. MARIVM DEMONTEVM
CARDINALEM.

Cvm Mediolano, Antistes reuerende, redirem
Ticinũ uersus: comitesq; forent mihi ami-
Carolus, & consanguineus Simeon: subeũte (cus
Nocte, nec occurrente aliqua, quæ cõmode haberet
Nos caupona, locum diuertimus in uicinum
A' cœnobitis habitatum ditibus. huius
Fama etiam celebrata loci nos inspiciendi,
Spectandiq; auidos effecerat. hospicij spem
Attulerat certam tum religio monachorum
Credita: tum pia principis intellecta uoluntas:
Qua non tam monachis census statuatur alendis:
Quàm decernatur humaniter accipiendis
Hospitibus prouentus. equos monstrante ministro
Cœnobi quodam stabulo indideramus: eosq;
Fasce leuaramus rerum: cum pectus ad imum
Protenfus barbam monachus sese tulit ante
Vestibulum claustri aduersum, quidnã peteremus
Exquirens rigide: cui cum de more loci nos
Hospicio admitti dixissem uelle: negauit
Morem: nec quoquam contendit iure locum esse
Obstrictum hospicio. cum nos suaderet abire:
Hospiciũq; aliud perquirere: eum rogitaui,
Vt quid præfecto, Abbati'ue referret: & eius

Sensum exploraret : quod cum foret impetratum
Difficile : accessit non paruo temporis aëto
Curriculo præses monachus : qui non minus ipso
Agrestis uultu, quàm uerbis horridus inquit.
Quid statis frustra ? erratis, falsoq; putatis :
Si quo iure locum hunc uos creditis accipiendis
Obstringi hospitibus. retro comites abiere ,
Non uerbis minus indignati, quàm stupefacti
Præsidis. at qui fessus eram, languensq; uerebar
Ignotas tentare uias, equitareq; nocte
Obscura : constans precibus, firmusq; rogando
Perstiti : & hospicium si nollet tradere iussu,
Mandatoq; hominis : saltem præstaret amore,
Intuituq; Dei, orauit. monachus nihilo plus
Motus amore Dei, quàm causa, & lege uolentis,
Testantisq; hominis, dices nos esse ferebat,
Posseq; cauponæ impensam perferre. fateri
Nos dicebamus, non paupertate coactos
Concessisse illuc : sed causa noctis abortæ,
Visendiq; loci uenisse. nihil petere ultra
Tectum : cuius causa si prætere quidquam
Damni etiam uellet : pretio nos esse soluto
Sarsuros. adeo precibus humaniter egi :
Constanterq; adeo excepi responsa molesta :
Ut quem religio, aut hominis suprema uoluntas
Flectere non quissent : tandem summissa rogantis
Flecteret improbitas. monacho, qua fronte carebat,
Induxi, dum me rogitando præbeo prorsus
Exfrontem. rigidam mentem, pectusq; ferinum
Tandem expugnaui monachi. certamen iniui

IVN. LVD. P A R I S E T I

A sperius multo', quàm quod Brittanus iniuit
 P armæ olim collega tuus : quamuis fuerit res
 I lli cum pullis, mihi cum candentibus. ò rem
 I ndignam ratione hominis, nedum monitis, uel
 T raditione pia Christi . prodesse roganti
 N on homini consentit homo. qui tot bona pleno
 C hristi iure tenent : poscentem nomine Christi
 A uersantur. ut interea quid religionē,
 Q uam profitentur , agant dignum : si se charitate
 E xpertes præstent , plane non sentio. nulla
 C onueniens ratione puto : ut Christi bona, resq;
 P ossideant , qui se Christo exhibeant ingratos,
 N ec parte ex aliqua respondentes charitati
 S e præstent Christi . qui fucum religioni
 I mpingunt , qui prætenta pietate saginæ
 C orporis indulgent, non amplius expedit, ut quos
 P rouentus male distribuunt : & de quibus ansam
 P eccandi arripiunt , hos permittantur habere.
 H os tantum pollere opibus , tantumq; tenere
 R erum, ut cum uiuant Epicuri more, fluantq;
 L uxu : sint alijs , qui mendicare , cibumq;
 Q uerere cogantur : sic non est conueniens, ut
 S it summe iniustum . ualde mihi displicet inter
 A sseclas Christi rerum possessio dispar.
 H os ingens agitat transuersos copia rerum ,
 A egrelata illos uictus deprauat egestas
 A equentur census . cœnobîa quæq; habitantum
 E x numero redditus habeant: quicumq; necessi
 S int uitæ parce penitus sanctæq; trahendæ .
 D e medio referantur opes, largiq; adimantur

Prouentus : si uita placet sincera, piæq;
 Religionis honos . uictus causa caueatur
 Omnibus, & non sint, qui mendicare sinantur .
 Omnibus ad uictum frugi, quæcunq; redacta
 In paucos, bene' sufficient . hæc scribimus ad te
 Antistes, ad quem spectat tum publica quodq;
 Concilij causa, cui præsis, cura trahendi
 Ad sanum : tum priuatim censura quibus nos
 Offensi simus, monachorum: cum gregis eius
 Sis pastor: curamq; habeas eiusmodi ouilis.
 Fastum, & diuitias, quæ religionis acerbæ
 Sunt pestes, Christoq; repugnant maxime: ademptas
 Ablatasq; opto, quæ si tollantur, erit nil
 Præterea, quod non facile admittat medicamen:
 Et facili cura ad sincerum non redigatur .
 Quis frustra querit morbum sanare, priusquam
 Auferat è medio causam : nisi causa mali sit
 Affectus restincta, cadit curatio inanis:
 Et labor incassum medicaminis omnis initur.

AD CORNELIVM EPISCOPVM.

INter eos, quos uisi, conueni'q; Tridenti
 Præstantes uirtute uiros, reuerende fuisti
 Tu quoq; Corneli : qui quamuis cognitus esses
 Nomine, & auditus celebrari sæpius à me :
 Es tamen optanter præsens conuentus, & ipsa
 Agnitus ex facie . de te quæcunq; referri
 Præclara audieram, tam doctrinæ ratione,
 Quàm prompti causa ingenij, præsentia uera

S ic ostendit : ut inferior re fama uideri
 P osset, & agnosci res ipsa excedere famam
 - Q uanq; . sed ingenium præter, præterq; redundans
 D octrinæ genus, est in te comperta benigna,
 Q uædam conditio morum, mansuetaq; quædam,
 A tq; hilaris uitæ species : qua quenq; mouere
 I n tui amorem possis. Hac sane' tibi sic me
 D euinxisti, sic me traxisti in tui amorem ,
 V t non solum animo te seruem, meq; tuimet
 A ssidue præstem memorem, cupidumq; : sed optem
 V alde etiam mihi præberi, offerriq; quid ansæ :
 Q uo tibi significare uoluntatem meam amantem,
 P ercupidamq; tui possim . nihil arbitror esse
 T am graue, tamq; labore refertum difficili, quod
 N on essem subiturus : opinarer modo gratam
 M e rem facturum tibi met , uel proficientem .
 V t te mirifice complector, amoq; calenti
 A ffectu : sic opto tibi bene' consuli, & omni
 C autum esse officio . desidero, ne quid agatur
 A ut prætermittatur, quod præter rationem
 M uneris existat , quo præditus es. speculator
 C um sis, & pastor gregis, obseruare acie acri,
 E st opus, & cura solerti pascere oportet.
 E st opus, obserues præsens, ne quid subeatur
 A' grege damnosum. sana pascaris oportet
 D octrina, quicumq; tibi grex creditus . unde
 S i quando munus sermonis publice habendi,
 T radendiq; palàm diuina, palàmq; docendi
 R elligiosa iniisti , nunc te maxime inire
 C onuenit; obstrictus cum sis ratione gregis, quem
 Commissum

C ommissum retines, nimis absurdum fuerit, si
Q uod iam præstiteris, nequaquam debitor: id nunc
S oluere, cum temet noscas debere, recuses.
S i uis te saluum, si uis præstare, quod ad rem
P ertineat: tibi commissi ducas rationem
M uneris, & credas quidquid præter rationem
P ascendi gregis, atque tuendi sumis agendum,
E xtra oleam esse. gregis pascendi munus, ut absis,
N on patitur. quam debes curam adhibere tuendo
P ro grege, non eius ratio permittit, uti te
A bsentem præstes. præsentem functio poscit
M uneris istius. nihil excusare potest te
O bstrictum: quoniam quod damni absente gregi te
C ontingat, tibi quin tribuatur, nulla potestas
P ontificis prohibere potest: quæ magna tametsi
E xistat: tamen infectum cum reddere factum.
N on ualeat, fit, uti damnum nihilominus obsit,
Q uod te contigerit prætermittente. placere
P ossumus, ut libuit, nobis: quantunq; uelimus,
P laudare nobismet quimus. sed recta putandi
R egula non permittit, uti se existimet ullus
Q uid posse ex Christo, quod comperiatur aperte
I psi aduersari Christo: normæq; repugnans
E sse salutari. ratio quod muneris ipsa
N on patitur, quod pontificis non ulla potestas
E mendare potest: tibi quæ natura benigna est,
H umaniq; referta, pati id poterit? tolerare id
Q uibit? ut officio desis, pasterq; relictum,
D esertumq; gregem permittas: impietatis
I d fuerit eximia, summæ id fuerit feritatis:

IVN. LVD. PARISETI

Quod ne committas, opto tam propter amorem,
 Quo te complector, quàm propter religionis
 Affectum, quo seruari, fieriq; beatum
 Quenq; aueo. qui præterea meus est amor in te
 Et quod propositum est cupiendi, quèq; bonum esse
 Officioq; satisfacere: efficiunt, ut abunde
 Expetam ego interea, dum uitam ducis in aula
 Romulea, ne quid pro conditione benigna,
 Et facili intrudas palpi summatibus istis:
 Et summo ne Pontifici, cui sæpe loquendo
 Adsis, plaudas, studeasq; placere decori
 Præter honestatem, & ueri præscripta. uelim iam
 Te maiorem religionis habere, Deiq;
 Quàm cuiusquam hominis rationem. quatenus ore
 Facundo polles: doctrina quatenus anteis
 Quosq; alios aulæ descriptos pontificali:
 Est operæ pretium, adnitari eatenus, ut nil
 Incidat illicitum, quin dissuadere procures:
 Nec quid legitimū, aut sanctum se suggerat, illud
 Quin persuadendum cures, studeasq; probare.
 Ut decumbenti, & male habenti corpore refert
 Plurimum, ut adsistat, qui non indulgeat, & qui
 Non faueat corruptis sensibus assentando
 Aegroti: sic affectis male principibus qui
 Adsistit, ne se nimis indulgenter habendo
 Deterius quid reddat, opus curare. memento
 Ergo pater reuerende, facis dum uerba supremo
 Pontifici adsistens, ne quid palpando loquaris.
 Quin quodcunq; mali affectus agnoscis, abunde
 Argue, & ad sanum cura deducere: nanq;

Quisquis adulatur, nutrit peccata. nocet plus,
 Qui palpat, quàm qui detrectat. iniquius est nil,
 Quàm, quem diligere, obseruareq; te fatearis,
 Si quid eum noscas committere, quo nec amari
 Nec obseruari mereatur, non reserare
 Constanter, neq; si liceat, reprehendere acerbe.
 Est adhibenda tamen ratio, ne quid uideatur
 Impingi grauius, nimiumq; ardenter inuri.
 Quidquid dicatur, dici monstretur amanter.
 Etsi ea adesse tibi prudentia creditur, atq;
 Iudicij grauitas: ut per te, quidquid agendum
 Sit tibi, sat noscas: tamen, ut sus Pallada, & infans
 Mercurium moneat: facit egregius charitatis
 Affectus, quo detineor tum publice in omnes,
 Tum priuatim in te. si cui transcendere fines
 Forte meos uideor, peccareq; ducor inepte,
 Dum mystas ego, sacrificosq; monere profanus
 Conor: id adscribi peccatum debet amor
 Omne, nihilq; aliud damnari præter amorem
 Debet, & affectum exoptatæ cuiq; salutis.

AD FELICEM SENENSEM.

P Rincipis ad nutum cuiusquam uiuere, Felix,
 Est miserū. nimis est graue pendere ex alieno
 Arbitrio. nihil ingenuo indignum magis est, quàm
 Seruire. unde tibi, dum uitam ducis in aula
 Seruili, sacriq; fauorem præsulis ambis
 Seruitio, quàm prospicias, caueasq; decenter,
 Pendere te paulum cuperem, paulumq; putare

IVN. LVD. PARISETI

Te uellem : qui deprendes indignius hoc te ,
 Quod facis, esse, tuo quo peius consulis acri
 Ingenio, & cœptis studijs magis officis . is tu
 Visus es esse mihi : qui sic profeceris, & qui
 Sic posses studijs operam dando edere fructum:
 Vt dum seruitio insistis, non tam facias rem
 Indignam fructu, quem feceris, impediās quā
 Indigne fructum, quem esses facturus. ut hausi
 Alloquium, & non ingenio pollere minus te
 Noui, quā studio doctrinæ ardere, moleste,
 Indigneq; tuli, & dolui uehementer, ut aulæ
 Seruitio tereres tempus, uitamq; labore
 Vano prodigeres. quid enim non ferre dolenter
 Debeo : si quem comperiam melioribus esse
 Addictum literis, & de quo, si gradiatur
 Vltius, sperem fructum quā maximum: cū re
 Fallaci: & uana uideam, agnoscamq; teneri,
 Diuerſi; alio, quā quo' deſcat honoris
 Præcipui ratio, & ueræ petat utilitatis
 Conditio? dum captando tu præſulis auram
 Expetis ad ſacri fucum pertingere honoris :
 Quem de doctrinæ studio uerum tibi honorem,
 Ac immortalem poſſes acquirere: eo te
 Fraudas. dum cenſu ſacro quid carpere tentas
 Utilitatis : onus quæris : damnumq; procuras :
 Et prætermittis rationem ueræ, & honeſtæ
 Utilitatis : quæ fluit ex uirtute, pioq;
 Doctrinæ ſtudio. quot nexus, quotq; labores,
 Quos ſequeris, cenſus, & quos exquiris, honores
 In ſe contineant : ſi cauta mente reuoluas :

Nil esse inuenies, cur incumbas, adeoq;
Adnitaris eis quærendis: ni tibi ducis
Esse laborandum, quo plus patiare laboris,
Aut plus incurras oneris. quos quæris honores,
Et quos affectas prouentus, tam tibi non sunt
Quoquam seruitio uili, quoquam'ue labore
Quærendi misero, ut seruum, miserumq; , suo pte
Pondere quenq; queant omnino reddere adeptum.
Siquid seruitij est subeundum, siue laboris:
Expedit, ut ratione rei subeatur, adepta
Quæ libertatem donet, referatq; quietem:
Cuius nimirum uirtus rationis habetur:
Quæ quod seruitij primo præferre uidetur,
Et quod principio censetur habere laboris,
In libertatis munus, donumq; quietis
Conuertit, hominemq; beatum deniq; reddit
Ex misero. quare si seruitio fieri uis
Liber, sublatoq; labore tibi requietem
Quærere: uirtuti inserui, sacrisq; laborem
Doctrinæ studijs impende, hæc sola beandi,
Atq; quiescendi est hominis ratio. ratio hæc est
Vnica seruitium recte, utiliterq; labores
Præstandi. nihil hac dempta ratione tenet uim
Tranquillandi animi, mentisq; quiete fouenda.
Quod si forte tibi sacrum proponis honorem
Quærendum, ut prodesse queas, præstareq; possis
Conducentem operam, laudo, commendoq; ualde
Propositum, modo eum te noscas esse, iuuare
Qui ualeas, operamq; queas adferre salubrem:
Et te deprendas eius charitatis, ut optes

IVN. LVD. PARISETI

Cuiq; bonum, cupiasq; tuo te posse labore
 Quenq; iuuare. sacrum quisquis sibi quærit honorē
 Hac ratione, pie facit, & uirtutis agit ui
 Præclara. uerum natura eiusmodi honoris
 Est sacri, ut uirtute hominem petat insignitum
 Multiplici, & uitæ multa integritate nitentem.
 Qui non affectus omnes subuerterit, & non
 Frænum animo indiderit cupienti: cōmodus is tam
 Non fuerit sacro subeundo publice honori;
 Quàm sibi de sacro referet incommodum honore.
 Imprimis igitur te deseruire parandæ
 Virtuti cupio, studijsq; incumbere sacra
 Doctrinæ, & sacro dignum te reddere honore:
 Ante ipsum quàm procures tibi quærere honorē:
 Qui facile accedet tandem, minimeq; petitus
 Obijcietur: ut extuleris te sic ratione
 Virtutis, studijsq; adeo profeceris, ut te
 Arguere immeritum non ulla exceptio possit.

I V N I O R I S L V D O V I C I P A R I S E T I
P O S T E R I O R V M E P I S T O L A R V M
L I B E R S E C V N D V S .

A D A N D R E A M A L C I A T V M .



V M Pisis essem Andrea, studijsq;
uacarem

L egum ciue tuo Decio profiten-
te, tui tum

P rimum notitiam suscepi nomi-
nis, & te

P luribus audiui celebrari laudibus : ut qui
M ultipli, variaq; fores farragine plenus
D octrinae : primusq; nouam afferres rationem
L egibus exponendis . cum nunquam, simulatq;
I udicii quid coepi, hominem audierim celebrari
D octrina, quin affectu correptus in ipsum
S im magno : intellecta tuae praestantia, & ingens
C opia doctrinae fecerunt me tui amantem,
A tq; obseruantem. mox hoc studiosior in te
R edditus, effectusq; fui, mihi quo potiori
I ure tuae specimen uirtutis claruit . ut te
A utem de facie noui, tecumq; locutus,
D eprende, non tam doctrina, quam probitate
T e praestare animi, tanto cumulatior in te
F actus amor meus est, quanto doctrina minoris,
Q uam probitas animi est censenda. licet tibi causa
D octrinae multum laudis merearis, adeptus
C um sis, quod nulli penitus rear haecenus esse
Q uaesitum in simili studij ratione: tamen quae

D iij

IVN. LVD. PARISETI

Est uitæ probitas, morumq; modestia, tanto
 Maiorem passim laudem, cultūq; meretur:
 Quanto perspicuum magis est: sordescere, quæ non
 Sit probitati animi doctrina adnexa. latebras
 In studijs legum multas reserasse: latine
 Exposuisse libros ueterum, responsaq; iuris
 Barbarie exoluisse, fuit laudabile: uimq;
 Egregiam ingenij ostendit. quòd fama per omnes
 Pene orbis partes celebrem te reddat, & inter
 Quosq; exponendi iuris, legumq; magistros
 Precipuum statuatur, ducendum est plurimi. abunde
 Est pulchrum, quòd te respublica quæq; dicata
 Gymnasijs legum oblata mercede, docentem
 Exigat, & magno precio conducere quærat.
 Sed, quæ doctrinam probitas comitatur, ea est, quæ
 Te uere dignum cultu, laudisq; merentem
 Efficit. in quo uita impura sit associata
 Doctrinæ, quæ fama paratur ei ratione
 Doctrinæ, est infamia. quæ doctrina per ora
 Laetatur hominum, si sit uitij comitata,
 Dedecori inseruit, labiq; ministrat agenda
 In uulgum. quare non tam tibi gratulor, & non
 Tam tibi gratandum omnino reor ob rationem
 Doctrinæ uariam, quàm propter conditionem
 Viuendi integram. mihi quæ propensa uoluntas
 Est in te, longe plus defert integritati,
 Quàm doctrinæ, cuius adeptæ si quid habetur
 Forte, quod adscribi curæ, tribuiue labori
 Posse tuo credas: nihil est, quin esse rearis
 Auræ diuinæ tribuendum, quidquid haberi

Contingat probitatis . habes si numinis aura
Diuini, quo præcipue celebreris , & inter
Mortales laudem eximiam mereare: quid obstat,
Quin debere Deo ducas te maxime, & omnem
Arbitrere tuam laudem, nec non decus esse
Obstrictum in primis? quod cum perpendere possis,
Nosseq; perspicue: superest, ut gratum ideo te
Exhibeas, referasq; Deo quid gratiæ: ab ipso
Cum præsertim habeas etiam: quodcunq; parandæ
Doctrinæ ingenium suffecerit . ergo decens est ,
Vt bene quem de te meritum scis, demerearis,
Quo pacto possis, quantumq; tuæ patiantur
Vires. qua uero efficere id ualeas ratione ,
Inuenies facile: in miseros si munificum te
Præbueris: proprioq; inopes adiuueris ære.
Si Deus in causa fuit, ut quæsiueris istud
Doctrinæ, & famæ: ut posses mercede recepta
Quærere diuitias, largosq; pecuniæ habere
Thesauros: cur non fueris censendus auarus,
Ingratusq; Deo, si quod opis petat à te
In persona inopum, renuas præstare. parasti
Quos ope diuina thesauros, trade ferendos
In cælum, sedi q; tibi in cælo redimendæ
Impende, æterno teneas quam tempore felix .
Cum tibi nec nati existant, nec proximus hæres
Sanguine sit quisquã: quos fratres, quosq; propin-
Ipse tibi Deus adsciscit, & Christus adoptat, (quos
Excipe, & hæredes fac sunt superstiti adhuc te.
Quos Christus tribuit, fratres agnosce: manuq;
Ingenua, largaq; iuua . quid proderit inde

IVN. LVD. PARIS ETI

T e latos fundos, multumq; habuisse talenti,
 C um cunctis opus hinc fuerit migrare relictis?
 D um superest igitur tempus: tibi contrahe amicos,
 C onciliaq; ministros, qui ad tentoria cœli
 T e ducant, sternantq; tibi cœleste sedile
 I d sane' si tu curaueris efficiendum:
 T am tibi perpetuo prospexeris, atq; beatam
 V itam quaesieris: quàm summam adieceris illi,
 Q uam de doctrina retines, probitateq;, laudi.

AD MARSILIVM BIANCV M.

Quod sis Marsili attonitus, stupidusq; fluenti
 Faetus apoplexi, quam ægre tulerim, atq;
 moleste,

M agnus amor meus in te, consuetudoq; nostra,
 E t quæ plura opera, officioq; tuo capiebam
 C ommoda, testari possunt, possuntq; patenter
 A rguere. assiduus comitatus, amica frequensq;
 C onuentus ratio nunquam subeunt mihi, nunquã
 S uccurrunt, quin commouear uehementer, et agro
 A ffectu tangar. quoties mihi suppetit, ut sim
 P riuatus tam dulci consuetudine, tamq;
 F ida opera caream: mihi quam præstare, meisq;
 S uetus eras rebus, non possum non grauiter, quod
 C ontigerit tibi, ferre: tuumq; dolenter habere
 N on casum: qui tanto' etiam me tristius urget,
 A ffligitq;, tuæ quanto' damnosior esse
 A pparet soboli: cui iam non amplius usum
 F erre potes quæquam, nec quid prodesse forensi

Prouentu. tuus hic casus tantò est grauioris
C onditionis habendus: habet quanto potlorem
I n se iacturam. per casum non potes istum
Subsidium soboli ferre, aut succurrere amicis.
Quidquid opis præstare tuis, rebusq; tuorum
Quibas, istius sublatum est prorsus acerbo
S uccessu casus. miserabilis iste uideri
C uiq; potest casus, qui præcipue rationem
C orporis, ac huius uitæ mortalis habendam
D ucat, & humanis rebus plus deferat æquo.
Quòd si quis perpendat, uti diuina uoluntas
O mnibus adsistat, præsitq; cadentibus: & nil
P ermittat sine se succedere posse: malo nil
S entiet esse adscribendum, quod colligat eius
A uspicio cadere, atq; homini contingere. quidquid
I psi homini sine faëto hominis contingit, id ulla
S ub ratione mali censerì tam nequit: ut sit
T anquàm proueniens diuina lege, putandum,
C ensendumq; bonum. quod uero constat iniquo
F aëto hominis: nequamq; opera committitur, et si
I d nequeat non esse malum, dum respicit ipsum
C òmittentem hominē: tamen ad rationem alicuius,
P roductumq; boni deducitur expediente,
A tq; operante Dei bonitate. quod accidit ergo
A ffectus tibi corporei, si quidem sine noxa,
P eccatuq; tuo successit, cum tribuendum
C onsilio, placitoq; Dei sit prorsus, habendum
E st nulla ratione malum. licet is uideatur
S ensibus affectus: contrarius, & rationi
C orporeæ pernix, tamen attenta ratione

IVN. LVD. PARISETI

V era hominis tam non nocuus, uel perniciosus
 D ebet censerī : ut magnam retinere salutis
 Quærendæ uim comperiatur . nam tolerandi
 V irtuti, frugiq; modestiæ idoneam, & aptam
 M ateriam præbet, campisq; aperit uirtutis
 E xercendæ habilem. quin non solummodo præbet
 M ateriam, & campum uirtuti suscipiendæ :
 V erum etiam uim præbet ei, auxiliumq; parandæ,
 A nsa peccandi sublata, & fomite adempto
 C orporis in uitium procliui. occasio, quæ se
 P eccandi præstabat, tum ualidi ratione
 C orporis officij, quàm causa publici, adempta
 E st tibi. cum causas ageres, operamq; locares
 P ragmaticus, quæ consuetudo hominum uariata,
 M ultiplexq; erat, & quæ procuratio lucri
 F iebat, poterant animum corrumpere, remq;
 P erdere præcipuam, damnumq; afferre salutis
 I mmortale. Deus cum prouidus intueretur
 I ncolumi te corpore perniciem subituum
 E sse animæ, cavit studiosus, amansq; tui, ne
 O blatum perdendæ animæ discrimen haberes.
 H inc id corporei affectus immisit : uti te,
 T am delinquendi demendo commoditatem,
 Quàm præbendo uirtuti instrumenta parandæ
 S eruaret, dignumq; salutis munere tandem
 E fficeret. tam non indigne ferre, queriq;
 D ebes: affectum te sic, ut reddere laudes
 H ac ratione Deo deceat te maxime, eiq;
 T e gratum præstare : tibi qui subueniendum
 T am caute curauit, & in ratione salutis

Aeternæ tibi prospiciendum tam studiose
Constituit. nihil ergo, Dei quin munus amantis
Respicias, meritiq; agnoscas conditionem
Diuini. memora, quàm conducenter agatur
Tecum, qui sis debilitatus corpore: quo mox
Viuerè perpetuo posses, animoq; ualeres
Iugiter, affectus si corporis iste molesti
Quid forsàn uideatur habere: ea præcipue te
Solari debet ratio, quòd prætereunti,
Et fragili uitæ sit successura perennis,
Ac stabilis, requiesq; breui diuturna labori
Aduentura. prout lenis labor esse uidetur
Spe lucri, nullumq; grauem sinit esse dolor em
Mercedis spes amplæ animo concepta: tibi sic
Leniter accipiendum, et pacato subeundum
Est animo, quodcunq; trahas incòmodum ab agro
Corpore: cum uideas tantum lucri esse paratum;
Oblatumq; tibi tantum mercedis. habendum
Non est damnosum, in cuius ratione locatum
Sit plus compendi, quàm damni. corpore sospes
Quibas lucrari, quæstu succurrere proli,
Remq; clientelis augere domesticam opimis.
Sed quid erat tandem morte accedente futurum?
Nil tibi diuitiæ, nil res, nil lucra fuissent
Profectura. nihil natis exauetæ facultas
Ad rem fecisset, sunt irrita, uanaq; tandem hæc
Omnia. sola animæ ratio est ducenda, salutis
Aeternæ respectus haberi hominis rationi
Conueniens solum debet. nihil attinet ultra
Querere Marsili, quàm saluificum Dei amorem,

IVN. LVD. PARISETI
Felicemq; animæ uitam, pro cuius adeptu
Nil non cum lucro contemnitur, atque subitur.

AD BEATRICEM.

AD metam istius uitæ si nostra Beatrix
Sisteret omnino ratio: nullusq; futura
Respectus uitæ foret: infelix nimium tu
Censeri posses: quæ delectamina mundi
Huius, & illecebras uitæ præsentis omissas
Fecisti: ut statione loci temet retineres
Angusta, & iugi traheres in carcere uitam.
Tam mundi istius spreuisti commoda: tamq;
Delicias uitæ præsentis nullius esse
Duxisti pretij: ut uiridanti in flore iuuentæ
Te subtraxeris, & matrem, fratresq; relinquens,
Destituensq; tuos omnes, elegeris arcto
In claustro uitam traducere sola. quis istud
Non uitæ genus horreat: & sibi non fugiendum
Esse putet, qui corporis, & sensus rationem
Ducat, & in primis non arbitretur agendam
Esse animæ curam immortalis? uti genus istud
Viuendi ualde miserum, infelixq; uideri
Cuiq; potest: qui commoda corporis æstimet, et qui
Corporeis putet indulgendum sensibus: ad rem
Sic quis respiciens animæ, uitæq; futurum
Perpendens munus, tam non miserum id reputarit,
Infelix'ue: beatum ut protinus & sapienter
Susceptum sit censurus. mutare perenni
Temporeum, fallax uero' postponere, sani

Est animi, recteque sibi, et bene prospicientis.
Præter eam, quam uenturo post tempore spondet
Vita uoluptatem à mundo hæc aliena, quietis
Multum habet, et gaudi. nam cum suauis Dei abundet
Gratia, et assiduo diuini fulta fauore
Flaminis existat: tam nil sentire relictis
Ex mundi rebus mæstum, uel triste potest, ut
Magnum desertis sumat sibi gaudium ab illis.
Qui multum admiror, quod principio tibi, cum sis
Fœmina, propositum fuerit tam forte, adeoque;
Constans: ut posses sensum superare, grauemque;
Aduersus pugnam persistere corporis: idem
Inuideo, non tristitiam ratione boni, quod
Sit tibi, suscipiens, sed mærens memet habere
Non æque: quoties considero, quanta quietæ
Istius uitæ tibi sint solatia: quamque;
Abiectis mundi curis, rebusque; beata
Viuas, et quàm læta Dei potiare fauore.
Nulla humanarum rerum constantia, nulla
Rebus in ambiguis mundi sincera uoluptas.
Quæ mundi inseruit curis mens, anxia semper
Distrahitur: uariisque; modis uexata, quietem
Nescit: et ancipiti semper discrimine se fert.
Hinc, ne beata magis, magis an laudabilis esses,
Hæreret posset: nisi qui uirtutis ab ipso
Procedat studio fructus, quoscunque; labores;
Vinceret exceptos causa uirtutis. obisti
Quos expugnando sensum, corpusque; labores;
Quorum tu causa laudari digna putaris:
Qua fruëris, magno tranquilla beatio uincit

IVN. LVD. PARISETI

Excessu plerunq; meæ me conditionis
 Pœnitet : atq; mei miseret me sæpe: mihi cum
 Succurrit, quibus occiderim, fuerimq; uolutus
 De gradibus, quos in uitæ ratione quietæ,
 Felicisq; tenerem : ad quos cupio me aliquando
 Restitui: quod uti fiat, possimq;, Deum ores,
 Expeto, & affectu summo contendo, precere.
 Nam pro religione tua, pietateq; summa,
 Quæ caram, gratamq; Deo te maxime opinor,
 Nil fore difficile impetratu duco, quod acri,
 Contentaq; prece exposcas. confido futurum,
 Ut quod ego, cum sim multi sons criminis, atq;
 Errati, crebro nequeam impetrare precatu,
 Tu dilecta Deo obtineas: nullamq; rogando,
 Poscendoq; Deum pro me patiare repulsam.

AD HIERONYMVM PARISETVM.

Quæ tibi prospera sors Heronymæ contigit :
 & quæ
 Cōditio primū iuueni tibi honesta, decēsq;
 Est oblata, facit ne spem, frustra rear esse
 Insignem de te mihi conceptam. indole semper
 Visus ea es nobis, ut te sperauerim abunde
 In studijs legum ualiturum, & rebus agendis :
 Hincq; fore, ut decus egregium, nomenq; parares
 Tū tibi, tum domui nostræ. quod munus agis nūc,
 Est id, uti præter magnam decoris rationem,
 Quam retinet, longe ad maiores possit honores
 Te uehere, ad maiusq; tibi reserare fenestram
 Laudis

Laudis honestamen. cum fors tibi, uel Deus author
Sortis non desit: tibi met ne deniq; desis,
Prospicias, opus est. quod quamuis arbitrer esse
Per te facturum: tamen, ut moneam, facit ingens
In te noster amor, qui quanto largius implet,
Perfunditq; animum: tanto solertius instat
Officio, quæritq; cauere. licet putem eum te
Cui pro ætate satis, qua præditus es, iuuenili,
Consilij sit, & ingenij: tamen ob charitatem,
Qua te complector, propterq; æuum, ratione
Cuius te supero, inducer, monitoris ut utar
Officio, cari q; instar te patris adhorter.
Quod munus geris, in primis perpendere debes,
Quid petat, & quantum curæ sibi postulet à te.
Quod facile accipies: si finem muneris esse
Duxeris istius, cui præsis, commoda gentis
Quærere, et omne tuum studiū conuertere ad usum
Atq; bonum populi, cui dicas iura. Regendo
Pæfectus populo semper debet meditari,
Vt paci caueat populi, & populum tueatur
Indemnem, non autem qua ratione lucrari
Possit, & exueto populi de sanguine quæstum
Contrahere: ut nostro faciunt hoc tempore multi:
Qui protendentes rationem muneris omnem
Ad lucrum, quæstumq; suum, benè munus habere
Rentur: ubi multum quæstus, multumq; rapinæ
Contigerit fieri. talem nec te puto, nec te
Esse uolo: sed postrema te ducere quæstum
In ratione: nihilq; magis, quàm cōmoda, remq;
Commissi populi cupio curare, caueto

IVN. LVD. PARISE TI

Præterea, ne te quisquam deducat ab æquo
 Affectus: cogatq; animum transcendere metas
 Iustitiæ aut pietatis. ages quæcunq;, putato
 Esse Deum testem, coramq; adstiter. ne te
 Suasibus impelli patiare alicuius, ut in ius,
 Aut leges pecces. quæquam ne credito amicum
 Esse tibi: qui poscat iniqua, rogetq; inhonesta.
 Ne tantum cuiquam curato placere, nec ultro
 Deferre: ut potior non sit tibi iuris, & æqui
 Conditio. exactam rationem religionis
 Ducito: nec quidquam permittito posse negoti
 Immemorem cultus diuini reddere mentem.
 Nam solet accidere, ut tractatio publica rerum
 Ad memoranda animum reddat diuina pigrentem:
 Quod minus eueniet, si publica quæq;, prout par,
 Quo debent, uertantur eo: finisq; tenorem
 Ad uerum proprij referantur: qui Deus, & qui
 Est ratio diuina boni communis. habeto
 Iugiter hoc animo fixum, quoscunq; labores
 Pertuleris, frustra cessuros deniq;: ni quo
 Debent, respiciant, uerumq; habeant sibi finem
 Propositum. quanto est grauior prouincia iuris
 Dicendi, & quanto moderandi cura, laboris
 Plenior, & discriminis est: tanto potio-
 rem Vim tenet ad laudes, meritumq; salutis agendi.
 Qui præsent, profuntq; alijs, sunt numinis instar:
 Seq; Dei præbent imitatores. Deus omnes
 Respicit, & curat, curandoq; sic habet, ut tam
 Profit, quàm præsit. genus hinc laudabile multum
 Rectorum, carumq; Deo quàm maxime haberi

A sseruit, qui uaticina diuina poesi
R ex celebrat. qui præsudet, est positus uelut alta
I n specula : in quem subiectorum lumina quæq;
S int directa : queat ne quis pedibus, manibusq;
C onari, quin conspiciatur, siue notetur :
Cuius ab exemplo cum se communis agendi.
C ensura, & ratio referant plerunq; cauendum
S icut ei fuerit, ne quid committat, obesse
Q uo possit morum rationi publicæ habendo
S ic se præstanter, uiuendoq; rite iuuabit
M ultum, & proficiet communiter instituendis
M oribus, & uitæ rationi retificandæ.
M ulta magistratu fungentis cautio debet
E sse. cauenda etiam suspicio criminis: ipsum
N e dum uitandum est crimen : suspicio cuius
T antò contrahitur leuius, quanto' acrius instant
O bseruantum acies. uix tanta modestia quiuit
E sse magistratus cuiusquam : tantaq; uitæ
I ntegritas, quin inueniat, qui rodere tentent :
E t quærant causam impingendi criminis. unde
E st obseruandum, nequid carissime fili
C ommittas tam uiuendo, quàm munere iuris
D icendi fungendo : quod esse queat nocumento
S ubiectis, nequid facias, quod obesse reapse,
E xemplo'ue queat. quantum contendere possum
H ortor, ut effugias non solum criminis omnem
C ulpam, sed quanq; obijciendi criminis ansam
A brumpas etiam : studeasq; occurrere uitæ
I ntegritate, animiq; nitore quibusq; malignis
M orsibus, inuidiæq; retundere tela gerendo

IVN. LVD. PARISE TI

T e benè, & officijs non deficiendo . geras sic
 T e cupio, ut quæ nobilis expectatio de te
 E st suscepta, cadat feliciter , obtineatq;
 S uccessum, & pulchram ferat hæc provincia laudē,
 E t frugi sit saltem animæ, prositq; saluti.
 I nterea si quid reris me posse iuuandi
 I n ratione tui : uolo libertate petas me
 N o n alia, quàm qua exigeres, peteresq; parentem.
 N am pro iure propinquo sanguinis , & uehementi
 P ro studio uirtutis, quo te nosco teneri,
 T e nequeo non diligere, & uehementer amare.

AD HIERONYMVM LIBANORVM.

E T si præsentì te consuetudine nondum
 N oui Libanore: tamen mihi tam benè amaris
 T amq; animo benè nostro hæres: quã qui ueteri sit
 I unctus amicitia , uel consuetudine iugi
 C ognitus . integritas animi, morumq; benigna
 C onditio, à consanguineo descripta nepote :
 E t certis deprensa notis, sic me tibi amicum
 C onstituere: tuum sic me fecere : frequentè
 V t desiderio tangar tibi gratificandi :
 A c optem , me posse aliquid, quod commoditati
 D eseruire tuæ ualeat , prodesseq; possit.
 P ræterea cum doctrinæ , & uirtutis amantem
 T e præstes : ius exigit, & deposcit honestum:
 V t multi fias nobis: qui detineamur
 D octrinæ studio: & cultu uirtutis agamur.
 Q uin , si non adeo doctrinæ, quis penetrarit

I ntima, nec perfecte adeo uirtutis adeptus
S it summam; tantò magis est laudabilis eius
A ffectus, quanto' gustum, fructumq; minorem
D octrinæ assequitur, uel quanto debiliorem
V irtutis habitum retinet. quapropter is in se
A rguit egregium specimen rationis, & ingens
N aturæ munus: qui quod mereatur amari,
S ic amet, ut summo affectu moueatur in ipsum:
E t si nil fructus sibi sentiat inde: sibiq;
N il gustu apprendat consorti. quæ mihi te nunc
I ungit amicitiae ratio: cum non alicuius
V tilitatis respiciat finem: neque causam
D ucat ab externorum conditione bonorum:
S ed ui quadam animi constet: quendamq; sequatur
N aturæ instinctum: fieri uix posse reor, quin
P ersistat: maneatq; perenni tempore: donec
N ostrum utriq; supersit uita. fruamur ut ergo
I nterim amicitia: nobis est tandiu agendum
S criptis: commoditas donec se præbeat: una
V t simus: dulciq; simul sermone loquamur.
Q uod confido breuî fore: ni quid forte, quod obstat,
A ccidat, eueniat'ue aliquid: quod uota moretur.
N am cupio iandudum istuc accedere, partim
L axandi respectu animi, partim ratione
V isendi te cum reliquis, quos diligo, amicis.
I am cum me solum studiorum cura teneret:
E t me duntaxat provincia grata legendi,
D iscendiq; meo tum fratre superstite haberet:
T empore suctus eram æstiuo, uernò'ue relicta
M e conferre aliquo' patria: quo quærerem amicos:

IVN. LVD. PARISETI

Quæ sitos'ue uiderem: quæ mihi consuetudo
 Non minus oblectando animum, quàm proficiendo
 Corpori erat frugi. uerum simulac mihi acerbo
 Est casu frater subtractus: tota meæ sic
 Turbata est uitæ ratio: ut reliquum mihi nil sit
 Factum otii: & nequeam quidquã decernere de me
 Amplius, aut aliquid de me promittere certo.
 Multiplici teneor uinctus, nexusq; cathena:
 Et ueluti adscriptus glebæ sum seruus: ut hora
 A' curis, tricisq; mihi non una supersit
 Immunis. quare si me conuellere pacto
 Hinc ullo potero: te uisam, teq; libenter
 Conueniam: licet hospicij ius uendicet in me,
 Ad quem appellatur iudex Laurinus amatus
 Sic mihi: ut insignes inter numeretur amicos:
 Cui cum polliciti causa sim debitor: & sim
 Tam literis, quàm uerbis obstrictus: minime fas,
 Vt desim: fallamq; fidem, promissaq; frangam.
 Interea quantum tibi met promittere possis
 De me; non scribam: quoniã ex animo potes in me
 Id censere tuo: cum qui te detinet, in nos
 Affectus, nobis idem se suggerat in te.

AD HERCVLEM PRINCIPEM.

Quo princeps præclare teneri religionis
 Affectu ferris: quo diceris in Deũ: amore,
 Et cultu tãgi faciunt: ut præter amorem,
 Et cultum: quem iure potestatis tibi noscam
 A' me deberi: tantum te diligam, amemq;

Atq; colam: quantum est par pro nostro in pietatem.
Atq; Deum studio fieri. cum censeam amandum,
Ac observandum tanto' magis unumquenq; :
Quanto' contingat cura maiore teneri
Virtutis, cultusq; pij: quàm credere dignum est,
Te, qui non minus excellis uirtute, pioq;
In superos cultu: quàm principis inclyto honore
Insigniris: amari adeo nobis: adeoq;
Ex animo observari: ut numinis, & patris instar
Ducaris. planè representare uideris
Numen ea, qua præcipue integritate nitescis:
Quaq; pia bonitate scates. Dum, qui domineris,
Es præfectus, habes etiam, quod numinis esse
Dicatur: speciemq; Dei quodammodo adumbret:
Effingat'ue. gubernandis quæ cura adhibetur
Subiectis solers: & quæ prospectio rebus
Præstatur populi uigilans, & prompta tuendis:
Patrem præcipue referunt, munusq; paternum
Ostendunt. quamcunque geris, persona meretur
Tam summo affectu complecti: quàm ueneratu
Multo observari. personarum ratio, quas
Inter nos geris, exposcit, te plurimum amari,
Præcipuaq; coli ratione. at quod facimus, dum
Te colimus, ueneramur, amamus: iure fit istud
Summo: nec facimus quidquam, cui nō teneamur:
Aut non obstricti simus. nam principis omnis
Est ditio diuina: Deoq; authore potestas
Omnis habet robur. per singula quæq; Deus cum
Sese diffundat: causisq; humana secundis
Expediat: nulla se prorsus imagine profert

IVN. LVD. PARISETI

Rebus in humanis expressius, ac melius, quàm
 Principis in persona, opera cuius, moderando
 Humanum genus, utatur. ius maius in ipsos
 Principis est homines, quàm quod homini uideatur
 Competere erga hominem. diuino munere princeps
 Fungitur, atque Dei quandam præferre uidetur
 In terris speciem; quæ si solo referatur
 Personæ fuco: nihil attinet ad genuinam,
 Aut ueram rationem principis instituendam.
 Ni princeps se sic habeat uiuendo, ut abundet
 Omnigena uirtute: animiq; exuberet insonis
 Integritate, Deum referet neutiq; , minusq;
 Verus erit princeps. ueluti diuina refertur
 Principe conditio: sic principis usurpabit
 Is frustra nomen qui sic non degat: ut ipsum
 Effingat, referatq; Deum: quantum fieri quit
 Præstari ue potest: quanto quis moribus, atq;
 Virtute excellens propiore Deum ratione
 Accedet: tanto sibi principis æquius, atque
 Iustius adsciscet nomen. qui iure uideri
 Exoptat princeps, expendere singula debet:
 Quæ faciat, libra diuini numinis: & se
 Aetibus in cunctis imitatore Deum, uti fas
 Permittit, præstare. Deum spectare, Deumq;
 Semper habere oculis obiectum, menteq; firma
 Detentum debet princeps, quæcunq; sibi sint
 Expedienda: uel immineant facienda. Deum se
 Dirrigat ad normam princeps: & fingere curet
 Se Dei ad exemplar: quantum præstare potest uis
 Humana. ut se se largum Deus, atq; benignum

Exhibet erga omnes : passimq; suæ bonitatis
Thesauros diffundit : & expertem, uacuumq;
Nullum permittit meriti : sic principis est , se
Munificum præbere : suosq; iuuare benigne
Subiectos, & muneribus cumulare, bonisq; :
Et nullam penitus dimittere proficiendi
Ansam. nil rerum penitus Deus edidit ob se ,
Sive sui causa : sed cuncta ad commoda fecit
Externa , atq; alienam eduxit ad utilitatem .
Præcipue rationem hominis sibi duxit habendam :
Quem sic protulit, ut felicem redderet : & se
Perpetuo præberet ei, offerretq; fruendum.
Quin ipsum in mortem lapsum, culpaq; suapte
Damnatum poenæ exemit, summaq; redemit
Vi charitatis. homo factus sumpsit sibi formam
Seruitij, cum cuncta suo moderamine obiret:
Quo generi humano succurreret, & prodesset
Lapso homini. quicunq; Deum princeps imitari
Expetit : ac imitando cupit dignus dominatu
Censeri : princepsq; merens, & uerus haberi.
Est opus : ut conuertat eo se prorsus, eoq;
Omnibus incumbat conatibus : ut subiectis
Prosit : & incolumes populos custodiat, & nil
Dirrigat in propriæ rationem commoditatis,
Sive uoluptatis. finem præscribere solum
Hunc sibi legitimus debet princeps : ut abunde
Subiectos iuuet : ac omni cura, studioq;
Nitatur : quo prosit eis, caueatq; : suæ quos
Commisissos habeat fidei . sicut pater omnem
Conuersam in natos curam tenet instituendos :

IVN. LVD. PARISETI

Ac operam quamcunq; suam dispensat: ut ipsis
 Prospiciat natis: ad quorum commoda quidquid
 Cogitat, atq; facit, conuertit, sic bonus erga
 Subiectos princeps prorsum se debet habere:
 Vt summa cura, studioq; affectet eorum
 Commoda, & in primis quidquid procurat, agitq;:
 Vertat eorundem ad frugem, emolumenta q;: cū sis
 Tu princeps: & plura habeas, quæ principis esse
 Debent, & faciunt ad uerum constituendum
 Principem: opus fuerit recte perpendere: si quid
 Desit, & ad summam statuendi principis ultra
 Deficiat. si quid diuina coarguat in te
 Regula subsultare: patris si expensa admissim
 Conditio, aut natura aliquid conuincat abesse:
 Summa adnitendum cura, totoq; studendum
 Adnixu: ut quantum fieri queat, exequetur,
 Quod subsultet, & inducatur id omne, quod absit.
 Multa quidem ratio perfecti principis in se
 Continet: & vires hominis superare uidetur.
 Sed nil, quod diffidat homo se posse, Dei se
 Sufficiente opera, quæ nulli deficit egenti,
 Ac imploranti: quin tanto promptius aura
 Insinuat se principibus diuina iuuandis:
 Quanto conditio se principum habet propiori
 Ad numen ratione. igitur si quid tibi princeps,
 Exacte expendens temet, deprendis abesse:
 Quod uel amabilis officium patris exprimat in nos:
 Vel quod diuinum referat imitamine numen:
 Posce Deum: numenq; ipsum, quoniam experire,
 Nil confidenter posci, nil exigi honeste,

Quin impetretur . nam procurare decens est :
Ne, quod candoris menti reperitur adesse ,
Sit, qui corrumpat, unus: uel quæ maculet, sit
Aspergo . pro nostra etiam charitate: pioq;
Affectu cupimus : sic agnoscas meritorum
Tantum largitorem, authoremq; Deum ipsum:
Ut memori semper seruentur mente, animoq;
Grato uoluantur. quòd res feliciter omnes
Succedant: quòd pace fruaris, agasq; quietem
Inter tot turbas, merito hæc contingit haberi
A te diuino: cui non externa bonorum
Commoda solum: sed quæcunq; et tã animũ, quàm
Corpus respiciunt, interna accepta referri
Omni debent. quantum sapis, ingenioq;
Polles, id totum tribui, adscribiq; potenti,
Munificoq; Deo debet. uirtutis habetur
Nil in te cuius non existat Deus author.
Quæ probitas, quæ religio tibi dicitur esse :
Hæc ex diuino procedit munere . quantum
Consilio præstas: quantum prudentia agendis
In rebus potes : aura Dei id, diuinãq; uirtus
Attulit. hinc confit, tanto' magis esse Deo te
Obstrictum debere: Dei quanto' meritis es
Pluribus ornatus . cum mecum cogito de te.
Deq; tuis rebus: uideor deprendere quandam
In te præcipuam diuini numinis auram:
Qua reliquis ex principibus tu maxime honorum,
Tranquillumq; statum obtineas, uitamq; quietam
Traducas. quare agnoscenda Dei tibi tot sunt
Munera, perpetuo si uis gaudere, perenni

IVN. L VD. PARISETI

S i uis pace frui: nihil est, quod prouocet iram
 N uminis asperius, quàm ingrata superbia, quãq;
 Diuini meriti ratio non ducta satis, nec
 A gnita perfecte. Deus est, qui regna tuetur:
 Et Reges fouet: à quo qui peccando recedunt:
 D eficiuntq; relinquendo recti rationem,
 Et iusti: nihil est, cur successum sibi lætum
 P romittant, aut stare diu, ac persistere sperent.

AD LANFRANCVM GYPSEVM.

Quod summa Lanfrance fide, studioq; sagaci
 Principis incumbas rebus, perstesq; gerendis:
 T à non idcirco damnandum te reor esse:
 V t uel non modicam laudem uideare mereri.
 Quod tibi commissum sit confidenter, & ex spe
 P racipua, non procurare fideliter, haud spem
 T am fuerit fraudare, fidem quàm fallere. quod tu
 Si faceres: tanto' peius, grauiusq; profecto
 P eccares: quanto' personam in nobiliorem
 P eccari contingeret: & quanto' magis esset
 P ublica materies: in qua contingeret à te
 P eccari. nil porro aliud res principis est, quàm
 P ublica res: cuius ratio sic debet haberi:
 V t primas mereatur post diuina, Deumq;.
 P ublica res patriæ ius continet, & rationem
 I ncludit patriæ res publica: cuius habendus,
 C ensendusq; pater princeps: qui præstat eum se,
 V t potius sibi nil ducat, quàm quenque iuuare,
 E t uulgo prodesse. suumq; existimet esse

P ublicum, opineturq; nihil sibi prorsus habendum
P riuatim. quisquis princeps gerit hocce modo se,
I s pater est patriæ: cui de seruire pium tam,
Q uam iustum fuit. hinc tu, quatenus emolumenta
P rincipis affectas: eiusq; negotia agenda
V tiliter curas, tam non est, cur merearis
A rces si: ut me sis laudandus iudice. si res
P rincipis est coniuncta rei sic publicæ: ut una
S it ratio, finisq; unus statuatur: agis rem
T am licitam, & iustam, dum principis utilitati
I nuigilas: ut uix superet quid, cuius agendi
C onditio præstans æque, pariterq; labore
D igna sit insigni. quod si rem principis à re
P ublica abhorrentem prorsus, penitusq; remotam
P rocuras, tam quod liceat, deceatq; facis nil:
Q uam princeps peccat: dum publica ab utilitate
S eparat, abiungitq; suam. quare tibi cauto
S pectandum est animo: quo procuratio tendat
H æc tua: quam de re traducis principis. hæc si
P rorsum alio uergat, quam quò res publica spectet:
R e peccas grauiter, noxamq; rei ratione
I llicitæ incurris: quam tanto deteriorem
E fficias demum: quanto minus accidat à te
S eruari, agnosciq; modum. seruandus in omni
R e modus est, à quo nemo decedere uel re
I n licita sine labe potest, uitioq;. cauendum
E st igitur: ne te transuersum affectio ducat:
A mbitio ue gradu de recto summoueat te.
I udicium solet affectus corrumpere. honoris
A mbitio, ac euadendi uentosa cupido.

IVN. LVD. PARISETI

Deprauare animum sœuere. duplex ineunda
 Cautio, ne quid agas: quod re non congruat ipsa:
 Aut non conueniat metæ ratione, modiꝑ;
 Principis haud quaquam tanti tibi gratia debet
 Esse: Dei quin sit pluris facienda supremi
 Gratia: qua constat humana beatio. quidquid
 Occurrit speculari prius, quàm quadret honesto,
 Conueniatꝑ; pio. licito quodcunq; repugans
 Depren dis: ne te captandi cura fauoris
 Humani impediatur: quin id subuertere tentes.
 Sic opus est æquum tibi, iustitiãꝑ; tueri:
 Vt non ulla hominis ratio diuertere ab illis
 Te ualeat. tam non te gratia principis ad quid
 Iniustum faciendum adducere debet: ut omni
 Conatu tibi sit curandum: ne quid inique
 Cõmittat princeps, faciatꝑ; aduersus honesti,
 Aut liciti rationem. cum tibi deferat, atq;
 Attribuat multum, nihil admittetur ei, quod
 Adscribi ex aliqua non possit parte tibi met.
 Cum per palpones uerum cognoscere raro
 Principibus detur: benè tu de principe, deꝑ;
 Subiectis meritis fueris: si ad principis aures
 Adducas uerum: ingenueꝑ; monendo loquaris:
 Quid deceat: fieriꝑ; animaduersa ratione
 Principis integri possit. prout es meriturus
 Optime, & insignem tibi quæsiturus es auram
 Numinis: officio fueris si conuenienter
 Vsus: & obstiteris suadendo, monendo, rogando:
 Ne quid agatur præter diuini documenta
 Pæs scripti, uel iustitiæ decreta: ita erit, quòd

Constituare reus uitæ : reddareq; ualde
Sons animi : si quid cura , studioq; placendi
Feceris. aduersum quod tu cognoueris esse
Iustitiæ, monitisq; Dei contrarium. ab aura
Humana captari animum si sueris, ut uel
Subticeas uerum: uel quod cognoris iniquum,
Admittas: non est, cur te confidere possis
Indemnem, saluumq; animo: causaq; futurum
Iudicij incolumem. quanto' plus esse tributum
Contingit tibi : tanto' plus exposcitur à te :
Et quanto' merces preciosior expectanda
Est tibi : si qua conueniat ratione, geras te:
Tanto' poena æque maior, grauiorq; futura est:
Si quid defueris : normamq; reliqueris æqui:
Et potius rationem hominis, quàm numinis in re
Duxeris. hinc quantũ tua fert prudẽtia, adhortor
Et moneo: ut caueas quidquam committere iniquũ
Aut quid, quod iustum sit, prætermittere. cum te
In summo uideam positum discrimine : propter
Intimum, & eximiũ, quo te complector, amorem,
Non possum memet compescere: quin tibi quamuis
Prudenti, & cauto monitus perscribere quæram :
Quos proficiscentes sincero ex corde profunde
Commendare animo debes: memoriq; tenere
Ingenio: quos si sensu, captuq; tuo opte
Hauris, & obseruas: tibi gratandum: mihi uero'
Parcendum: quoniam nimius timor urget amâtes.

IVN. LVD. PARISETI

AD IO. BAPTISTAM FVSCI
NVM PRAETOREM.

ID Fuschine mei semper moris fuit : ut quos
N oscam spectatos aliqua uirtute, aliquo'ue
Doctrinae studio, uehementer amem, cupiamq;
Coniunctos mihi amicitia. à me tu quidem amatus
Ex illo es, quo te cognoui tempore sanæ
Doctrinae addictum, & pulchræ uirtutis honesto
Detentum studio : in cuius ratione subinde
Quanto' plus à te profectum nouimus esse:
Tanto' maiori cumulo se sustulit in te
Noster amor. quare cum uix superesse uideri
Quid posset : cuius causa meus augetur
Erga te affectus : me scripto carmine nectis
Arctius, atq; meum potiori obstringis amore
In te animum : plenoq; tuum me iure facis sic :
Vt nihil officij, studiūq; mei queat esse:
Quod non constituam tibi protinus impendendum :
Si quid opus foret. & si quæ tu carmine nobis
Adscribis, minus agnoscuntur adesse: tamen cum
Te candere animo multum, multaq; nitere
Simplicitate sciam: non arbitror obtrudendi
Palpi te causa simulate scribere : sed quod
Scribitur, ex animi affectu prodire benigno,
Propensoq; in me reor. hinc dum cogito tanto
In nos affectu te tangi : ut fallere possit
Vel prudentem adeo : fit planè, ut plurimū amē te:
Afficiarq; in te summa charitate uolens par
Pendere

Pendere, & exoptans tibi respondere uicissim,
Siue igitur laudem defers, siue officium offers,
Te nostri cupidum, nostri te ostendis amantem.
Qui non agnosco laudes, agnosco calentem
Affectum. qua tu sane ratione mereris
Non commendari solum, sed maximo amore
Complecti: qui dum pro conditione benigna
Naturæ longè nobis plus attribuis, quàm
Par sit, uel quàm nostra ferat inscitia: tam non
Es damnandus, tanquam qui fallaris: ut hinc te
Mirificum bonitate probes, animoq; modestum
Significes. cuiusnam est inditium id bonitatis?
Qualis nam' ue modestiæ id emicat argumentum?
Vt quam doctrinæ causa laudem merearis:
Et quem personæ respectu quam geris, à me
Promereas cultum, mihi suscipias tribuendum
A te. dum laudas me, dignum laude probas te.
Et quod præconi tentas adscribere nobis:
Id tibi deberi conuincis carmine scripto:
Quod non dicendi pura ratione nitescit
Duntaxat, sed casto etiam dulcescit amore.
Quo factum, ut mirer dicendo iure, foroq;
Detentum numeros tam prompte nosse latinos:
Et tam candentem normam seruare loquendi:
Quod quanto iam nunc contingit rarius: à te
Tanto maiori præstatur laude. quod ergo
Iam superest, tibi si quid opus, quod nostra facultas,
Prouentusq; queat tolerare, rubore repulso,
Oro petas, poscasq;. tuæ quod commoditati
Inseruire queat: ne te timidum, rogo, præstes

IVN. LVD. PARISETI

P oscendo. ne forte timens obstringere temet
 A bstineas petere : admoneo nihil inde timendum
 E sse tibi: quoniam quodcunq; poposceris a me :
 E xpen sum mihimet uolo, committoq; referri.
 V t quoties poscis , toties me nomine scripto
 O bstringas, totiesq; tuo me creditor æri
 A dscribas. instar meritiducturus ego sum
 S uscepti, quidquid tibi præstari, tribuiq;
 C ontigerit. cum sis exoticus, atq; aliena
 I n patria degas : fieri uix posse putarim,
 Q uin aliquo indigeas, cuius sit copia nobis.
 Q uatenus extendunt se , uiribus utere nostris :
 N ec prorsus patiare aliquid tibi deesse, quod adsit
 N obis; sed nostrum est quodcunq;, tuū esse putato.

AD HIERONYMVM LIBANORVM.

S Vm modo Libanore tibi compassus : eo cum
 T e uidi ætatis uectum sine coniuge, & absq;
 P role aliqua : ut senij attigeris confinia . rursum
 M agna tui me perstrinxit miseratio : quando
 A spexi te non nimium bene corpore habentem
 C um paruo , & segni puero, ancillaq; licenti
 A edibus includi uastis , de gente tua non
 E xistente aliquo : quem præstituas tibi demum
 H æredem rerum , possessoremq; bonorum .
 Q uamuis diligerem te sat , multumq; prius quàm
 T e coram nosssem : acceptusq; forem hospitio a te.
 C onsuetudo tamen tua, conuietusq; benignus
 T antum incrementi nostro in te adiecit amor :

Vt iam uix superet : quo tu fieri mihi possis
Carior . unde fit , ut cupiam , ac optem tibi summo
Affectu quodcunq; bonum reare esse , putemq;
Ad uitam spectare hominis præstanter agendam.
Quapropter quædam statui perscribere , quæ te
Custodire uelim , interno q; affigere mentis
Proposito cupiam , quæ partim corporis ad rem
Attineant , partim spectent animæ utilitatem :
Quæ te praua ualetudo uexare uidetur :
Hæc ortum trahit à segni , causamq; ueterno:
Quo pressus motum odisti , captasq; quietem.
Ne dilasseris gradiens , dimittere gressum
Non ideo debes : pigroq; quiescere sessu.
Vlterius , quàm pigrities patiatur , oportet
Adniti , si uis extrudere debilitatem
A' membris . uires crescunt conatibus : & quæ
Corporis est uirtus , exercita suscipit auctum.
Quod tibi ab incensu sentitur debilitatis ,
Corpore paulatim excedet : ni cesseris ultro
Segnitie , uiresq; remiseris , & conatum .
Contra torporem , quicumq; grauare uidetur
Nunc labor , haud quaquã referet tibi deinde graua-
Postquã restiteris , tulerisq; aliquãdo . quies quã (mē:
Appetis , & captas , inducit corpori inertem
Langorem , & membris innectit debilitatem.
Quantum exercueris temet , motuq; citaris .
Impigro : tantum decedere debilitati
Corporis experire . labor , motusq; tuentur
Vitam , & constituunt uires in corpore . contra
Vero quies mortem inducit : demitq; uigorem

IVN. LVD. PARISETI

Corporis, & nervos, artusq; resoluit. abhorres
 Quatenus à motu : mortem tibi contrahis, & te
 Infirmum reddis, morbumq; in corpore nutris.
 Quæcunq; exterius membris fomenta adhibentur :
 Non satis hæc facere ad robur, viresq; putamus
 Corporis : interius quas credimus extenuari
 Et solui nimio fotu. quod concipis esse
 Vtile, non mediocriter arbitramur id esse
 Damnosum. tibi dum pariter conducere credis,
 Vt uacuo pergas dormitum uentre, nihilq;
 Assumas, capiasq; cibi, nisi mane, putamus
 Te falli grauitè : quoniam quæ debilis, & quæ
 Extenuata humoris naturalis habetur
 Vis, etsi modici, poscit, quæritq; frequentem
 Suggestum succi. cum nigra bile labores:
 Ne mentis uehemens impressio deterius quid
 Reddat, uel referat, dubito uehementer. adhortor,
 Vt uictus rationem ineas, non quæ tibi plaudat :
 Qui sis corrupto sensu : sed quæ medicos se
 Ad canones habeat recte : quadretq; tenori,
 Aut arti medicæ. non uita tibi diuturno
 Tempore ducetur, ni de ratione recedas
 Cœpta uiuendi : quæ non dissentit ab arte
 Tam medica, quàm naturæ disconuenit ipsi.
 Causa animi quodcunq; tibi cupiam obseruari
 Vtile, non solum præsentis spectat honorem
 Vitæ, sed uenturæ etiam post fata salutem.
 Poscit honos uitæ istius, poscitq; futuræ
 Acquirenda salus : purges, mundesq; penates
 Quisquilijs : quæcunq; creant offendiculum, uel

Peccatum generant. umbras excludere, & extra
A mandare domo, quibus obscuraris, oportet.
Quod tibi gurgulio absomit, uitiatq; teredo,
Praebe inopi, praefereq; Deum lurconibus. atram
Quae uitam reddunt: quae nomen dedecorant, et
Quae turpem inducunt famam, uitare necesse est.
Ad quod praestandum, si qua fortasse laboras
Idcirco ratione, aliquam tibi foedere sancto
Expedit ut iungas, cum qua sub religionis
Praescripto uiuas, degasq; decenter honesto
Conuietu. haec multum te consuetudo iuuabit:
Nec minus adiiciet decoris, quam comodi. agendam
Ad uitam feliciter: est nil, quod faciat tam,
Quam ratio uiuendi recta, & honesta: quietum,
Contentumq; hominem reddit non copia rerum:
Sed mandatorum observatio diuinorum:
Qua coelestis amor, uel gratia conciliatur
Patris. ut absurdum hoc, impacatumq; relinquant
Viuiendi genus, excludasq; domo, quod honorem
Inficit & praestat peccandi commoditatem:
Est opus, uxorem ducas, cum qua rationem
Vitae ineas prorsus licitam, noxaq; carentem.
Si qua igitur te cura mouet, uel tangit honesti
Seruandi: si quod studium uitae cadit in te
Aeternae: quae consuetudo detinuit te
Haec tenus haud quaquam conformis religioni,
Dimittenda tibi: & coniux ducenda: propaget
Quae genus: & patrem faciat te prole, domumq;
Instruat: & curas reddat sociata minores.
Cum iam uer praecipis instet: tempusq; serenum

I V N. L V D. P A R I S E T I

Existat : uentisq; uacet humentibus aër :
 O pto fidem obstrictam soluas ad nos ueniendi :
 Quod sane' faciens non rem solum mihi gratam
 E fficies, sed ualde etiam tibi proficientem :
 Qui cœlo poteris multum sentire iuuamen
 M utato tam causa animi, quàm corporis. ut sit
 C ommodabile nigra obsessis mutatio cœli,
 A tq; peregrinatio : sunt ex classe probata,
 Qui scribant, referantq; . igitur tibi consule, nosq;
 F ac letos, & solue fidem accedendo repente
 H uc ad nos . longe' meliorem te rediturum
 S pondeo, & exauctum te uiribus, atq; ualentem
 E sse reuersurum promitto . simul fueris hic
 N obiscum : haud te consumi torpore sinemus :
 N ec segni accubitu tabescere te patiemur.
 A d colles te ducemus, montanaq; rura
 N ostra quidem Casulana, nepotis Castrinouana .
 Liberior his aura locis prodesse fugando
 P allori poterit, pulchrumq; afferre colorem
 O ris. ab hoc sensus expergiscuntur inertes
 A ère : quod plane' recreando animo fuerit tam
 E xpediens, quàm confirmandis utile membris.

A D I O. B A P T I S T A M F V S C H I
 N V M P R A E T O R E M .

I Am me corripuit saties Fuschine sciendi .
I H umana istius doctrinae nausea iam me
 I nuasit. quin poenitet impendisse labores
 T am iuges uanis rerum scrutatibus : unde

Prodeat extremo nil fructus, nil q; salutis.
Affixi, torsi q; diu me rebus in istis
Noscendis mundi: & causas scrutatus inanes
Oppressum tricis animum, uanoq; labore
Implicitum tenui. tam nil me sentio adeptum,
Quod sapiat: sensuq; oblectet: amaror ut inde
Se uehemens referat: stomachū qui suscitet, & qui
Perturbet mentem. importuna cupido sciendi
Numinis offensi in poenam successit: & ipsi
Est iniecta homini: simulac deliquit: & iram
In se diuinam contraxit. sollicitudo
Anxia noscendi non ante hominem arripuit, quā
Peccauit: noxaq; Deum, uitioq; reliquit.
Tā non ulla hominem satiat scrutatio rerum:
Vt affligentem semper producat orexin.
Tā non seruando tractata scientia rerum
Quit conferre homini: ut de tramite religionis
Sincera detrudat eum, priuetq; salute.
Nam mens noscendis rebus detenta Deum non
Cogitat, & diuina, sequens humana, relegat.
Si uel Mercurij totas, plenasq; columnas
Quis uoret, & quidquid scriptis Aegyptus, & Indi
Tractarunt, auido concludat pectore: nunquam
Bulimon compescet, sedabitq; molestam
Esuriem. nunquam quod pertinet ad rationem
Finis, inibit. habent duntaxat dogmata Christi,
Quod satiet, sedetq; sitim, referatq; salutem.
Traditio Christi normam, methodumq; salutis
Continet: & finis rationem reddit apertam
Humani, & præscribit iter, quo uita ineatur

Felix: & celsi regio subeatur Olympi.
 Cætera sunt hominum mera rugamenta, meræq;
 Decipulæ, nihil ad rumbum spectantia: nilq;
 Quod uere conducat, habentia. continet omnes
 In se thesauros Christus sapientiæ: & in se
 Omnem perfectæ, solidæq; scientiæ habet uim:
 Ad quem cum refero memet, mentemq; repressis
 Sensibus attentam reuoco. me nauscea mundi
 Istius apprehendit: sordent mihi cuncta, cientq;
 Atq; mouent stomachum. mihi inania quæq; uidē-
 Plenaq; turbarum, uaniq; laboris: habentur (tur,
 Quæ passim in precio. Christi mihi regula cuncta
 Curua probat: quæcunq; palàm, uulgoq; putantur
 Recta. nihil præter Christum conducit agendo
 Ad felicem homini uitam, finemq; tenendum.
 Vt primi peccando homines finis rationem
 Ignotam fecere: Deoq; genus statuere
 A uersum humanum: cura, studioq; sciendi
 Se torquere homines coepere, modisq; alienis,
 Diuersisq; uis finem perquirere. eo tam
 Cognoscendi omnis ratio, quàm prorsus agendi
 Se uertebat: uti finem comprehenderet, atq;
 Assequeretur. in errores uarij ratione
 Sunt lapsi uaria: nullusq; repertus eorum est:
 Qui ueri finis rationem apprehenderet. usque
 Ad Christum in tenebris uersatum, et nubibus, et nil
 Certi compertum. ut Christus sapientia patris
 Se tulit in mundum: sic humani rationem
 Explicuit finis: sic opportuna saluti
 Querendæ ostendit: nihil ut dubitabile factum

Sit reliquum : quæriq; nihil contingat habenda
 Vltius pro notitia finis. superest nil
 Amplius : ut quoquam studio, curaq; sciendi
 Angamur : cum Christi opera teneamus apertam
 Notitiam finis:clarumq; habeamus id omne :
 Quod sciri expediat : nosciq; sit utile nobis.
 Ostendente uiam Christo non est opus ultra
 Ire per ambages. Christo lumen referente
 Non opus in tenebris contendere : non dubijs est
 Hærendum Christo uerum monstrante. salutem,
 Et uitam Christo tradente insistere uanis
 Quærendæ famæ studijs non amplius est, cur
 Curemus. non est, quòd curam, operamq; locemus
 In rebus noscendis, scrutandisq; secundis
 Causis, causarum, rerumq; ferente palàm se
 Causa. postpositis igitur, missisq; seorsum
 Notitiæ humanæ studijs Christo studeamus,
 Christo incumbamus referendo. sola beatum
 Contentumq; hominem complexa scientia Christi
 Reddit, & ad solidam ducit iucunda quietem.

AD FRANCISCVM MARTELLVM.

Silenos Alcibiadis Martelle referre
 Malim, quàm Rodios repræsentare colossos.
 Interior species multo affectanda magis, quàm
 Exterior. longè pluris species facienda
 Est animi, quàm corporis. ostentatio, quæ fit
 Exterius, tantum internæ cedit rationi :
 Quantum interna rei substantia præstat. ei, quod

Accidit exterius. planè unumquodq; putandū est
 Tanto' nobilius, tantoq; potentius esse:
 Quanto' se specie prodit minus exteriori:
 Et quanto' minus expositum se sensibus offert.
 Hinc Deus est cunctorum perfectissimus: immo
 Est rerum perfectio quarumcunq;: tametsi
 Obiectus nullis sit sensibus. apparere
 Qui studet, exteriusq; cupit, quæritq; uideri:
 Is talis non est, qualem se monstrat, & offert.
 Piētis sarcophagis, exalbatisq; sepulchris
 Sunt similes, quicunq; student, cupiuntq; uideri.
 Nam cum pulchra foris uideātur, putrida claudunt
 Intus membra: cadaueribusq; referta solutis
 Sordescunt. hominum duplici ostentatio habet se
 Conditione. alius nimium tribuens sibi, quamq;
 Requeat, ignorans se monstrat, nec minus ipsum
 Se fallens, quā alios adsciscit, quod sibi adesse
 Credit: qui sane' cum falsus fallat: habet, quod
 Fraude minus peccet. censendus eatenus est is
 Duntaxat peccare: philautia quatenus in se
 Peccati admittit rationem. alius sibi abunde
 Consciens, & noscens semet fingit, simulatq;:
 Et fallendi animo ductus se monstrat eum, qui
 Non sit. ut ille prior tanquā male sanus habendus
 Est dignus uenia: sic posterior ratione
 Est omni damnandus, tanquam qui faciendo
 Incumbat fuco: & studeat captare dolo se.
 Qui cupit, affectatq; uideri, siue placendo
 Id faciat sibimet: simulando siue procuret
 Fallere, protrudit fumos: & porrigit umbras

Re non existente. philautia non sequitur rem
Ipsam : cum re non simulatio conuenit. hi non
Re uera sunt, qui curant, cupiuntq; uideri:
Quiq; student extrinsecus ostentare . merentis
Virtutis ratio est eiusmodi : ut exigat extra
Nil sibi : nec curet quidquam, quod de foris: immo
Semet sufferta, & pretio contenta suopte
Nil petit exterius . passim prodesse procurat
Ingenua, & fructus gaudet proferre benigna:
Quo se summittit magis, & quo quærit honores.
Externos minus, hoc fit commendatior : & se
Attollit merito laudum sublimius. unde
Quos fugit, & minime curat, incurrit honores.
Non fallax uirtus, ostentatrixq; petito
Exterius cultu, sed simplicitate nitefcens
Longe plus præstat, quàm spondeat, & studiosa
Interni cultus curat ne utiq; uideri.
Non laudis, non humanæ se præbet amantem
Gloriæ : & affectu non tangitur apparendi
Vllo, nec fucum quærit, quin spernit inemptum
Iudicium uulgi, & plausus odit populares.
Nullum existentis maius uirtutis habetur
Argumentum, quàm non ostentare, nec extra
Quærere quid præmi, aut laudis . sibi sufficit ipsa
Virtus nequaquam pendens aliunde. fugax nil
Expetit, aut uanum: cuiusmodi habentur honores
Hi uulgi, nihil effluidum , uel futile quærit.
Ad proprium exemplar solum se dirrigit: in quod
Spectat, & incumbit tentans effingere ad eius
Se speciem: qua cuncta nitent, quæ pulchra, placetq;.

IVN. LVD. P ARISETI

C ontempto uulgi plausu, explosôq; placendi
D eforis affectu simplex, genuinaq; uirtus
R espicit, affectatq; Deum, & solummodo quærit,
V nde ortum deducit, eo' se ferre. caduco,
M ortaliq; nihil cunctata ascendere in altum
M olitur, speciemq; sui exemplaris adire.

AD LANFRANCVM GYPSIVM.

Quam Sauonēsis mihi sit Lanfrance Phaletus
A cceptus, carusq;: satis deprendere quis tu:
Q ui uarias eius dotes, promptumq; poesi
I ngenium nosti, & multo sparsos sale mores.
E x illo, quo te mihi cognitus indice, factus
I ntimus est ualde: multoq; adiunctus amore est.
S æpe istic una' fuimus, fuimusq; locuti
S æpe simul. deprendi hominem melioribus esse
A ddictum scriptoribus, & uehementer amicum
M usarum: & rerum perfusum cognitione
M iscella. leges bene' sic apprehendit, ut illas
E xplanet scriptis. dicendi pollet utraq;
I n specie prorsa, & uersa. non carminis ullum
E st genus: in quo se facilem non præbeat, & non
S e præstet comptum. Hetruscæ, Latiaq; potens sic
E st linguæ, ut quidquid uult, proferat, & dubitari;
V trius excellat magis in dictamine, possit.
D um mecum foret istic: is sese mihi totum
E xposuit: rerumq; suarum plurima mecum
C ontulit, ac animo mihi significauit amico:
I nter quæ retulit, se seruitio retineri

Principis: & minime tantum sibi suppeditari
Aeris: ut expensas uictus possit tolerare:
Et cum censura iuris clarescat utraq;
Non superesse tamen: quo uestes conditione
Consulti dignas hominis paret, & grauitati
Legali respondentes. sane' stomacho id nos
Non mediocri accepimus, & sumus admirati
Summopere: ut patiare hominem non ingenuū tā
Moribus: ornatum quā multiplici ratione
Doctrinae tam parua stipendia consequi: ut unde
Vestimenta sibi redimat: seruetq; decorum,
Non habeat. tua conditio cum principe cum sit
Talis: ut ad suāsum, nutumq; tuum redigantur
Pleraq;: non leuiter nostro peccare uideris
Iudicio, nec iustitiam committere contra
Leniter: officium dum non impendis, opemq;
Non praestas: ut dignum uirtuti tribuatur
Praemium, & ex meritis merces statuatur. ab undec
Cum tu doctrina: delesterisq; sciendi
Artibus ingenuis, tam porro pertinet ad te:
Vt doctos tuearis, procuresq; iuuare
Addictos literis: ut de ratione decori,
Officijq; tui sis decessurus: id omni
Nitentis studio, atq; acriter nitaris in id uel.
Rem doctorum hominum tam procurare decet te:
Vt nil maiori possis cum laude subire:
Nec praestare aliquid ualeas: quod congruat aequae
Praeclaro, doctoq; homini, cuiusmodi haberis
Tu uulgo. quare nō degenerare tuamet
Vis à conditione: cupisq; alium penitus te,

I V N. L V D. P A R I S E T I

Quàm deceat præstare: hominem ratione scientem
 Multiplici & uaria ornatum uirtute iuuandum
 Suscipito, curaq; omni, auxilioq; fouendum:
 Ut possit studijs operam nauare uirilem,
 Et quod musarum, legumq; dicauit honori
 Ingenium, queat ingenue exercere sine ullo
 Dedecore. ut libri obstringantur fœnore apellæ
 Argentario: ut informis uersura ineatur:
 Quo toleret uictus impendia: si patiare,
 Cum possis succurrere: deficies ab honesta,
 Atq; pia ratione hominis: quam tu profiteris.
 Quin quod dedecoris uirtutis homo studiosus
 Vestitus causa, uictusq; subiuerit: omne
 Id tibi, uel domino passim tribuetur, & in te
 Iure redundabit potiori: qui rationem
 Non habeas, quam præcipue conducat haberi
 Tam pro conditione tua, quàm principis. ergo
 Ne uideare tuo, dominiq; potentis honori
 Deesse, rogo, ne quo pacto, aut ratione Phaeto
 Desis: cui quantum dandum curaris, id omne
 Expensum, recte rationi adscribere quibis.

A D I O. B A P T I S T A M F U S C H I N U M
 P R A E T O R E M.

Qvæ nuper Casulani glycirrhiza uireto
 Est effossa, tibi mitto Fuschine, uoloq;
 Muneris id minime expendas de corpore,
 Externa specie, sed de uirtute salubri, (deq;
 Et succi interna bonitate. minoris habetur

Non hæc uirtutis, quàm quæ defertur ab ora
Cappadocum, Pontiꝑ; eadem dulcedo, eademꝑ;
Succi conditio. præter mitem, placidumꝑ;
Dulcorem, quem de terra mira ratione
Haurit, & immutans coquit hæc radícula: sese
sic habet, ut certum aloris, calidiꝑ; tenorem
Contineat: mixtumꝑ; æquali humore teporem
Comprendat. radicis ea est substantia dulcis:
Vt prope' temperiem accedat compaginis æquam:
Et ualde humanæ conformem conditioni
Se præstet moderatæ. quare adhibetur in usus
Complures medicos. complura iuuamina ferre
Corporibus reperitur. habet, quo profit ab æstu
Correpto stomacho. stomachi, iecorisꝑ; tumores
Soluit, & externas sensim protrudit in auras.
Leuigat horrentes fauces: thoraceꝑ; uiscum
Explicat, & facilem excretum producit. abunde
Renibus affectis succurrit: & auxiliatur
Vesicæ, menses ciet, urinamꝑ; laceffit:
Insignem uim laxandi, partes ꝑ; iuuandi
Quasꝑ; tenet. contra' tussim ualet, & mediocrem
Affectis non præbet opem pulmonibus. ullus
Pectoris affectus non est: cui commodus huius
Non sit radicis succus. pleuritide tentum
Adiuuat, & tabem properantem fortiter arcet.
Hidropisi opportuna sitim restinguit: & aufert
Esuriem suætu commanducata liquenti.
Pene' genus nullum est morbi: quod nõ queat huius
Radicis suffectu aliquod sentire leuamen.
Non solum succi expressi ratione iuuamen

IVN. LVD. P A R I S E T I

*Ferre potest radix, uerum contusa, locisq;
 Applicata affectis multum prodesse putatur
 Posse. adeo est huius ratio, naturaq; præstans
 Radicis: minus ut gustu non grata palato
 Sit dulci, quàm conducat uirtute saluti
 Corporis eximia. in fruticum non arbitror esse
 Natura quidquam, quod tantum profit, & æque
 Delectet gustum. uix censeo quid reperiri
 Eductum terra: quod tam deseruiat usus
 Ad medicos, & tam contra delectet in esu.
 Si solum Ponti regio produceret istam
 Radicem: nec tanta foret radicis apud nos
 Istius foetura: nihil æque pretiosum
 Esset, & impensa dignum potiore. quibusq;
 Copia diminuit pretium. non gratia multis,
 Quæ paucis. reddit caras res maxime egestas.*

A D G E R A R D V M M A C I O L L V M.

*Q*uæ ratio studiorum communis fuit annis
 A teneris, & quæ consuetudo pueros nos
 Detinuit studiosa: adeo uinxere Gerarde
 Nos animis: ut nullo temporis interuallo,
 Atq; loci spacio coniunctio nostra resolui,
 Aut dirimi ualeat. primos quæcunq; per annos
 Sunt coniuncta, hærent semper sic firmiter: ut uix
 Diuelli possint. licet intermissa parumper
 Inter nos sit consuetudo, manente domi me,
 Dum tu ius dicis summa cum laude per urbes
 Italiæ claras: tamen optima opinio: quæ de
 Moribus

Moribus & uirtute tua contracta semeliam
Est mihi & insigni firmata probamine : tanti
Ponderis est, ut sufficiat uel sola tuendo
Nostro in te, quamuis cessarent cætera, amor,
Quæ uitæ, & morum ratio mansueta renidet:
Et quæ simplicitas gravitati iuncta redundat:
Te mihi sic carum faciunt, ut pectore toto
Accipiare. tibi, quæ multiplex uiget usu
Cum multo doctrina, facit, ne quem rear inter
Nostrates, quem iure queam componere tecum.
Hinc fit, ut eximio non solum deferar in te
Affectu, sed magno etiam ueneramine tangar.
Ex nostris quisquam non plures gessit honores :
In patriam nemo plures cum laude triumphos
Detulit, & decoris maiorem lauream adepti
Induxit. te præcipuum patriæ ornamentum
Arbitror esse : tuæ seu uirtutis rationem
Subducam, seu mente magistratus tibi functos
Euoluam. te Flamminiæ provincia plausu
Prætores excepit. te Cisalpina regente
Gallia lætata est. Ligurum urbs te nobilis usa est
Iudice. libertate potens, licet angustata
Finibus Hetruscis respublica proxima Pisis
Præfectum adsciuit uirga, & licetore potentem.
Te post Euganeos rectos, urbemq; bicornis
Eridani summo moderatam iure creauit
Quinq; uirū pulchra, atq; opulens Florentia: quæ cū
Fulgentem claro teneat te munere, uix iam
Fit reliquum, ut fungendo magistratu ualeas te
Amplius efferre. ad summum prope culmen honorū

IVN. LVD. PARISETI

Es uectus. tibi uix superest, quo reddere possis
 Te clarum magis, & celebrem. licet integritatis,
 Doctrinaeq; tuæ ratio non sat uideatur
 Ferre, ut cuiusquam dictis monearis: amor
 Te tamen interea nostro concedere tantum
 Expeto: ut accipias propensis auribus, & ui
 Iudiciij attenta: quæ se referunt ab amico
 Pectore, & ex animo ueniunt te maxime amanti.
 Et si tu tantum per te sapias: ut monitis non
 Indigeas alicuius: amor tamen eximius, quo
 In te commoueor, facit: ut ratione decori
 Non habita tentem sus Pallada, coner Athenas
 Nocturnam. honos omnis, dignatio quæq;, potestas
 Quælibet est authore Deo introducta. Deus hæc
 Inferiora regit, ueluti suprema, ministris
 Appositis. sicut statuit Deus intellectus
 Præscripta cælos moderantes lege ministros:
 In terris ita constituit, qui legibus æquis
 Iureq; conserto regerent humana: genusq;
 Nostrum hominum moderarentur. provincia iuris
 Dicendi est diuina. Deum certa ratione est
 Quisque magistratus representare putandus.
 Vnde magistratu cum tu fungaris, oportet
 Imprimis animum aduertas: tibi ne quid agatur:
 Quod non conueniat, uel quadret conditioni
 Diuinæ. in quam cum non affectus cadat ullus:
 Idcirco affectum debes excludere quenque.
 Non personarum ratio tibi debet haberi
 Vt iterius, quàm iustitiæ patiatur, & æqui
 Examen. non gratificandi alicui ratione

De recto debes decedere . nulla potentis
Cuiusquam sperata aura ad prauum, uel iniquum
Ducere te debet . cura , studioq; cauendum
Est omni, ne fixa lucri, rerumq; cupido
Te trahat auersum: cogatq; admittere quidquam,
Quod iuri aduersetur , iustitiæq; repugnet .
Exposcit pariter diuina imitatio , ut æqui
Ad normam , iusti; tenorem quenque iuuare
Procures : nullumq; à te discedere inanem
Officij, meritiq; sinas . nihil utilitatem
Ad propriam uertas , propriæ nil commoditati
Attribuas : poscit recte, iuste; gerendi
Norma magistratus . cum iudicio , & censura
Tu præsides reliquis, tam non committere debes
Quidquam, respectu cuius censura subiri
Iudiciumq; queat uulgi : ut deceat nihil æque
Prospici, & exacta pariter ratione caueri.
Tam non gloriolæ quidquam deferre decet te:
Vt quanto magis excellis uirtute alienum ,
Tanto conueniat magis, & conducat ab illa
Captanda temet præstare . nihil magis arctat
Gloriam , & extenuat, quàm demonstrata cupido
Eius . nil tantum aduersatur gloriæ honestæ
Conciliandæ, quàm captatio, & immoderata
Ipsius sitis . humana insequitur fugientes ,
Et fugit insectantes gloria . non cupidus quis
Gloriæ habetur, quin idem ambitiosus abunde
Existat . quem uero detinet ambitio , uix
Quit fieri , quin fastu peccet , & improbitate.
Cum decidendum, decernendumq; tibi quid

IVN. LVD. PARISETI

Occurrit : te continuo meditare ministrum
 Esse Dei, quodamq; Dei te munere fungi :
 Dum præstas, adimisq; homini : dum iudicium fers
 Ab soluens, damnansq; hominem. perpende tui uim
 Muneris, & rationem eius bene dispice. quid sit
 Conueniens, quid iustitiæ respondeat, & quid
 Moribus applaudat : contenta mente teneto :
 Nec facito quidquam, quod dissideat rationi
 Diuinæ, humanæ ue. modum seruare memento ,
 Ne nimium facias, nec pecces deficiendo.
 Sic actus moderare tuos, uitæq; tenorem
 Sic statue. ut temet populi conspectibus esse
 Expositum ducas : oculisq; quibusq; rearis
 Obiectum. porro res ardua functio honoris,
 Difficilisq; magistratus prouincia agendi.
 Sed nil difficile est adeo, quin possit obiri,
 Præstariq; homini : qui sana mente, pioq;
 Proposito procedat : & assiduam teneat spem
 Numinis, & referat sese ad diuina, Deumq; :
 Quo fautore quidem nil non procedere quiuit,
 Nil non felici potuit succedere casu.
 Ergo magistratum si uis sine labe, notaq;
 Ducere, & exactam rationem attingere honoris
 Commissi: confide Deo, imploraq; fauorem
 Diuinum, sine quo nil pulchrum, aut nobile cedit.

AD FUSCHINVM PRAETOREM.

Quæ nobis Fuschine Dei seruanda colendi
 Sit ratio: quæ lex sit constituenda precandi
 Orandiq; Dei: tecum conferre parumper,

Nunc libet: atq; breui uersus tractare notatu.
Haudquaquam est animus nobis describere quidq;
Quod ueterum monitis dissentiat, atq; repugnet
Dogmatibus sacris: quoniam quæ publice honorem
Diuinum referunt: quæ sacra Deo peraguntur
In templis, tanquam rite introducta probamus.
Quandoquidē quæ uerba ferunt, quæ signa tenent:
Omnia conducunt animo, menti q; mouēdæ: (hæc
Cum sit, qui percellat, sensus, & exterius re
Afficiat. rerum ingressus fit ad intellectum.
Primo per sensum. sensus quàm maxime agendo
In diuina animo conducit. habent rationem
Verba animi geminam afficiendi. siue ferantur
Ex scripto formata prius, seu concipiantur
Mente ita, ut ipsius designent intima mentis:
Afficiunt utroq; modo, ratione q; utraq;
In cultum diuinum hominem ducunt. ueluti quæ
Ex scripto prolata, mouent, percepta q; mentem
Afficiunt: sic quæ referuntur prodita mente,
Et concepta animo, motu potuere relato
Mentem ipsam, animum' ue excire internius. at cum
Mens ualet affectu, pollet q; insigniter: ultra
Non opus est uerbis, nec uerbis amplius ullus
Est usus. mens sola Dei cultum potiore
Exhibet, apposita q; magis ratione ministrat.
Non studiosa tamen speculatio perficiendum
Sufficit ad cultum: sed opus procedere: donec
Cultus, honos q; Dei, quam possit summam adipisci,
Accipiat respectu hominis. qui mente, animo q;
Sic nitet, & uita sic pure præstat, & actis:

IVN. LVD. PARISETI

Ut referat, simuletq; Deum, præstabit eum, quæ
 Maximus, & proprius præstari possit, honorem.
 Non habet, unde Deo maiorem significatum
 Præstet homo cultus, quàm de simili ratione
 Virtutum, factiq; imitamine. maius amoris
 Iudicium non est, quàm quod præbetur amatæ
 Moribus expressis, placitiq; relatibus ijsdem.
 Ad normam quicumq; Dei se dirigit, & qui
 Præscriptis, monitisq; Dei se mancipat: is tam
 Præcipuus fuerit cultor, quàm insignis amator.
 Exterius quæcunq; sacris adhibentur apud nos:
 Symbola sunt cultus, animo quicumq; Deo sit,
 Interius præstandus. ea qua significant, ut
 Afficiunt æque; sed res non signa, animus, non
 Verba Dei cultum absoluunt, perfectaq; sacra
 Constituunt. summam diuino imitatio honori
 Adfert: & totam complet cultus rationem.
 Quæ ratio orandi nobis statuenda Dei sit,
 Non facile agnoscet, qui nesciet, utile quid nam,
 Quid uerè bonum uera existat ratione. bonorum
 Latius, ac par sit, ratio suscepta operatur:
 Ut uarijs compellet homo precibus Deum & oret
 Multiplici uoto uano distracta uoluntas
 Affectu bona opinatur, quæcunq; caducum
 Respiciunt corpus, faciuntq; ad commoda uitæ
 Istius mortalis, & hinc deducitur, ut res
 Expetat humanas, & quæ sunt corporis, optet
 Præcipue impetrare, sed unum cum proprie sit,
 Perfecte q; bonum, quod prorsus mentem, animūq;
 Respiciat: nemo, qui sane sentiat, ultra

Quid sibi poscendum interea, orandumq; putabit:
Quam cuius grato susceptu uita perennis
Reddatur, ingiq; salus comitata quiete
Exultet. non ergo Deum debemus adire
Orando: quo diuitias impendat, opes'ue:
Non quo progeniem tradat, corpus'ue salubre
Constituat, non quo fructus redditusq; propaget.
Sola salus animæ poscenda, bonumq; petendum
Duntaxat mentis. non est, cur præterea quid
Oremus. reliquorum uana petitio prorsus
Existit, non doctæ artes: non gloria quidquam
Extremo profunt, profunt nil deniq; honores.
Non est humanis in rebus, quod mereatur
Optari, oblataq; Deo posci prece. tanti
Non est momenti res corporis, ut Deus hinc sit
Orandus. ratio solum ducenda salutis
Est animæ, Deus est animæ causa rogitandus.
Duntaxat scopus orandi seruatio debet
Esse animæ, præter rem cætera cuncta petuntur:
Optanturq; ; nihil refert, quo cætera tendant,
Qu'ue cadant, animæ modo prospiciatur, abūdāt
Quæq; nihil penitus tuto deposcitur, atq;
Expetitur, præter uirtutem, animæq; salutem.

AD FRANCISCVM MARTELLVM.

Cum Deus affectū ignoret Martelle, modoq;
Nullo immutari possit: sed semper eadem
Se ratione habeat: dubitari aliquando potest, cur
Irasci dicatur, & oratu memoretur

S'upplīce placari. non hinc dubitatio oriri
 P arua potest : ut sacra queant prodesse, precesq;
 P orrectæ: si se Deus affectus patientem
 N on tribuit. quòd si precibus contingit, ut res
 I mmotas præstet Deus, incassumq; rogetur
 A' nobis, cur præterea sacra instituuntur,
 F undunturq; preces? sunt sacra, precesq; mouendis
 N obis inducæ. bonitas diuina refert se
 P assim : diffunditq; Dei se larga per omnes
 N aturas uirtus uaria ratione, prout fert
 Quæq;, potestq; capeffere. quamuis nobilioris
 N aturæ sit homo, & propiore Deum ratione
 R espiciat respectu animæ: idcircoq; capacem
 S e præstare magis ualeat: tamen a' ratione
 D egenerat propria : si se concedat agendum
 S ensibus, & rebus se præbeat afficiendum
 C orporeis. qui uero' Dei desiderat auram
 S uscipere, influxumq; Dei exhaurire: necesse est,
 S upplicijs, precibusq; animum diuertat ab imis,
 S ublimemq; ferat. ni habilis reddatur, & aptus
 A d susceptum animus: nunquam Deus ingreditur
 Q ui bonitate sua, quantum permittitur, afflat
 Q uenq; animum, nullumq; sinit bonitatis inanem,
 E xpertemq; suæ: modo se non summoueat, nec
 P ræbeat auersum. non ergo preces, neq; sacra
 C onuertuntur eò: ut Deus in nos afficiatur,
 A ut nobis placetur: habet qui semper eodem
 S e pacto: sed quo reddamur idonei, & apti
 N os Deo, & afflatus diuini, auræq; capaces
 E fficiamur. ab affectu Deus est alienus:

Nec patitur motum: cui dum nos sacra, precesq;
Offerimus: contingit uti moueamur in ipsum:
Et posito rerum affectu immutemur. id omnis
Affectus, quodcunq; Deo datur, accipiendum est
Ex persona hominis: qui cum peccando reliquit,
Destituitq; Deum, qui solus causa bonorum est:
Est opus incurrat mala: quo fit, uti uideatur
Iratum sentire Deum: quem si rursus spoliatus
Deliētis adeat, placatum sentiat. ut sol
Ommino exposita illustrat quæcunq; propinquum
Vt mouet Hercules Chalybē lapis: haurit ut undā
Triticum adhærescens: sic lucem admittit, in itq;
Motū homo, et accipit haustū, qui sacris, precibusq;
Expositum se constituit, redditq; propinquum,
Astantemq; Deo. cum participi ratione
Nostra Deum referat substantia: uitaq; nostra
Tota animæ penitus ducatur ab intellectu
Diuino: per sacra, precesq; Deum memorantes
Accipimus sensim, acceptiq; mouemur amore.
Peccandi simulac cedit per fracta uoluntas:
Seq; resistentem non exhibet amplius, ultro
Spiritus insinuat sese diuinus, & infert
Semet sponte sua: quare non accidit, ut nos
Arbitremur agi precibus, sacrisq; moueri,
Placariq; Deum: cuius bonitas minime fert,
Vt se difficilem præstet, cuiquam'ue nocentem
Præbeat: à nobis ueniunt nocumenta, sumus nos,
Qui diuertendo recto de tramite, deq;
Præscripta ratione malum conflamus, & ultro
Contrahimus: qui si mutata conditione,

IVN. LVD. PARISETI
Vita uerterimus nos ad diuina, Deumq;
Copia sufficiet nobis se magna bonorum,
Continuoq; Dei se suggeret aura benigni.

AD FUSCHINVM PRAETOREM.

Interdum reuocare animum Fuschine necesse est
A' grauibus rerum studijs, curisq; seueris
Pretura: quoniam assidui, iugesq; labores
Debilitant animum, franguntq; in corpore uires.
Si quandoq; animus letari debuit, hocce
Tempore praecipue debet: quo mitior anni
Temperies uiget, & foecundi tempus amœnum
Ingruit autumni. non aptior ulla colendi
Ruris tempestas toto se suggerit anno.
Non alio plures eduntur tempore fructus.
Passim agitur foetura locis, collesq; redundant
Fructibus, & pleno profertur copia cornu.
Innumeros inter fructus ex arbore proni
Propendent fici, pendent ex uitibus uuae
Maturæ uaria specie, uarioq; colore
Distinctæ. fici non parua est gratia, nec mox
Parua refert mansisse delectatio ab uuis.
Quin uuae, ficiq; ferunt, pariuntq; potentem
Profectum, utiliterq; escis adhibentur. alendis
Prosunt corporibus, ducuntq; salubriter aluum.
Ad maciem possunt multum prodesse fugandam:
Qua cum tu pariter tenere, rogamus, ut ad nos
Huc uenias, quo nobiscum experiare parumper:
An ualeas tibi quid succi pinguis ue parare

Ex uuis, ficisq; . sacer Martellus amicus
 Communis. qui dum penitus siccere ueretur,
 Huc ad nos uenit, firmat semisse diebus
 Auctum se tribus, & sudasse aliquatenus. instat
 Festa dies etiam pago solenniter isti,
 Culta sub Euphemi diuino nomine: quare
 Si pinguescendi studium non obtinet, ut nos
 Conuenias: saltem celebris reuerentia diui
 Te moueat, diuiq; impetret causa, quod uua,
 Quod ficis, quod detrectes concedere amicis.
 Aediculae antistes Thomas, custosq; sacelli
 Te saluum iubet, ac optat uehementer, ut ad sis
 Ad festum, quo se comptum, ornatumq; decenter
 Sit praestaturus. cupit adducas Raimundum
 Tecum uocalem, qui gurgulione sonoro
 Sensa sodalitiij surdas obtrudat in aures.

AD LANFRANCV M GYPSIV M.

Iustitia ex scitis ueterum Lanfrance sophorum
 Omnino duplici specie distinguitur: est quæ
 Ius cõmutandi complectitur, & rationem
 Omnem commerti, & contractus continet in se.
 Est quæ multiplex praescriptum distribuendi
 Tradit, & expendens meritũ cuiusque bonis fere
 Praemia, fertq; malis poenas. quamuis alioqui
 Quis redigat primam in speciem: tamen, ut se
 Ad meriti rationem habeant poenæ, & redigantur
 Ad libram pariter geometrae, non minus aptum est,
 Quàm rationi conspirans. ueluti prior ad res
 Extendens se quasq;, modum praescribit, & omnes

IVN. LVD. PARISETI

Respicit æque homines exercita, ita altera spectans
 Personas: factumq; hominis, meritumq; rependens,
 Principis imprimis operam expedienda requirit,
 Officiumq; magistratus petit. hanc nisi princeps
 Exacte speciem obseruet, frustra studiosum
 Sese iustitiæ profitebitur esse. tueri
 Officium nulla proprium princeps ratione
 Qu it, nisi iustitiæ seruata hac parte ad amussim:
 Qua sine nec priuata quies, nec publica pax stat.
 Ni princeps rationem habeat, ducatq; bonorum
 Dignam, & uirtuti meritos decernat honores:
 Principis haud quaquā officium, munusq; merentis
 Exequitur. contra rationem principis ille
 Multum committit iusti, qui parcere prauis
 Sustinet, & noxam, poenasq; remittit iniquis.
 Qui parcit prauis, ac impunita malorum
 Facta sinit princeps, pacem, uitamq; bonorum
 Negligit, & specie mitis se præbet atrocem.
 Nam se censetur præstare bonis inimicum
 Princeps qui tolerat prauos, parcitq; scelestis.
 Hanc quoq; iustitiæ in partem qui nolit abunde,
 Et grauius peccare, opus est, committere quidquam
 Abstineat, cuius causa deposcere poenas
 Debeat ex alijs. ualde committit in huius
 Iustitiæ speciem quisquis, quod puniat, ipse
 Admittat, patretq; . sed haud una ratione
 Huius iustitiæ uiolatur norma: quibusq;
 Cum sine delectu pretio traduntur honores:
 Quos si suscipiant digni, fraudantur ea, qua
 Deberent mercede frui: sin uero recusent,

Indignis tradantur opus: & præter eandem
Iustitiæ speciem immeritis tribuantur, oportet:
Qui simulatq; magistratus cæpere gerendos;
Dum quæstum affectant, dînumq; subire recusant,
Conniuent ad flagitium quodcunque: nihilq;
Criminis agnoscunt. quin quatenus efficitur res
Venalis, quam conueniat mercede soluta
Deferri, partem grauitèr peccatur in illam
Iustitiæ, quæ commutatu constat. abest tam,
Vt princeps, qui uenales exponit honores,
Iure queat iustus dici: ut se præstet iniquum
Summopere, & contra normam delinquat utrâq;
Iustitiæ. haud quaquam uideo, quid possit habere
Quod iusto dignum uideatur principe: cui sit
Omni iustitia longe pretiosius aurum.
Nec magis agnosco, quid nam prætere posse,
Quo iustum se credat, & applaudat sibi causa
Iustitiæ: qui dum pretio concedit honores,
Non solum a iusto specie desciscit utraq;
Ipse, sed in causa est etiam, ut quicunq; soluto
Excipiunt pretio, peccent utroq; tenore.
Nil æqueius perstringit, læditq; decorum
Iustitiæ, nil æque legitimam rationem
Viuenti corrumpit, agitq; incommoda passim,
Quam quæ sit pretio adscripto delatio honorum.
Hanc uendendorum pestem qui primus honorum
Induxit, dignum furijs, hereboq; patrauit
Flagitium, nulloq; abolendum farre piaculum
Admisit: quem qui fuerit imitatus, eadem
Labe laborabit, finemq; subibit eundem.

AD FRANCISCVM MARTELLVM.

Corporis ornatum quantum Martelle sacro sit
 C onueniens curare homini: quàm religioni
 A ddictum Christi deceat cultus studiosum
 C orporei se ferre: potest cognoscere quisquis
 P erpendat, quàm cura animæ, quæ maxime habēda
 S acro homini, non admittat curā, studiūq; (est
 C orporis. ornandum qui corpus sumit, oportet,
 I s causa placeat sibi corporis: & tribuat quid
 G loriæ, & infectum fastu se præstet. habetur
 C orporis, atq, animæ sic mutuo controuersa
 C onditio, ut, quantum tribuatur corpori, adæque
 T antum animæ dematur. eo' coniunctio tendit
 C orporis, ac animæ: ut iugem cum corpore pugna
 E xercens anima oblatum palmarij honorem
 Q uærat, & oppresso ducat, referatq; triumphum
 C orpore. non animæ succedit gloria, ni per
 C orporis opprobrium. ratio non ulla ferendæ
 I n sublime animæ, nisi corpore suppeditato,
 A ut in seruitium prorsus, nexumq; redactio:
 C uius qui studium gerit, ornatumq; procurat:
 A rguitur rationem animæ non ducere, sicut
 C onueniat: nec quantum par sit, religioni
 D eferre, & cuius ratione sit: ut quærat
 P er studium, cultumq; Dei exornatio mentis,
 O rnatusq; animæ. haud patera de mercuriali
 H ausit: nec patulo accitus cratere Dei se
 M ersit: qui cultum affectat, curatq; decorem
 C orporis. ulterius quisquis studet indumentis,

Quàm pro corpore sufficiat utcunq; tegendo:
 Est reus affectus, peccatq; in casta magistri
 Tarsensis documenta. nihil cum simplicitate
 Christi conueniens tenet affectatio cultus.
 Vestitu exercent luxum, et cultum profitentur
 Corporis: in domibus regum quicunq; superbis
 Versantur, dominisq; uolunt seruire profanis.
 Qui Christo inseruire cupit, Christoq; placere
 Expetit: et studio diuinæ religionis
 Afficitur, tenui contentus ueste minus nil
 Cogitat, ornatum quàm corporis. interiore
 Cultum hominis Deus exigit, exteriore relicto
 Mundo: cui quicunq; cupit, curatq; placere:
 Curam traducit propriæ, studiumq; salutis.
 Vnde tibi si quam sentis surrepere curam
 Vestibus ornandi corpus: deprendere debes,
 Affectus non immunem te uiuere noxi.
 Vt libet excusare uales. prætexere, quidquid
 Vis, potes. haudquaquam dicendo extorseris à me:
 Quin rear affectu te tangi pernicioso:
 Qui nisi prospicias, sit longe à religione
 Arcturus, mundoq; tenaciter appliciturus.
 Quod ne contingat: debes audire monentem:
 Et monitis promptas adhibere fidelibus aures.

AD LVCAM RAIMVNDVM.

Dupliciter Raimunde bonū distinguitur. est, qđ
 Continet humani rationem finis: et est, quo
 Tenditur ad finem. porro finis Deus est, qui
 Perficit, absoluitq; hominem, redditq; beatum.

Quo uero' accedente bono, medio'ue necesse est
 A d finem tendi, duplici id diducitur æque
 O rdine: sicut homo gemina compagine constat
 C orporis, atque animæ . quodcūq; necesse trahendæ
 E st uitæ, respectu corporis arbitrandum est
 E sse bonum . at uirtus censenda boni rationem
 C ausa animæ retinere . studet quicunq; parandis
 V tilibus uitæ, prorsum rem exercet honestam,
 P rocuratq; bonum, quod lucri nomine rite
 S ignetur. qui præterea studiosus, amansq;
 V irtutis procurat eam sibi maxime habendam ,
 Q uerendamq; : bonum quærit, proprieq; procurat
 L ucrum: quod damno cum sit contrarium , oportet
 E sse bonum, quoniam damnum constat manifeste
 E sse malum. quare genuino nomine lucri,
 E t proprio uenit omne bonum, quo perueniatur
 A d finem medio. non significatio lucri
 L atius extendenda, boni quàm conditio se
 A d finem referentis postulet . unde quod ultra
 C ancellos hos expetitur, neutique meretur
 N omine censerì lucri. prout in capiendâ ,
 S umendaq; boni natura decipiuntur
 P lurimi: et ad sensum referentes quæq; , bonū, quod
 S it malum , opinantur: sic accidit accipiendâ
 I n lucri ratione hominem falli uehementer:
 D um tribuit lucro, quodcunq; ex arte pararit
 Q uaq; . quod ad finem nil pertinet , & rationem
 A d finem mediij non continet: id numerari
 T am lucro non debet: uti damno mereatur
 A dscribi. haud quaquam lucrum, quin utile, nil in
 Respectu

R esse^{ct}u finis censendum est utile. non est
Vtilitas, quæ non fini respondeat, & uim
P roposito de fine sibi non sumat. ut apte
A cceptum lucrum ad finem deducit: inepte
S ic intellectum abducit de fine. quod optas,
A ffectasq; lucrum: si lucrum intelligis, ut par:
L audo quidem: sin uero lucrū, ut uulgaris abusus,
A ccipis: haudquaquam laudo: quin iudico auare
I d fieri: quoniam qui plus exquirat habere,
Q uam sit opus uitæ, ditescere uult aliena
P aupertate: paratq; supernuacuum sibi, cuius
I ndigeat quisquam. non relligio, neque finis
H umani ratio permittit: uti studeamus
C uiusquam exhaustu rē nostram augere. forensem
Q ui præstas operam: causasq; assumis agendas:
Q uo' tendas, quo proposito gradiaris, oportet,
A duertas. ne quid præter ueri rationem
F inis agas, ne quid quæstus conflare procures
V lterius, quàm frugalis uitæ petat usus:
E st acri tibi consilio, curaq; cauendum
S olerti. quo munere fungeris: id mediocre
N on discrimen habet tam delectus ratione
I n patrocinijs adhibendi suscipiendis,
Q uam causa quæstus faciendi. sed prout ingens
H oc de se profert occasio munere noxæ:
I ntegritas ita maiori se tollit honore,
E t merito. si munus eò conuerteris istud:
V t passim prosis, & publica commoda præstes:
I d lucri facies: tibi quod satis esse beando:
A c explere animum, faciemq; adducere possit.

I VNIORIS LVDOVICI PARISETI
POSTERIORVM EPISTOLARVM
LIBER TERTIVS.

AD GABBIVM POETAM.



V M Gabbi sis scriba fori : pu
tealq; frequentes

Rixosum, vulgiq; notes conuenta:
satis uix

P ossum admirari, ut faciles in
carmina rithmi

S ufficient : largoq; fluat facundia uena.

N il cum barbarie vulgi, rabieq; forensi

P acata retinere solent commune Camenæ.

L itibus auersum suenit citharedus Apollo

S e præbere . fori strepitosa negotia toto

A' musis cœlo uariare uidentur. ut inter

T ot tricas vulgi ualeas incumbere musis:

A ut latios reperire modos detentus inepta

B arbarie possis : tam prorsus miror : ut æque

N il aliud mirer . cum te uersare bonorum

S criptorum nihil affirmes : nullumq; latinum

A uthorem referas te contrectare legendo :

O b stupeo: quanam fiat ratione : ut abundes

T antum dicendo : & fundas tot carmina . lectu

S criptorum assiduo dicendi copia quæri

C onsuauit . monstrosa mihi, aut diuina uidetur,

D icendi quæcunq; tibi fœcunda potestas

S uppetit. ex anima mundi te suspicor hausta
S cribere. non aliter, quàm phœbadibus tibi uersus
A utumo proferri. uis hæc ignota, latensq;
V isceribus terræ uastis prorumpit: & in te
I rruit afflatu replens, reddensq; poetam.
V t quondam Græci legitur spelunca Trophoni
S uggeffisse potestatem subeuntibus ore
P rodendi miranda: loci sic istius antrum
S criptori perflare animum, & perfundere mentem
A rbitror arcana fandi ratione: tibiq;
I nspirare modos, numerosq; in carmina. tantum
E loqui, tantum foeturæ non caret aura
D iuina. non tot fiunt sine numine uersus.
I pse ego, qui iugi studio, curaq; legendi
Q uosq; libros teneor: tecum contendere tam non
A uderem numeris: ut præ te me rear esse
I nfantem. quantum superant quæsitæ per usum,
A ut artem: quæcunque parit natura, fluensq;
N umen agit: tantum plane concedere, par est,
N ostris tuis: tantumq; decet tua carmina nostris
P ræferri. quidquid numeroso carmine laudis
A dscribis, tribuisq; mihi: tantò potiori
I ure tibi puto deberi: quanto minus in me
A gnosco quidquam: quod debeat æquiparari
P rofluuiis, uenæq; tuæ: qua ostendis ubiq;
T e promum: seu bella canis: regumq; tumultus:
S eu contra prauos mores, uitamq; malorum
I nueheris: seu Prætori documenta tuendi
S e sanum præscribis. inis feliciter omnem
M ateriam: & copi complecteris omnia uersu.

IVN. LVD. PARISETI

Quin mihi tentasti laudes adscribere: dum uis
 Instar eorum, qui muscam celebrare, febremq;
 Quartanam uoluere: tuæ facundiæ apertos,
 Thesauros monstrare. pericli te faciendi
 Causa concedo laudes: utrunq; cupis tu,
 Inculcare mihi. dum non assentiar, & dum
 Non plaudam mihi met: facundo tu potes ore,
 Ut libet, immerito falsas adtexere laudes.

AD FRANCISCVM TAURELLVM.

PRæcipuā rationem hominis Taurelle referri
 Ex animo, tam constat: uti dubitare nefas sit.
 Hæc etenim, seu forma putetur corporis esse,
 Corpore, seu fungi credatur, ut instrumento:
 Compositi causa est adeo censenda tenere
 Primatum: ut uitæ, atq; actus totius origo
 Existat: quæ cum ratione Deum, specieq;
 Participi referat: tanto, dum corpore clausa est:
 Dignior apparet: quanto se subtrahit à re
 Corporea magis: & spatio propiore Deo se
 Exhibet: ex sola quod fit uirtute, probaq;
 Traductu uitæ. uirtus, probitasq; habitus sunt:
 Qui quæsi animæ degenti in corpore reddunt
 Tanto nobiliorem hominem: quanto potiori
 Præstiterint ratione. hominis uera, & genuina
 Nobilitas respectu animæ est statuenda. sed omne
 Ornamentum animæ constat uirtute, probiq;
 Quæsi specie. superest, ut constituatur
 Nobilitas hominis solum in uirtute, probaq;

V iuendi ratione facit uirtus celebrari
D ignum hominem. uitæ probitas adducit honorem
V erum homini. duntaxat homo uirtutis adeptu
D ebet honorari. sola ex uirtute paratur.
N obilitas hominis. frustra quis nobilitatem
V endicat, adscribitq; sibi: dum stemmata censet
M aiorum: memoratq; genus de Regibus actum.
N on antiqua patrum series, non sanguinis ordo
P er magnos repetitus auos quem reddere clarum
I llustremq; potest: sed uirtus sola, probæq;
C onditio uitæ. qui nobilitate superbit
E x genere adscita, proauisq; potentibus: is tam
D esipit: ut uento penitus se palpet inani:
E t nihil ex sana pendat ratione. nepotes
H aud quæquam uirtus quantiūuis splendida auorū
N obilitat. non posteritas adsciscere quidquam
P ræclari sibi iure potest ex laude suorum
M aiorum: quos non fuerit uirtute imitata.
M aiorum non diuitiæ, aut translata potestas
D icendi iuris claros potuere nepotes
R eddere, sed probitas expressa, relataq; uirtus.
T u licet insignem referas de sanguine, deq;
G ente notam: & generis prætendere plurima possis
S temmata: perpendens tamen in uirtute, bonisq;
S olum animi ueram consistere nobilitatem:
V t cœpisti, operam debes nauare frequentem
V irtuti, & pleno studijs incumbere honestis
C onatu: & tota probitati insistere cura
I nducendæ animo. quæ uulgo ex sanguine, necnon
E x opibus tibi nobilitas censetur adesse:

I V N. L V D. P A R I S E T I

S i cumularis eam parta uirtute, probisq;
 M oribus adscitis: tam summam nobilitatis
 A ttinges: quàm Marte tuo, meritoq; tuo pte
 C laresces. non nostra reor, quæcunq; redundant
 I n nos externa ratione. tenaciter hærent
 I lla minus, quæ succedunt extrinsecus, & quæ
 P roueniunt aliunde. feres punctum tibi quodq;
 S i decori generis curaueris adiungendam
 V irtutem, & clarius natalibus adiiciendum
 O rnatum probitatis. habes campum, spaciumq;
 P ropositum: quo mirifice te tollere possis:
 E t te præcipue celebrem, clarumq; per orbem
 R eddere. ni qua coepisti, contendere desis:
 E t ni destituas cliuum: quo ferre pedem iam
 A dgressus: spero plane, & confido futurum,
 V t tandem euadas talis, qui suspiciaris
 O mnibus, & passim miro celebreris honore.
 P ræstanti, qua præditus indole ferris, ea fit:
 O ptima uti de te speremus quæq;: nihilq;
 O mnino diffidamus succedere posse:
 Q uod uel respiciat solidæ uirtutis adeptum:
 V el celebres aliquo pacto prospēctet honores.
 E rgo tuum fuerit studio perstare parandæ
 V irtutis: spretaq; uoluptatum uia honesti
 P rosequi iter: quod te facere expetimus uehemēter
 P ro nostra charitate animi, qua tangimur in te,
 E gregia: qua fit pariter: ne gratius esse
 Q uid nobis queat, aut contingere lætius, an sam
 Q uàm tradi tibi gratificandi, siue placendi.

AD ALVISIVM TAQVELVM.

A Primis amor inter nos conflatus ephēb's
 Aluifi, & longo firmatus tempore : ludum
 Dum petimus, præceptoremq; subimus eundem:
 Efficit : ut memori seruem te mente, tametsi
 Absentem, & longa disiunctum ambage locorum.
 Aulas sacrorum procerum seētatus abesse
 Passus es à patria tanto te tempore : ut heros
 Non Ithacus pluri absuerit . fieri tamen unquam
 Haud potuit spacio tam longo absentiae, amorem
 Quin conseruarem, custodiremq; perennem
 Affectum, quicumq; semel mihi iam foret in te
 Contractus . tua simplicitas , animiq; modesta
 Integritas sic acceptum fecere mihi te :
 Inter præcipuos ut censereris amicos .
 Officio sic demeritus , studioq; fuisti
 Me semper : sic obsequio me semper amanti
 Es prosecutus : fieri ut non possit agresti
 Absque nota: nisi complectar te pectore toto:
 Et toto desiderio te prosequar . unde
 Opto tuū in patriam reditum uehementer, & opto,
 Imponas quandoq; auidæ retinacula menti.
 Tu partem uitæ potiore, annosq; uirentes
 Seruitijs patrum impendisti sacrificorum:
 Et tantum adnexus studio es, curaq; operatus :
 Vt sacrum tibi cum reditu non debili honorem
 Quæsieris. postquā tantum es tibi honoris adeptus :
 Et tantum census quæstisti: ut uiuere possis

IVN. LVD. PARISETI

Non modo honorate, sed laute : quid petis ultra?
 Quid sectaris adhuc? nunquam ne habitura cupido
 Est finem? nunquam ne sitis tibi compescenda
 Quærendi? semper ne animum, pectus'ue tenebit
 Obsessum ambitio? semper ne inhiabis honores
 Ad sacros? iam conuenit : ut metam cupienti
 Prescribas animo, desideriumq; refrenes.
 Iam tempus petit : & ratio iubet: ut referas te
 Denique: seruitijsq; modum statuas ineundis
 Causa hominum. seruire Deo iam te decet: & rem
 Procurare animæ, curamq; salutis inire.
 Quapropter cupio in patria te degere, teq;
 Viuere nobiscum, studijsq; incumbere sacris,
 Et quandoque tui rationem agnoscere finis.
 Non aliter tibi prospicies, animæ'ue cauebis:
 Implebisq;, tuo quodcunque ex munere debes.

AD LVDOVICVM BECADELLVM.

VT te pastorum numero Becadelle sacrorum
 Adscriptum noui, tam sum lætatus, amici
 Quàm decuit pro constanti charitate : diu quæ
 Sis complexus. amor, cum primum cognitus, in te
 Sic contractus : ut absentem te pectore semper
 Seruarim, memoriq; affectu cordis amarim.
 Postquam Martello te procurante Tridenti
 Noui, cum legatorum, procerumq; sacri esses
 Concilij a' secretis: de te sensi ita: ut aptum
 Tam te crediderim sacro, atque accõmodum honori,
 Quàm certam, stabilemq; fidem seruarim, aliquãdo

Venturum tempus: quo mysticus efficereris
Antistes, fieresq; sacer cuiuspiam ouilis
Pastor. ut optabam, & rebar, res euenit. ut re
Confirmata fides præsago non mediocrem
Plausum animo producit: sic processio uoti
Explet lætitia mentem, dum cogito campum
Oblatum tibi quo possis ratione Dei tam
Quàm respectu hominum bene te præstare merētē.
Hoc tibi delato de munere sicut oriri
Multum quid noxæ: si quid peccaueris, & si
Quid contra rationem eius commiseris: ingens
Ansa ita se præbet meriti, laudisq; parandæ:
Si te præstiteris, cuiusmodi oportet: eumq;
Temet præbueris: quem functio recta requirit
Muneris: in cuius functu cum plurima sint, quæ
Expédiant: minimeq; queant sine crimine omitti:
Est opus, aduertat animum, curamq; uigentem
Impendas, nequid prætermittatur eorum.
Quænam conueniant, quænam præstare necesse
Legitime pro fungendo sit munere, quamuis
Terrear ob disciplinæ, et prudentiæ abundans
Momentum nouisse satis, perspectaq; habere:
Non tamen eximius, quo dudum concitor in te,
Affectus patitur: quin ad te scribere coner
Quid moniti, tentemq; breui perstringere fasce
Nonnulla: officio quæ sint conformia sacri
Præsulis à quoquam non prætereunda: regendi
Cui sit cura gregis commissæ. tibi retinendum
Id fixum est animo, rationem constituendi
Sacri pastoris totam illuc uergere, eoq;

IVN. LVD. PARISETI

Spectare : ut gregis utilitati prospiciatur :
 Et quantum fieri potuit, caueatur eorum
 Indemni uitæ : quos causa muneris esse
 Subiectos contingat. eum solummodo finem
 Prescriptum tenet officium pastoris : uti grex
 Seruetur : sospesq; Deo statuatur . oportet
 Ergo pastorem : cui credita cura tuendi
 Sit gregis : exacte perpendere : quid faciendum
 Sit sibi : quo finis rationem attingat : & id, quod
 Prescriptum pro fine tenet, comprehendat. agat sic
 In primis opus est : ut se proponat honestæ
 Exemplar uitæ : & se præbeat incorruptis
 Moribus effingendum. mirum, quàm monitus, uel
 Verba parum prosint, si uita monentis abinde
 Dissideat : uerbisq; minus sint congrua facta .
 Idcirco dici censendus Episcopus : ut se
 Præbeat ex alto speculantem facta aliorum :
 Et se de specula sublimem proferat : in quem
 Respiciant : & quem sibi suscipiant imitandum
 Cæteri . adornatum sic moribus expedit esse
 Pastorem, & clarum specie uirtutis in omni :
 Ut grex, seu populus habeat, quod discat amissim
 Propositum : & uitæ pro conditione dirempta
 Quiq; habeant, quod uiuendi in ratione imitentur .
 Ad quamcunque uocat uirtutem pastor adhortans :
 Compellansq; gregem : facilem monstrare paratu
 Debet eam exemplo proprio, factoque suo pte .
 Nec solum uitæ exemplo, morumq; tenore
 Spectato debet pastor prodesse : sed acri
 Cura etiam, & studio uigili spectare, quid ad rem

Pertineat gregis. atque gregi conducat agendo
Ad sanum. monitus adhibere, operamq; iuuantem
Suggerere, & toto conatu incumbere debet:
Ne dimittatur, quod respiciat gregis usum:
Seruandiq; gregis rationem spectet. omissum
Linquere nil debet pastor, quo possit abunde
Proficere, & prodesse gregi seu causa animæ, seu
Corporis indigeat. qui legitimus cupit esse
Pastor, & officium ueri pastoris obire
Expetit: exemplo Christi sic uiuat, oportet:
Ut quæcunq; gregi possint conferre, procuret
Vnice: & exacta cura, studioq; laboret:
Nequid præcipue ratione animæ patiatur
Grex damni: pro quo seruando, siue tuendo
Tam nihil est curæ pastori prætereundum,
Tam nil uitandum discriminis, atque laboris:
Ut uel fundendus sanguis, perdendaq; uita:
Si sit opus. cum cura gregis commissa tibi sit:
Et sis delectus pastor: perpendere multum
Debes, quid ratio fungendi muneris huius
Exigat: & quantum studij, curæq; reposcat.
Archetypum debes Christum proponere: cuius
Instar te formes: qualem se præstitit in nos
Christus amando, monendo, uiamq; salutis
Ostendendo: gregem in commendatum tibi debes
Te talem præbere. bonus si pastor haberi
Affectas, nouisse gregem te prorsus oportet:
Ut possis apte succurrere pro ratione
Agnitæ egestatis. sic custodire necesse est:
Ut gregis a cura, studioq; remittere nunquam

IVN. LVD. PARISETI

Sustineas animum: nunquamq; operam reuocare
 Permittas alio. te totum postulat istud
 Munus & assiduum, solersq; efflagitat à te
 Subsidium, simulac diuino munere ad istam
 Es Spartam promotus: habes non amplius, in quod
 Incumbas ultra: curamq; impendere perstes.
 Si quo' respicias alio, quàm quo' petit, atque
 Contendit ratio commissi muneris huius:
 Tam grauius peccas, ut sons statuare, reusq;
 Tum ratione Dei, quem fallas mirifice, tum
 Causa hominum tibi commissorum: quos ope spōsa
 Defraudes. quare prætendi nil tibi debet:
 Quo minus expedias munus, quodcunq; benigni
 Detulit aura Dei. ne te potiora parandi
 Anxietas diuertat ab officio subeundo
 Pastoris: tam tu debes uitare: salus quàm
 Cara tibi est animæ: et quàm accepta est gratia Chri
 Quæ rerū pretijs adeo anteferēda quibusq; est: (sti:
 Vt sit sola hominem quæ possit reddere ditem,
 Contentumq; animo, atque æterna pace beatum.

AD BOCACYNVM PAVLIEN-
 SIVM PRAESVLEM.

Non studium, quo detineor Bocacyne iuuādi
 Quosq;, nec affectus, quo tangor proficiēdi
 Precipua ratione tibi, patiuntur, ut in quo
 Agnoscam respectu animæ, causaq; salutis
 Te peccare aliquid: sileam, tacitusq; relinquam
 Præteritum. quacunq; mihi scribuntur, eo sunt
 Accipienda animo: quo conuenit ob charitatem,

Affectumq; pium: quo sint comitata . ferendum
T am nihil est ægre, tibi quod scribatur, ut hocce
S cribendi officio testatum maxime amorem
N ostrum in te cupiã . nisi te uehementer amarem:
E t te prosequerer summa charitate: monendum
N on hac susciperem te libertate , nec acri
C ura adeo tibi consultum, cautumq; loquendo ,
S cribendoq; procurarem . sic nostra uoluntas
E st studiosa tui: sic mens propensa, fauensq;
D e te cogitat, ut summe desideret esse
T e saluum, & uita inculpatum uiuere, quod quo
S uccedat : tam posco Deum, quàm me monitorem
P ræsto tibi. ergo boni tu consule, quidquid honesti
N unc mihi sincera, & studiosa mente subitur
O fficij. cum tu duplicis sis præsul honoris :
E t tam clarescas urbano munere , quàm sis
R urali insignis : debes perpendere, utrum tu
S ufficias utrique oneri, præstareq; possis :
Q uod gemini ratio exposcat sibi muneris : in qua
E xcutienda opus est, multum te ponere mentis:
Q uandoquidem sunt multa : quibus non unius esse
C ura satis uideatur . habent si munera sic se :
F unctio ut unius non admittat rationem
A lterius fungendi: utrunque minus retinere
T u potes . aduersus finem quod muneris urget
I nducti : neutique hominis prætenta facultas
E xoluit . non cerno, locis superesse duobus
V t possis : dupliciq; oneri par esse ferendo.
V rbanos si munere districtus retineris:
V t rurali hominum plebi succurrere possis :

IVN. LVD. P A R I S E T I

E t præstare operam, quam debes, nescio . sane
 N on ignoro operæ tantum, studiꝝq; tuendæ
 A' te deberi plebi : ut contendere , quantum
 T u possis, sit opus: si uis præstare, quod ad rem
 P ertinet : officioq; tuo conducit . agrestis
 E t montana hominũ plebs quãtò est magis horrēs
 M oribus, & cultus diuini ignara: necesse est
 T anto' maiori studio te incumbere : nequid
 P rætereas : quod possit ei conferre docendæ,
 S anandæq; mala m orum contag. labore
 H oc pro fungendo mercedem cum satis amplam
 P ercipias : omni delinquis iure : reusq;
 E fficeris, si defficias , desisq; . teneris
 S ic præstare operam, officiumq; impendere, ut ullo
 P rætentu nequeas temet defendere. quantum
 D ispendi incurret, quantumq; incommodi inibit
 C ausa animæ plebs ista tibi commissâ tibimet
 A dscribetur : & enormi indelibile noxa
 I mpingetur. ut ad rectum sanctumq; tribunal
 I udicis adstiteris : miseri sua damna, suumq;
 E xitium obijcient : exprobrabuntq; receptam
 M ercedem officij non præstiti. erit manifestum
 D edecus : & cœlum testabitur omne reum te,
 I nfamemq; nota: quod ne contingat , oportet,
 E xaetam plebis subeas curam instituendæ
 I n cultu Dei: & assiduum, iugemq; ministrum
 T e rerum præstes, animæ quæcunq; salubres
 E sse queant: quas perfecte cognoscere plane
 N on poteris: nisi te sacris addicere libris
 C ures, & positis affectibus ambitionis

Appellas animū ad monumenta legenda piorum
A uthorum. non turpe minus, quā m pernitosum
E st nescire tui rationem muneris : & rem,
I n qua uerferis prorsum ignorare . sacer cum
S is homo, & ad curam, custoditūq; animarum
P ertineas : nihil æque conuenit, atque sacrorum
L ectio librorum ; qua non minus instituaris :
Quā m discas, quonam pacto sint instituendi,
Q uo tibi commissi. dum quæ sunt corporis, ambis,
A ffectasq; nimis : uehemens te incuria eorum
C orripit, ad rationem animi quæcunque uidentur
S pectare. ædificas ample, succurris egenis
P arce . uestiris munde, sordescis habendi
I ngluue. prouentibus inuigilas fundorum :
N il minus adcuras, quā m prouentus animarum.
S olue igitur curis animum fallacibus : & te
E xerce pietate : tuiq; expende tenorem
M uneris, et totis adnitere uiribus : ut quod
D ebes, exoluas : ne cum reddenda tibi sit
E xtremo ratio, longè plus comperiatur
A cceptum, quā m redditum. agetur iudicium de
Q uocunque : ad libramq; trahentur cuncta : nihilq; :
Q uod non examen subeat, linquetur omissum.

A D B E A T R I C E M.

E Xpetis, ut moneam te, reprendamq; Beatrix:
Q uatenus asperius correctricem uitiorum
T e præstas : quā m ferre licentia publica possit
P eccandi. tua non tolerat traductio uite

Sincera, & prudens, ut reprehendere, aliquo'ue
 Indigeas monitore . Dei cui gratia iugis
 A spirat : cui diuinæ se spiritus auræ
 Insinuat : quæcunque facit, loquiturq; : probanda
 Tam sunt: ut nulli censuræ hominis mereantur
 Subdi . diuino quisquam præscribere frustra
 Spiritui legem tentauerit . omnia recte
 Procedunt, quæcunque Dei sunt spiritum adeptæ
 Authorem. cum sit tantum tibi religionis:
 Et cum tanta tibi coniunctio cum Deo : ut arram
 Cælestis uitæ iam ceperis : author habetur
 Spiritus, et suasor prorsum diuinus eorum :
 Quæ facis, aut loqueris . non accidit, ut reprehendi
 Exposcas in te : quod sufficiente Dei fit
 Spiritu. ut asperius uitia incuses : animoq;
 Ardenti damnes hominum peccata : notesq; :
 Efficit id studium, quo ferues, religionis,
 Et charitas, cultusq; Dei, quo maxime abundas.
 Nam cum diuino uitium aduersetur honori :
 Peccatumq; Deo existat contrarium : amoris
 Prosummi ratione : Deum, quo prosequeris, non
 Mirum : si contra uitium excandescis, & acri
 Inueheris stimulo. quo tangeris in Deum amore ,
 Erga hominem prorsum afficiaris oportet eodem.
 Vnde fit , ut quanto rependas acrius, atque
 Asperius, tanto maioris significatum
 Affectus in eos prodas : quos accidat esse
 Reprensos . correctio progreditur studioso
 Omnis ab affectu. quanto uehementius urget
 Affectus : tanto correctio feruidiori

*Se profert studio . quare tam prorsus abest : ut
Quid pecces, noxas dum corripis, atque reprendis
Acrius : ut tanto' magis ostendas Dei amantem,
Et studiosum hominum temet : quanto' potiori
Corripias opera . quod si non spiritus esset
Is tibi diuinus, cuius ratione queat nil
Errari : possem quædam præscribere : quæ sint
In reprendendi seruatu digna tenore .
Nam demonstrarem : quantum ratione prudentem,
Et lapsum miti deceat reprehendere : quamq;
Arguere audacem expediat uehementer, & acri
Verborum iniectu : quando sit compatiendum,
Et quibus irascendum . quæ seruanda profanis
In reprendendis sit regula , quæ' ue sacris sit
Norma uiris apte conducēs corripiendis ,
Proferrem pro peccantium uaria ratione :
Et pro noxarum uario discrimine leges
Multiplices, uariosq; modos adferre monendi,
Atque reprendendi possem . possem rationem
Temporis obseruandi etiam distinguere : quo sit
Suscipienda reprendendi prouincia . uerum
Non opus hæc ducò tecum tractare : refertum
Quæ diuino habeas animum sufflamine, cuius
Auspicio nil non recte moliris , agisq; .
Ne tibi sit curæ interea , quid secula malorum
Sentiat : & quemnam de te ferat impia sensum :
Dummodo contendas, qua te cit spiritus: & qua
Suadet amor, cultusq; Dei, ratioq; iuuandi
Tendere . ab officio ne te detereat ulla
Incurrendi odij suspicio, siue pericli.*

IVN. LVD. PARISETI

Tuta fauente Deo sunt omnia. nulla facultas
Est humana: Deo possit quæ obstare uolenti.

AD IVLIVM III. PONTIFICEM
MAXIMUM.

Haudquaquā sūme Antistes expromere possim
Quā sim lætatus, quā sim gauisus: ade
Cum te intellexi diuos Pastoris honores. (ptum
Nam cum mirifico affectu te prosequar, & te
Præcipua obseruem ratione: nihil potuisset
Lætius accidere, aut maiori gaudio abundans:
Quā te iuris eo sublatum, & muneris: ut sis
Inter mortales Deus: & diuina ministres
In terris: summumq; gradum moderaminis in re
Diuina teneas. quæ simplicitas tibi morum:
Et quæ libertas animi est speciosa, mihi sic
Impense placuere: ut si nil præterea esset
In te: quo quires nobis possesq; placere:
Dignus ea ratione fores, quem plurimum amarem:
Atque admirarer. sed cum uirtutibus ample
Pluribus excellas: & rerum cognitione
Multiplici præstes: fit, ne solum uehementer
Te colā, et obseruem: sed dignum ex omnibus esse
Præcipue rear: in terris qui detineas ius
Supremum. confido tua pro conditione
Virtutum illustri nil non feliciter esse
Casurum; nil non successurum utilitate
Cum summa humani generis. præstantia, quā tot
Testatam uarijs passim rationibus ultro

Fecisti, suadet, nequid credamus omissum
Iri a' te, quod conueniens, atque utile possit
Esse rei sacrae: aut ualeat conducere honori
Religionis. agit, quæ de uirtute tua spes
Sumitur ingenua, ut fucum, & pigmenta putemus
Decessura sacris rebus: propriumq; decorem
Quæque receptura, & specie fulsura decenti.
Quæ fallax hucusque diu simulatio cuncta
Texerat, & ficto uultu temerarat, abibit
E medio: punctoq; acri damnata recedet.
Non affectus eo' procedet sanguinis: ut uim
Legibus iniiciat: diuinaq; iura profanet:
Atque offendiculum pariat portenta propagans,
Monstraq; producens. non ambitiosa libido
Tam poterit posthac: ut misceat omnia, & in fas,
Atque pium quodcunque malum producat. abusus
Haudquaquam admittet prætentata potētia: nec quæ
Ad fructum, uitamq; hominis concessa facultas,
Cedet ad interitum prauæ usurpata: feretq;
Pernitiem. tantum peruersa licentia quiniuit
Hactenus: ut nulla iusti ratione, pijq;
Subducta, quæcunque cupido insana, malusq;
Error suggereret, fierent: nulloq; pudore
Patrarentur. eo' prætexi audacia iuris
Perduxit miseros: ut quod brutale ferumq;
Esset, & humana descisceret a' ratione:
Se facere indulctu diuino, authoreq; Christo
Censerent. tantum erroris uitiata uoluntas
Traxerat: ut quodcunque Deo, Christoq; repugnās
Maxime, & aduersum foret: id se posse putarent

I V N. L V D. P A R I S E T I

I ure Dei, Christiq; potestate. impia cecos
 S ic uexabat auarities : ut cuncta soluto
 V enirent pretio, & nil non uenale subesset .
 C um tu diuino delectus numine pastor
 S is gregis humani: & sacre moderamen adeptus
 S is caulæ Christum referens, iam pertinet ad te
 Quidquid ab exacta Christi ratione recedit :
 C orrigere : & studio , curaq; cauere sagaci :
 N equid pestiferum, uel perniciousale sinatur
 S erpere : & humani generis cum clade subire .
 Quæ tibi delata est prouincia , sicut habetur
 I ure potens : sic multum oneris censenda referre .
 I n te religio Christi obseruanda recumbit:
 A d te defertur rerum tutela sacrarum .
 I n te consistit morum censura : tuiq; est
 M uneris humani generis curare salutem .
 I us summum prout omnino tibi competit inter
 M ortales : ita præcipuam te ducere oportet
 C unctorum curam : & nil prætermittere , quod sit
 V tile conducensq; homini in ratione salutis
 Quærendæ . cum tu communis sis pater , & rex
 Quorumcunque , Deiq; potestatem referas in
 T erris, te studium decet exercere paternum
 I n primis : operaq; omni perstare : Deum quo
 P roficiendo repræsentes, meritisq; imiteris
 I n genus humanum collatis . non magis ulla
 P ene Deum ratione potes, patremq; referre,
 Quàm cura, studioq; iuuandi quosque. nihil te
 A d ius diuinum propius promouerit : & nil
 T e melius reddet diuino munere dignum:

Quàm bene sentire, & bene de quocunq; mereri.
Est ratio tamen in cunctis adhibenda : modusq;
Seruandus , ne, dum fugitur defectus , iniri
Excessum contingat : & immodici ratione
Peccatur : meritiq; tenor reddatur inanis .
Proventus sacri tibi sunt ita distribuendi :
Vt non esse tuos, sed Christi, inopumq; rearis .
Procuranda tibi quæ sunt commissa, uoluntas
Exquirenda eius, tibi qui commisit , in illis
Tractandis. nihil ut proprij sit iuris, habendum est.
Non qui sit meritis de te bene , sed pietate .
Qui præstet, cultuq; Dei feruescat : honore
Hunc debes efferre, tuoq; augere fauore.
Si te ad supremum munus Deus extulit istud :
Et te constituit , cui curam traderet, & ius
Seruandi gregis : interea tam deesse tibi non
Conuenit : ut sit opus toto contendere nixu ,
Ingrate nequid, nequid peccetur inique :
Aut fuit contra rationem muneris : unde
Non minus offendatur, qui commiserit : atque
Lædantur , qui sint commissi . cautio multa ,
Est opus, intercedat : agantur ut omnia sano
Proposito : & generis semper redigantur ad usum
Humani , ad cultuq; Dei tendant, & honorem.
In primis quærendus honor Dei . habenda quibusq;
In rebus ratio diuinæ gloriæ . agendum
Sic est : ut Deus existat semper scopus : in quem
Actio uertatur . Deus omnibus in statuendis
Ac decernendis proponi debet . ut eius
Dictamen fuerit , uel suasio : sic penitus res

I V N. L V D. P A R I S E T I

Expedienda. nihil, quod dignum munere summi
 Pontificis sit, perficies: nisi mente repostum,
 Adfixumq; Deum curaris habere: imitatu
 Cuius, & exemplo quoscunque actus modereris,
 Est opus. haud recte diuino munere quisquam
 Fungetur: nisi consilijs utatur agendo
 Diuinis: rebusq; Deum adsciscat peragendis
 Omnibus authorem. postquam iura obtinuisti
 In terris diuina: Deiq; es munus adeptus
 Inter mortales: operæpretium esse uidetur:
 Vt quantum fieri possit, te moribus, atque
 Viuendi ratione Deo componere cures.
 Affecti quodcunque hominis, ueterisq; fuit, sic
 A mandare decet, penitusq; extrudere: ut in te
 Religio solum, & uirtutis cura supersit.
 Officij multum, multum pietatis obiri
 Debet: & innocui ratio est ineunda. hominū ad te
 Cunctorum cum pertineat censura: supraq;
 Omnes immineas iudex, censorq; ; necesse est
 Talem te præstes uiuendo, ut nil tibi fiat:
 Quod, factum a quoquam possis damnare. tenaci
 Proposito, ardentiq; animo diuina tueri
 Tam debes: ut nulla tibi iactura sit unquam
 Vitanda, & nullum discrimen sit fugiendum.
 Pro Christo, pro religione, gregisq; salute
 Humani debes animam profundere, uitam
 Perdere, si sit opus. nil tam carum tibi debet
 Esse: quod abstineas impendere pro ratione
 Muneris: atque Dei cultu, & pietate tuenda.
 Vt tibi Diue pater, quàm possum maxime, honorem

Gratulor: & tanti delatu muneris in te
 Gaudeo mirifice: sic te uehementer adhortor,
 Ne quo deficias, ne qua ratione remittas
 Officium. quam spem de te contraximus: & de
 Præstanti uirtute tua concepimus omnes:
 Sic a' te impleri cupio: ut nihil, ad rationem
 Perfecti quod pertineat pastoris, omittas.
 Interea tibi me commendo plurimum: & oro:
 Ut pro iure Dei, quod competit in peccatis
 Delictisq; remitendis, me soluere pœna
 Digneris: ueniamq; meis concedere noxis.

AD FRANCISCVM MARTELLVM.

NON ea amicitiae ratio Martelle: uicissim
 Qua sumus ex multo cōiuncti tēpore: per-
 Ut cum tu causa fungendi muneris hinc sis (fert:
 Decessurus: abire sinam te prorsus inanem
 Suggestus, moniti'ue pio de corde fluentis.
 Nam cum te supra, quàm dici possit, amarim
 Semper, & immenso sim te complexus amoris
 Affectu: non possum aliqua ratione teneri:
 Quin moneam, scribāq; aliquid: conducere posse
 Quod rear: & conferre animæ, uehementer opiner.
 Cum tu sis lectus: qui dicas inclyta in urbe
 Ius sacrum, subeasq; sacri putealis honorem:
 Id tibi propositum debes retinere, animoq;
 Assidue adfixum: ut quaecunque Deo, & charitati
 Humanæ quadrant, præstes omni modo: & omni
 Expedias studio. lucri ratione moueri

IVN. LVD. PARISETI

Tam nulla debes : ut quidquid proficienter
 Feceris erga homines : instar tibi debeat esse
 Ingentis lucri . tam nil est ambitiose ,
 Aut cupide faciendum : ut cuncta palam redigēda
 Ad cultum Dei, & observatum numinis . illo
 Duntaxat spectare decet : quo proficiendi
 Publica conducit ratio, & diuina uocat res .
 In primis rationem animæ, te ducere oportet.
 Cuius seruandæ tenor ille potissimus est, quo
 Proficitur homini. nimium deforme, Deoq;
 Aduersum est captare lucrum, & mercedi inhiare:
 Officium quotiens hominis præstatur in usum .
 Mercedem quicumque petit, pretiumq; iuuandi
 In ratione hominis : neutiq; Dei studiosus
 Is fuerit . neutiq; homini quod congruat ipsi,
 Præstiterit. prodesse homini quicumque recusat
 Gratis: non hominis nomen, speciemq; meretur :
 Prorsus inhumanum cum semet præbeat . alta
 Non conscenduntur cuiquam, aut diuina paratur
 Gratia : qui studio non detineatur, & æstu
 Proficiendi homini. charitas est sola, Deo quæ
 Conciliat, gratosq; Deo nos reddit . ut istud
 Suscipias munus, si te quid commouet ultra,
 Quam charitas sincera Dei : studiumq; iuuandi
 Seruandiq; hominis : cadis à ratione salutis:
 Et tibi conducit potius traducere uitam
 Hic cum pace animi, studijsq; salubribus oti.
 Interea nostri memorem seruare memento
 Temet, ut affectum, quem consuetudo, studiūq;
 Communis ratio tam longo temporis orbe

Conflavit : non deterat aëris intervallum :
A ut acies, cumulusq; negoti extrudat agendi.

AD LUDOVICVM BEC ADEL LVM.

SI mihi iudicium, aut sensus Becadelle foret qui
Est plerisq; alijs: tibi nunc gratarer ob istud
Indeptum munus. nam cum uehementer amem te,
Et non vulgari tibi sim coniunctus amore :
Posset conueniens multum, multumq; uideri
Esse decens : ut muneris istius ratione ,
Quod sit honoratum uulgo, multæq; putatum
Frugis, gauderem ualde : & gratarer abunde .
Metiri si forte boni accideret rationem
Ex sensu uulgi : & quod corpus respicit, & res
Quasque extra positas, contingeret adnumerari,
Adscribiq; bono : plane non absque pudore
Officij possem nunc prætermittere nostri :
Quin tecum causa suscepti muneris ultro
Lætarer . sed cum longe, lateq; recedam
A uulgo, & penitus dissentiam in expendenda ,
Censendaq; boni ratione : minus reor esse
Conueniens : ut, quod non arbitrer, neque ducam
Esse bonum : causa quæsitæ gratuler eius.
Tam non diuitias, tam non consentio honores
Posse boni rationem aliquam retinere: ut opinor
Plurimum eis diuertere hominem de tramite recto ,
Deq; boni cliuo . species cum sit Deus omnis ,
Exemplarq; boni : fit uti quid non queat esse,
Censeriq; bonum : quod non habeat rationem

IVN. LVD. PARISETI

P articipem exemplaris, & in se non teneat uim
 C onsimilem exemplari aliquam. quo confit: ut in re
 C orporea neutique boni contingere possit
 C onditio, sed tota animo consistat in ipso:
 Q ui quanto propius statuit uirtute Deo se:
 T anto maiorem retinere boni rationem est
 C ensendus. cum nil penitus queat esse bonum, quin
 P erpetuum: nihil in rebus, quæ deficientes
 I nteritum subeant, reperiri quit, quod haberi,
 C enseriq; bonum mereatur. sola perennem
 Q uæ uirtus animum comitatur, in it rationem,
 N aturamq; boni. nam qua uirtute imitari
 A tque referre Deum quimus, duntaxat ea nos
 Q uærimus, assequimurq; bonum. qua fit ratione:
 V t nisi te talem præstes uirtute, Deiq;
 O bsequio: ut non excellas minus integritate
 V iuendi, quam proficiendi cuique traharis
 P roposito: nulla ducam ratione tibi met
 G ratandum, & nullo pacto tum propter honores
 I ndeptos, tum propter opes cumulatus auctas
 L ætandum rear. hæc cum sint externa: minusq;
 F irma: boni sic nil referunt: ut maxima ab ipsis
 C ausa mali prorumpat. habent adeo nihil, unde
 P roficient: ut non tam animæ, quam corpori obesse
 C omperiantur. ut his partis tibi gaudeam, & ultro
 G rater: amicitie nostræ non exigit usus
 A ut ratio: quoniam non diligo, quod sit honoris,
 A ut fastus in te, sed quod uirtutis: adeptum
 S i quid uirtutis te nouero: si pietatis
 I n studio te proficere intellexero: abunde

Gaudebo : multumq; tibi gratabor : agamq;
 Hac ratione Deo grates : cui quidquid habetur
 Vtile, siue bonum, acceptū penitus referendum est.
 Cura igitur, quantum potes, ambitionis ab æstro
 Indemnem te custodire : ab auaritiæq;
 Gurgite seruare incolumem . prodisse procura,
 Et recte senti . gratum quodcunque Deo sit ,
 Exequere : & nulla humani captatio amoris
 Efficiat, quin quod rectum, iustumq; uidebis ,
 Obserues , statuasq; . oculis præ semper habeto
 Iustitiam, atque Deum . nil te diuertat ab æquo .
 Nulla pij immemorem reddat te cura . memento
 Finis, & urgentem uitæ reminiscere matrem.

AD FRANCISCVM MARTELLVM.

Quid desiderium uehemens Martelle tui me
 Angebat, multum leniuit epistola: qua te
 Deprendi nō solū animo lætāter habentē,
 Sed membrorum etiam sana cōpage ualentē.
 Quæ tecum iucunda fuit mihi consuetudo :
 Est literis prope representata . haud mediocri ex
 Parte relata fuit mihi delectatio : quam de
 Colloquio, dulciq; tuo sermone solebam
 Excipere . ut firma est adeo coniunctio amoris
 Inter nos : ut nulla loci distantia , nullus
 Temporis excursus possint dissoluere : sic , quæ
 A te sunt nobis perscripta absente , cierunt
 Affectum, mentemq; adeo strinxere : minorem
 Ut non lætitiam attulerint, quā reddiderint me

IVN. LVD. PARISETI

Longe, quàm fuerim prius obstrictum magis in te
 Propensumq; animo. facit insignis mei amoris
 Erga te ratio, ut quanto distantius à me
 Degis, formidem tanto uehementius: in quid
 Ne ducare: quod interea satis ad rationem
 Non faciat seruandæ animæ: aut Christi documētis
 Non quadret. me sollicitum, plenumq; timoris
 Efficit affectus, quo te complector, aberres
 Ne recta, solitaq; excedas integritate.
 Haud quaquam ignoro, quantum discriminis illi s
 Immineat: subeunt qui publica munera, quiq;
 Fungendis uulgo exercentur honoribus. haud sum
 Nescius, in sacros homines quàm polleat, & quàm
 Sæuiat ambitio: & quantum dominetur eisdem
 Turpis auarities. gemina hac tibi peste cauendū est
 Precipue: si cara salus, si gratia Christi
 Expetitur. nihil his hominem damnosius arcet
 Pestibus à uera pietate, Deoq; colendo.
 Dum dignū hæ prætendunt, causanturq; necessum:
 Inuadunt paulatim animos: furtimq; penetrant:
 Donec eos prorsum arripiant: totosq; tenaci
 Affigant morsu. postquam semel hæ subiere
 Mentibus humanis: nullum ulterius pietati,
 Virtutiq; locum permittunt esse: modum sic
 Omnino nullum norunt seruare: paratis
 Ut crescunt: tantoq; magis uexent, agitentq;:
 Quanto contingit plura, & potiora teneri:
 Ut quo materiæ plus sufficitur, magis hoc se
 Ignis diffundit: tantoq; potentius effert,
 Et tollit flammæ: sic tanto suscitatur æstus

Maiorem ambitio : tantoq; ardentius inde
 Urget auarities : quanto plus adcumulatum est,
 Congestumq; : fames multo succrescit ab esu.
 Qui cupit efferri , tolliq; : Dei sibi munus
 Expetit, & fastus damnato crimine peccat.
 Qui studio retinetur opum , & ditescere habendi
 Quærit, traductæ reus, & sons religionis
 Debet censerî . qui quærit opes : inhiatq;
 Diuitijs: quodcunque Deo debetur : id ipsis
 Impendit rebus : grauitèr q; impingit . honoris
 Humani studium : ditescendi q; cupido
 Anxia nequaquam cum religione , Deo q;
 Conueniunt . rerum affectus non religionem
 Admittit: cultumq; Dei non suscipit. ut te
 Incolumem, sanumq; queat a' peste tueri
 Hac gemina Martelle : Deum propone tibimet
 Ante oculos , fixa q; amplectere mente: roga q;
 Assidue . mortem meditare frequenter: et huius
 Mortalis lapsum uitæ, cassosq; labores
 Versa animo . quodcunque subis , tolerasq; , Deo fer
 Impensum : qui multiplici cum fœnore reddet
 Denique, & æternam statuet, tribuetq; quietem.

AD HIPPOLYTVM MALEGVTIVM

Gratulor Hippolyte, et uehemèter gaudeo, qd
 V iuendo talè præstes: ut promerearis (te
 Albo hominum conscribi, ad censeri q; piorum.
 Tu quamuis de iure feras responsa, fori q;
 Pertractes causas: uersesq; uolumina iuris

IVN. LVD. P A R I S E T I

C i u i l i s : t a m e n i n t e r e a n o n d e f i c i s à r e
 D i u i n a , n e q u e s c r i p t o r u m m o n u m e n t a s a c r o r u m
 D i m i t t i s m a n i b u s . q u a m t u s e m e l a p p r e n d i s t i
 S i n c e r a m u i t æ r a t i o n e m : f i r m i t e r h æ r e s
 S i c i n e a : u t u a l e a n t n u l l a n e g o t i a f e r r e
 T r a n s u e r s u m , f i r m u m q ; a n i m u p r æ u e r t e r e . q u a t o
 H æ c t u a u i u e n d i r a t i o d i s c r i m i n i s i n s e
 P l u s t e n e t : e c o n t r a t a n t o s p e c i m e n p o t i o r i s
 R e l l i g i o n i s h a b e t , n e c n o n u i r t u t i s . i n h o c t e
 I n c o r r u p t u m a n i m o u t s e r u e s d i s c r i m i n e , t a m n o n
 D e m i r o r , q u a m c e n s e o e a m p r o p t e r r a t i o n e m
 E s s e , D e o c u r p r æ c i p u e t e m e t f a t e a r i s
 O b s t r i c t u m : c u i u s s u c c e d a t g r a t i a , & a u r a :
 Q u o d t i b i s i n c e r æ u i t æ s e r u a t u r a g e n d i s
 I n c a u s i s , r e b u s q ; f o r i . l i c e t h æ t e n u s h o c t e
 I n u i t æ g e n e r e i n c o l u m e m s e r u a u e r i s a u r æ
 M u n e r e d i u i n æ : t a m e n o p t a r e m t i b i d e i n c e p s
 A n s a m c o m m i n u i p e n i t u s , q u æ c u n q u e p e r i c l u m
 E x h i b e a t , p r æ s e n s q ; f e r a t d i s c r i m e n . e a d e m ,
 Q u a s i s , p r æ t e r e a s i t e s e r u a r e s u b i n d e
 I n c o l u m e m p o s s e s p i e t a t e , f o r e t q u o q u e : c u r t e
 S u b t r a h e r e s c a u s i s , r e b u s q ; f o r e n s i b u s : u t q u æ
 P r o f e c t u m u i t æ p o s s i n t p r o h i b e r e , r e m o t i s ,
 E x c l u s i s q ; , g r a d u m q u i r e s a t t i n g e r e : q u i s i t
 P e r f e c t æ r a t i o n i s . e i c o n t i n g e r e q u i t n i l
 P e r f e c t i , q u i p l u r a p e t i t , m u l t i s q ; l a b o r a t
 C u r a n d i s . u n u m p o r r o , p e n i t u s q ; n e c e s s u m e s t
 C u r a r i . q u i d i s t r a h i t u r , n o n c o g i t a t u n u m .
 D u m u a r i j s r e b u s m e n s i r r e t i t a t e n e t u r :
 N o n u a l e t , e x a c t æ q u i d q u a m p e r s o l u e r e q u o d s i t

Relligionis . habet commercia nulla salutis
Querendæ ratio cum rerum affectibus . huius
Mundi amor et studium nequeunt concurrere cū re
Diuina, cultuq; Dei. præstare duobus
O fficium dominis penitus pugnantibus una
Incassum conamur . in hac ratione suapte
Viuenti quoniam quidquam non accidit esse
P erfecti : cuius neutiq; admittit adeptum
M ultiplex rerum curatio : suadeo quantum
P ar est, & nostri ratio permittit amoris :
V t cura lucri posita , missoq; forensis
Gloriolæ studio totum te tradere cures
P erfectæ uitæ rationi : & quidquid obesse
P ossit, & à cultu diuertere religionis
Exacto ualeat, studeas dimittere. aratro
Qui semel iniecit dextram : non conuenit, ut post,
A ut retro aspiciat . dum rus curatur, aguntur
Nuptiæ, & in bobus studium uersatur emendis:
Commoditas domini præterfluit accersentis.

AD PACCIVM SACERDOTE.

O Te felicem Pacci : qui deditus aris ,
Et sacris uitam traducis religionem
In summa, totaq; insists mente saluti
Acquirendæ animæ . saties cum nulla paretur
Ex rebus mundi : cum sit possessio rerum
Passim humanarum fallax : nimium prudenter
Eligis : & sano nimium decernitur à te
Consilio : quando mundi , rerumq; sequela

IVN. LVD. PARISETI

Dimissa totis incumbis uiribus in rem
 Diuinam, totumq; Deo te pectore tradis.
 Cum res humanas quidquam conferre quietis,
 Aut pacis non posse, animo comprehenderis, à quo
 Summa quies, à quo pax prodit læta Deo te
 Addicis: studiumq; Dei, curamq; salutis
 Suscipis. affectus rerum dum ponis, & huius
 Traducis curam uitæ: & solummodo habendam
 Decernis finis rationem: tam sapienter
 Efficis: ut non solum animæ bene prospicias, sed
 Vitæ etiam causa præsentis pacifice tam,
 Quàm contente habeas. quæ nullus opū, uel honorū
 Tranquillare animum potuit successus: eum sic
 Tranquillat ratio uiuendi recta: Deiq;
 Gratia, ut omnino nihil expetat ulterius, quàm
 Corporis exolui uinclis, & carcere cæco
 Educi. qui continuo cœlestia uersat:
 Assiduaq; Deum conuoluit mente, caletq;
 Virtutis studio: fruitur mirabiliter, nec
 Vlla animi subit, aut sentit tormenta beatæ
 Excipiens arram uitæ, quæ morte secuta
 Siccatura. animus diuino accensus amore,
 Feruentiq; Dei cultu detentus habet nil;
 Quod prorsum cupiat. nauci facit omnia. sensum
 Non retinet, nisi quem cœlestis suscitât ardor
 Regni, uel dilata beatio commouet. ut mox
 Gratia perfudit hominem diuina: nocentes
 Non minus affectus rerum, curæq; molestæ
 Excedunt, quàm se menti bona gaudia dedunt
 Sæq; animo insinuant diuinæ iubila pacis.

Sors felix, qua tu domino coniungeris : & qua
 D electus deseruis ei, qui præmia defert
 L argiter : & multo reddit cum fœnore partam
 M ercedem. dum tu mundi contemnis honores :
 E t res humanas constanti pectore spernis :
 S ic rem diuinam tractas, animæq; salutem
 P rosequeris, cupias ut non solummodo cautum
 E sse tibi, sed passim etiam prodesse procures.
 C andida simplicitas, & mens sincera relinquit
 N il prætermisum, quo proficiatur. egenti
 C onsulitur, quantum patitur prouentus: apertis
 S cripturis, & uoce palàm tractamen initur
 D e seruatu animæ: quantum se spiritus offert,
 E t doctrina ualet. cum te sic arbitrer esse
 A cceptum, carumq; Deo: ut quæcunque petas, sis
 I mpetraturus: quàm possum præcipua ui,
 T e rogo, ne desis precibus mihi: quatenus opto
 E xolui tricus mundi, solitæq; quieti
 R estitui, similemq; tuæ deducere uitam.

AD FRANCISCVM MARTELLVM.

Nostra erga te incredibili Martelle uoluntas
 A ffectu propensa facit plerunque, decorũ
 N e uidear satis obseruare: redarguo dum te,
 A dmoneoq; hominem sacrum, doctumq; profanus,
 A c infans. quamuis talem te prorsus opiner
 E sse, tua qui pro doctrina, & relligione
 I ndigeas minus: ut monere: tamen meus in te
 M agnus amor non permittit me cernere, quidnam

IVN. LVD. PARISETI

Conueniat, deceatq; mea pro conditione,
 Personaq; tua. dum de te suspicor, atque
 Extimeo semper: fit uti uidear mihi habere
 Instar Zelotypi: qui captus amore pauescit
 Assidue, & quacunque timendi suscipit ansam
 Ex causa. duo præcipue: quæ Zelotypum quem
 Constituunt, amor insignis, præstantia formæ.
 Non est Zelotypus, nisi amet uehementer: & inde
 Extimeat: nequid formæ contingat amata,
 Quod noceat, labemq; aliquam compingat. amemus
 Cum te mirifice, & causa uirtutis, abunde
 Qua pulchrescis, eo' ducamur: ut extimeamus:
 Nequid ei labis, nequid discriminis ultra
 Incidat, efficitur, nequo te tempore nostris
 Exemptum monitis patiamur, & interdum non
 Scribere cessemus: quod conueniat retinendæ
 Virtuti, & uitæ perfectius instituendæ
 Conducat. quanto uirtutibus inter amicos
 Clarior appares nostros: tanto potiori
 Officio curaq; tibi reor esse cauendum.
 Præterea quanto' parta uirtute careres
 Turpius, & quanto' deformius integritate
 Deficeres solita: nos tanto' impensius æquum est
 Consulere, atque omni conatu insistere, nequid
 Fiat, quo uirtus decrescat: & imminuatur
 Integritas. cum pro facili, & prompta ad recidendū
 In uitium natura hominis diuertere recti
 Tramine, uirtutisq; gradum decedere semper
 Possimus: uix quit fieri: ut satis admoneamur:
 Et pro pendentis semper discrimine: quantum

Sufficiat, monitis interpellamur. ab omni
Immineat cum parte occasio deficiendi
A' recto, tam non aliquando incuria debet
Admitti: ut iugi cura, studioq; frequenti
Sit prospectandum: nequid surrepat, obesse
Quod queat integræ uitæ, & sacræ rationi
Viuendi. tam securi, tutiq; sumus nos
Nunquā: ut perpetuo impendat discrimen: et ut tūc
Præcipue peccemus, aberremusq;, remisso
Cum studio nobis paulum concedimus ipsis.
Hostium habent instar se affectus: obsideant qui
Arcem animi. nisi solerti custodia cura
Excubet: & quoscunque aditus obseruet: & omni
Cauta modo insidijs occurrat: nempe futurum est:
Ut confestim hostes subeant, potiantur & arce.
Præter amicitiam, & perfecti uinculum amoris
Est quoque quid, cuius causa reat utile, sine
Conueniens: ut nostra opera monearis. ut undas
Sulcantes pelagi si quo in discrimine forte
Versentur: non plene adeo, exacteq; periculum
Deprendunt, cernuntq;, uelut qui littore sistat
Proximo, & aspiciat uexatam turbine nauem:
Non aliter, qui te positum in discrimine rerum
Multiplici spectro: melius deprendo pericli,
In quo uerseris, rationem, quā facias tu:
Idcircoq; tui non ab re cura monendi
A' me suscipitur. quam rem sic accipi, & a quo
A' te sic animo ferri desidero: ut ingens
Non minus expēdatur amor: quā quæ queat exin
Prodire utilitas: cuius in quenque ferendæ

IVN. LVD. PARISE TI

Sum cupidus. tibi cum sacro pastore, pioq;
Legato, cui à consilijs es, quatenus ipsum
Admonui quandoque: uolo, iubeoq; sit ista
Omniño communis epistola: nec secus, ac tu,
Accipiat: quæcunque animo scribuntur amanti.

AD PAVLVM IOVIVM
HISTORICVM.

Scribendæ, facunde Ioui, cui munus initur
Historiæ, & rerum per tempora succedentum
Scriptio suscipitur: non his solummodo famam
Conciliat sibi perpetuam: sed reddit eorum
Immortale etiam nomen: quos gesta recensens
Commemorat. quin posteritati proficit, & fert
Campum: quo fiat prudentior: atque alienis
Cautior exemplis reddatur. qua suaderi
Quit ratione, genus nullum dictaminis esse,
Scripturæ uel, quod expediat sic publice: & usus
Adportet tantum: quantum ex scripta referatur
Historia: cuius ratio prout utilitate
Multiplici constat: sic exigit: ut referendi
Veri præcipue finis statuatur in ipsa
Scribenda: summâq; fide tendatur. oportet
Idcirco quicunque uelit munus profiteri
Scribendæ historiæ, penitus se præstet ab omni
Immunem affectu, nulloq; odij, uel amoris
Tangatur stimulo: & nullo liuore prematur.
Nam cum diuinæ passim argumenta pronæ
Eliciantur ab historia: tam fingere quidquam,

Mentiriq; nefas : ut qui committat in hac re,
Non homines solum offendat uerū quoq; summa
Insensum ratione Deo se præbeat : in quem
Non delinquatur leuiter : dum commemoratu
Falso, & mendaci deprensio soluitur eius
Iustitiæ . quo præterea succedat : uti quem
Possit homo fructum sibi sumere iustitiæ ui
Deprensæ fraudetur eo non absque recenti
Detrimeto animæ . cum sis tu nominis inter
Historicos primi, & scribenda præcipue sis
Clarus in historia : te mentem aduertere oportet:
Nequid committas in scribendi ratione :
Quod fini historiæ aduersetur, & arguat in te
Affectum . ueri initio est ducenda tibi sic :
Vt fugias tam palpum, quàm liuoris inanem
Te præstes . nulla offensæ , meriti'ne recepti
Conditio tantum debet pollere penes te :
Quin ueri rationem habeas longe potiore
Dicendi . haud tanti debent accepta putari :
Vt cures deferre magis, quàm competat: & par
Sit meritis . tanti censerini iniuria nulla
Debet: ut in quēquā impingas aliquid grauius quàm
Conueniat , factiq; petat natura . tenere
Id debes animo propositum semper, ut ullo
Esse recedendum pacto de tramite ueri
Non arbitreris . præter ueri referendi
Legem præcipue obseruandam , præterea quid
A te præstandum historiam scribente requiro :
Scilicet historiam ut monitis conspergere cures :
Et nullam speciem diuinæ prorsus omissam

IVN. LVD. PARISETI

Iustitiæ facias: quin admoneas studiosos:
 Et passim monstres lectoribus, ut comitetur,
 Extremoq; malos apprehendat pœna: nihilq;
 Denique diuina impunitum lege sinatur.
 Vt decus immortale bonos felixq; sequatur
 Conditio, monstra rerum successibus. Et fac
 Testatum scriptis, nil non concedere tandem
 Virtuti, Et iusto feliciter omnia demum
 Sinceroq; homini procedere. si tibi curæ
 Id fuerit monstrare pater uenerande: iuuabis
 Non pro civili tantum uirtute legentes
 Quærenda, sed quosque etiam in diuina, Deiq;
 Cultum pellicies: dum præmia certa probatæ
 Deprendent uitæ contingere: Et integritati,
 Virtutiq; piæ deferri cuncta beato
 Successu. id pronotam te curare decens est:
 Vt pro diuino, quo nunc fulgescis, honore
 Non aliter digne genus exercere profanum
 Scribendi hoc ualeas. quid enim cōmune sacri cum
 Officio pastoris habet tractatio belli,
 Armorumq; ferox prouincia: ni rationem
 Coniunctam cum diuinæ ostentamine seruet
 Iustitiæ: exemplumq; hominis ferat absterrendi
 A uitio, in studiumq; piæ uirtutis agendi?
 Non satis hæc ratio scribendi quadrat honori,
 Quo præstas, sacro, nisi causa relligionis
 Quid referat fructus: pro sitq; subinde animando
 In diuina homini: quem finem agnoscere ab Afro
 Seruatam, tentumq; tuo cognomine possis.

AD PEREGRINVM ALVERNAM

Sacri ludi præfectum.

Sic munus Peregrine tuum non arbitror esse
Vile, uel abiectum: ludo dum incumbis: & ære
Conductus sacram classem, sacrisq; dicatos
Instituis iuuenes: ut credam te ratione
Hac ideo dignum, qui summopere obserueris,
Et passim eximio afficiaris honore. quis artem
Dignius impendat: studium uel collocet unquam
Vtilius, quàm qui doctrina, & moribus illos
Ornandos curat: quos deseruire necesse
Sit sacris, cultumq; Dei proferre? parari
Qua possit opera tantum fructus, meritiq;:
Quã qua cõsultitur priuatim, & publice: & ex qua
Cultus, honosq; dei tam propagatur abunde,
Quàm ratio uitæ, morumq; salubriter acta
Funditur. id plane studij, quodcunque iuuentæ
Impendis sacræ tam moribus instituendæ,
Quàm literis contendit eo: ut non utile tantum
Cedat eis: quos instituas, doceasq;, sed illis
Proficiat cunctis etiam: quicunque profani
Exemplo uiuunt: multumq; mouentur eorum
Ex uita: quos præpositos tanquam monitores
Agnoscent, & sacrorum, cultusq; ministros
Diuini obseruant. quo munere demerearis
Numen, & obstringas homines, aditumq; salutis
Quærendæ præstes animis, quisnam sapienter
Expendens, recteq; putans non iudicet eius

IVN. LVD. PARISETI

Tam dignam, fructuq; refertam conditionem :
 Ut non esse aliud quid muneris arbitretur
 Aequae conducens, aut utilitate redundans .
 Si tantum patri, qui corporis instrumentum
 Formandi est, solum : diuina, humanaq; iura
 Deberi statuunt : quantum par, atque decens est .
 Obstringi tibi, quos animis formes pius, & quos
 Tanquam instrumentum diuini numinis ornes
 Moribus, & sacra decores uirtute . figura
 Quam genuina hominis differt à corpore partus
 Monstruosi, tam quod praestas operae instituendis,
 Formandisq; animis, operam quamcunq; paternam
 Gignendi praecellit . in humana specie cum
 Praecipue uirtute Deus referatur : opus, quod
 Tradendae tractas uirtutis, oportet, ut id tam
 Diuinum ducamus : quam te authore reamur
 Diuinos homines fieri . cum nulla sit actus
 Omnino humani ratio praestantior, & ui
 Nobilior : quam quae supremum respicit, atque
 Attingit finem, quo humana beatio constat :
 Quid sit nobilius, quid sit praestantius illo
 Munere, seu studio : quo fiat, ut instituuntur
 Sic homines : ut tam studiosi religionis
 Cultores, quam quæsita uirtute beati
 Reddantur : nō cerno equidem, comprehendo'ue sensu
 Quoquam animi. quocirca ut tu latere, Deoq;
 Grateris, tam conuenit interea peregrine :
 Ut non maiorem rear offerri potuisse
 Ansam, qua posses tibi met gaudere : Deoq;
 Gratarum : cui quodq; bonum, sanctumq; referri
 Acceptum

A cceptum debet : cui tanto' obstrictior esse
 T u debes: quanto' potiori iure merentem
 M unificumq; in te se præbuit : ad rationem
 Cuius honorandi præsertim pertinet id , quod
 M unus agis: quo plane' fungendo numerum omnē
 I mplebis meriti : si in primis proficiendi
 P roposito processeris : atque Deo faciendi
 R em gratam. quòd si mercedis amore ,
 A ut desiderio lucri duntaxat obiri
 M unus id accideret : tam priuareris honore
 D elato, quàm te laudis omnis, meritiq;
 E xpertem faceres : quod ne committere cures,
 T am cupio : tua quàm nobis accepta salus est.

AD FRANCISCVM MARTELLVM.

Præteritis Romæ fuimus Martelle diebus,
 V t nosti, & desiderij compleuimus id, quo
 I am diu agebamur, sacræ fastigia caulæ
 V isendi. si forsan aues cognoscere, quid nam
 I llic egerimus, quantumq; laboris eundo ,
 E t redeundo subiuerimus : nescire minus te
 P ermittam . cum iam plures ego non equitassē
 P er menses : & longa quies fecisset inertem
 M e ualde, & segnem : comite adscito mihi equestri,
 Q ui consanguineus : Regio discessi, ut eodem
 A cciperet studiosa die nos Felsina : de qua
 D igressi per difficiles equitauimus alpes:
 D onec me lauto Florentia pulchra recepit
 H ospicio fessum. Senas contendimus inde :

IVN. LVD. PARISETI

Et demum octauo solis peruenimus ortu
 Romam apprime debilitati uiribus: & uix
 Hærentes genibus. successimus in cauponam
 Primum. deinde domo Bocchaci acceptus amicit
 Ipse fui, remanente tamen comite in caupona
 Cum nostris ambobus equis. simulatq; quieui
 Paulum, paulisperq; fui recreatus adiui
 Pontificem: ad quem subsidio introductus, & aura
 Ceruini, quem debebam summissus honorem
 Detuli, & ore breui gratatus. pauca locutus
 E' contra fuit ille: meæ quæ conditioni
 Competerent satis: & grauitati, siue decoro
 Personæ ipsius quadrarent optime. ut usi
 Officio fuimus uisendi quenque merentem,
 Atque salutandi: nosmet conuertimus ad res
 Urbis, & ingentes moles, ueteresq; ruinas
 Spectandas: quæ non plane' exciuerent stuporem
 Tantum, quod ueteris splendorem significarent
 Eximium imperij: sed quod nihil esse perenne,
 Perpetuumq; laboris testarentur habendum
 Humani. si tam magnæ moles fabrefactæ
 Tot rerum pretijs, tantoq; impendio, & arte
 Tam ualida iam defecere, nihil q; ruinas
 Præter habent: quid de nostris conatibus, & de
 Humanæ uitæ sperandum est conditione?
 Quæ sic sit fragilis, fatoq; obnoxia, uti uix
 Perdurare queat momento temporis. hinc quàm
 Nostris conatus sint uani, collige: quàm non
 Huic nostræ uitæ rationi sit tribuendum,
 Fidendumq; puta. tempus ruit omnia, agitq;

In mortem. moles, uitam, humanosq; labores
 Destruit, & lapsu consumit cuncta ruenti.
 Ter septem cum Roma dies nos detinuisset:
 In patriam decreui alia contendere: quàm qua
 Venissem Romam. uisendi Virginis aram
 Lauretæ desiderium nos fecit inire
 Difficiles, longasq; uias. diceffimus ergo
 Roma, & per montes, angustaq; claustra uiarum
 Tandem Lauretum peruenimus. æde petita
 Virginis: & cultu delato Virgini, abiui
 Post paulū stomacho infirmus, nec sat bene habēs me
 Corpore. eo me Anchona die suscipit acerbo
 Hospicio: quoniam tota me nocte calescens
 Vexauit febris. nihilominus inde recessi
 Mane: fuiq; maris iuxta littus equitatus:
 Donec pransuri appulimus Senogalliæ: ubi uix
 Constitimus, paulumq; cibi percipimus: ut se
 Bilis amarities, æstusq; exciuerit: & me
 Nausea cum febre ingenti comprehenderit. ut rem
 Ingenue fatear, timui, ne sors mea fati
 Posceret: externa ut morerer regione: proculq;
 A patria, atque meis decederem. erat mihi supra
 Quàm dici possit, graue deficere in caupona
 Infamiq; loco, aut etiam ægrotare. meorum
 Officium succurrebat, quod sœuit amanter
 Præstari mihi tota domus studiosa ferendi
 Obsequiū se subiciebat. qua ratione
 Quàm potui, prece contenta, seu mente rogauī
 Numen, ut interitum potius mihi patria ferret:
 Quàm regio externa, aut turpis caupona teneret

IVN. LVD. PARISETI

A egrotantem . quapropter requieuius illic,
 D onec diuino febris se dura remisit
 M unere . dum patriam propero spectare , meisq;
 O pto frui : non febre carens , nec prorsus ab aestu
 F ebrili immunis persisto equitare , uiamq;
 V rgeo constanter : donec me Felsina grato
 H ospicio suscepit : ubi requieui aliquantum ,
 E t uires aliquas sumpsi mihi sufficiente
 O fficium coetu iuuenum nostratium , apud quos
 M ansi , dum re composita statuere redire
 I n patriam pariter , studiumq; remittere . quare
 H is tandem Regium redij comitantibus : in quo
 L iber , & indemnis tristi langore quiesco :
 E t nullos prorsus subeo , nisi sponte labores .

AD MARCVM ANTONIVM.

D Vm fuimus Romæ , qualē se maximus in me
 Præbuerit Pastor quoniā cognoscere Marce
 E xpetis , hoc totam seriem sermone capesse .
 I mpetrare aditum spacio uix octo dierum
 Q uin : & Ceruini ni præsulis aura fuisset ,
 C redo superuacuus successisset labor omnis
 N oster , iniremus quem Pontificis adeundi
 C ausa . nil aliud primo retuli , nisi quædam
 V erba satis succincta , minusq; affecta . ratus sum
 D istractum curis grauioribus esse locutum :
 A ut mutasse animum mutata conditione :
 Q uem quandoque fuit uisus præferre benignum .
 Q ui uero causa officij duntaxat adissem :

Non

Non adeo curans quid respondisset, abibam
Contentus. satis esse putans fixisse beatis
Oscula sandalijs, nil præterea cupiebam.
Sed lætabar mirifice: cum nil mihi causa
Officij prætermisum reputabam. aliquid nos,
Pontifici potuisse loqui, rebamur: & ista
Non ratione quiescebam modo, sed quoque ualde
Plapabam mihi met, mihi metq; hac sorte placebam.
Summopere: interea nostras defertur ad aures,
Pontificem coram de me complura locutum
Magnifice, Annibali nostrati significasse,
Se rursum me uelle uidere, loquiq; priusquam
Roma digrederer. redeo accersitus, & insto,
Ut sistar. dum nunc tempus condicitur ante
Prandij, & in cœnam dum nunc differtur, & ho
Noctis: complures consumpsimus ambitiose (ras
Expectando dies. nunquam tolerasse recordor
Quid grauius, nunquam tantum patientiæ inisse
Me reor. Expecto dum commoda tempora: tantum
Temporis effluxit, tantumq; molestiæ adortum est:
Ut longa sit uicta mora patientia. tantum
Ambitio cultus captati improuida quiuit:
Quiuit adoratus tantum affectatio: ut ultra
Liber, & ingenuus tolerare ne quiuerim. iniquum,
Absurdūq; uidebatur nimium, me ferre repulsam,
A quo poscerer: ac opus esse ambire, quod ipse
Non curarem aliquid. quapropter pridie, abirem
Quam Roma, scripsi, quibus innotesceret illi
Me discessurum. accepit mea scripta, legensq;
In laudem nostram non frigida uerba profudit:

IVN. LVD. PARISETI

Et dixit se uelle aliquid donare, quod etsi
 Me foret indignum, tamen indicium sui amoris
 Esset: & affectum in me testaretur: & inde
 Non nihil Annibali numorum tradidit ad me:
 Quos equidem accepi non absque rubore, putas rem
 Me facere indignam. protestatus tamen id sum,
 Me facere oblatum ne spernens munus, cum, qui
 Offerret, quandoq; uiderer spernere: ne'ue
 Fraudarem miseros reiecto munere, quorum
 In causam uellem uersum, quid muneris esset.
 Sic ego donatus, commendatusq; recessi
 Roma: de qua si poscas, quid sentiam: opinor
 Ambitionis eam sedem, sortisq; cathedram.
 Quid de pontifice interea sperare queamus,
 Si petis: omnino possum sperare nihil: cum
 Nil cupiam: quoniam spes nulla uigescit, ubi nil
 Expetitur. tam quid non expeto rebus in istis
 Humanis, ut sorte mea contentus honores,
 Diuitiasq; putem momenti nullius esse.

AD IULIUM III. PONTIFICEM
 MAXIMUM.

Quod me diue pater, donasti, et munere dignum
 Me duxisti: cum Romae eem, agnosco tuum erga
 Me propensum animum, nimioq; fauore beni
 Cum sim nullius meriti mihi conscius, & cum (gnū:
 Nullo uirtutis studio pollere putem me:
 Quod facis, ex animo prodit bonitate tuamet:
 Atque in nos non indicium mediocre benigni,
 Propensiq; animi fert. idcirco tibi grates

Ingentes habeo, qui talem pro tua amanti,
Munificaq; uoluntate attestatus es esse
Me, qui donari merear. quæ prona uoluntas
In me ostensa fuit: fecit committere, quod non
A me commissum fuit hætenus: ut caperem quid
A quoquam dono. ni pontificis tenuissem
Maiestatem offendere: ni donantis apud me
Conditio, aut animus potior, plurisq; fuisset,
Quàm pretium: ingenuo non decessurus eram de
Proposito detrectandi, quæcunque darentur
Munera: quandoquidem abiecti, uilisq; putauī
Esse animi quid dono sumere: cum neque egestas
Incessat: neque fortunæ uexatio iniquæ
Immineat. dum te obseruo, uereorq; nimis, ne
Offendare: quod offertur, capio, facioq;
Contra personæ mihi propositæ rationem.
Quod plane admissum emendari posse ratus sum,
Si, quo non egeam, tradatur egentibus: & de
Munere suscepto dispensem munera: quod tam
Sum facturus, quàm studeo committere nil, quod
Possit auaritiæ adscribi, ualeatq; decorum
Lædere personæ, quam sumpsimus. hac ratione
Efficitur: uti tecum duplex ineatur
Nexus, tum nostri causa, qui cœpimus à te:
Tum causa illorum: qui, quod dono tribuisti,
A me suscipient, inopum. Quare tibi duco
Munus ob hoc tanto maiorem gratiam habendam
Esse mihi: quanto plures mox accidet à me
Donari: & uitæ angusta in ratione iuari.
Quod tu tradideras nobis duntaxat in usum

IVN. LVD. PARISETI

Corporis, id statui impendendum, ut profit utrique
 Corpori, egenorum causa, atque animæ, ratione
 Nostri. nos longe ad meliorem uertimus usum
 Quam cuius causa dederas. tibi debeo multum
 Qui, quo prosum animæ, tribuisti : & debeo tanto
 Amplius : ansa mihi quanto fuit aprior à te
 Tradita : ut auxiliando alijs prodesse mihi met
 Longe plus possem. quamuis fuerim tibi semper
 Obstrictus, semperq; animum seruauerim amantem
 Affectumq; in te : tamen hæc occasio, quam fers,
 Proficiendi, operatur : ut obstrictum tibi multo
 Me plus confitear, uinctumq; tenacius esse
 Affectu. quo fit nequid reare esse laboris,
 Aut studiū, quod non subiturus protinus essem :
 Dum modo rem gratam facturum me tibi quoquo
 Sperarem pacto. cuius munus geris : & quem
 Summo iure refers, adeo me uincit, habetq;
 Obstrictum : ut nil non eius tentare, pati;
 Auderem causa, quamuis profundere uitam,
 Esset opus, diebusq; meis tormenta subire.
 Interea uale pontificum supreme, tuiq;
 Muneris expendens rationem uiuere cura
 Tam diu, ut auspicijs felicibus aucta nite scat
 Religio, & sacrum uigeat pax firma per orbem.

AD IULIUM III. PONTIFICEM
 MAXIMUM.


Confidenter, & ingenue si quid tibi summe
 Antistes loquar, aut scribā : te ferre moleste

Nolo, nec accipias aliter, desidero, quàm quod
Ex animo prodit studioso religionis,
Affectoq; tibi. nam cum te semper amarim.
Summopere: ut cupiam consultum maxime honori
Esse tuo, confit. uehemens propensio: quæ me
In studium cultumq; Dei iam detinet annis
A teneris, facit, ut, si qua uideam ratione
Peccari, non ferre queam: quin admoneam, quo
Conueniat pacto, & curem, quo præcipue ex re
Arbitrer esse modo, succurrere. tu bene nosti
Maxime pastorum: quantum sit temporis actum:
Postquam concilio indicto spes publica coepit,
Ut dissultantes res religionis ad æqui,
Et recti normam traherentur: & impia abusus
Colluuiæ sacra prorsum eximeretur ab aula.
Profectum nihil hæctenus est. nihil emendatum
Interea reperitur. habent se cuncta, prout iam:
Concilij cum penderet tractatio nulla.
Quin iam concilij deducta uidetur eò res:
Ut tam nulla boni spes amplius esse superstes
Debeat: ut fucus deprendi possit aperte
Committi, & quædam penitus collusio iniri.
Quò tendit dilatio tam diuturna? frequens quo
Dirigitur suspensio? ut indulgenter agatur
Interea, & solito res traducantur abusu.
Quanquam quid prodest decernere? si nihil eius,
Quod sit decretum, fiat. nihil expedit ultra
Disceptare. nihil refert contendere. nil iam
Est opus altercari: cum passim, quid agendum
Sit, constet: canonisq; sacri documenta patefcan

T larius : hærédum quàm sit de dogmate quoquam
 D e q; aliqua morum, aut uitæ ratione trahendæ.
 I d solum est opus : ut quæ iam sancita fuerunt :
 E t scriptis mandata semel , seruentur : & unus
 Q uisq; sui normam tueatur muneris. id si
 C uretur fieri : non accidit, ut rationem
 C oncilij faciendi ullam ducamus . abunde
 L egibus est cautum à maioribus. haud opus ultra
 C ondere quid legis. duntaxat condita oportet
 E xequi : ad officium quod planè pertinet istud
 S umme tuum Antistes. nam cum suprema potestas
 T e penes existat : iudex & censor es unus
 O mnibus arbitrioq; tuo quæcunque Dei sint
 A d cultum, fructumq; hominis, disponere quis tu.
 F rustra concilio sanari quæritur : ad te
 Q uod spectat : munusq; tuum desiderat . ergo
 S i uis consultum sacris pater optime rebus :
 A d rectum, sanctumq; tuas cohibere necesse
 E st uires, Christi q; scopum spectare , facultas
 D e quo profluit omnis : quæ tibi competit . intra
 C ancellos pietatis agendo contineas te,
 E st opus : & studio procures proficiendum
 P ublice, & officio . quos promoueas ad honores
 D iuinos, & quos tollas ad munera sacra,
 P rudenter uersandum animo: quoniam nihil æque
 E xpedi ad cultum sinceræ relligionis
 I nducendum : quàm rationem expendere uitæ,
 E t morum cuius q; , sacri cui dentur honores.
 N on alia est ratio curandæ relligionis ,
 S anandi q; gregis sacri, quàm tollere honestos,

Spectatosq; homines uirtutibus: & delectu
Vti personæ, quæ promoueatur honorem
Ad sacrum .ni cura tibi, uel cautio tandem
Hæc accesserit:incaßum confidimus ulli
Concilio: & frustra speramus restituendum
In melius cultum pietatis. nulla solutos
Lex neßtet, facile eludent decreta uetustis
Assueti uitijs: quos ignorantia ineptos
Reddit, eos nunquam fungendi muneris ardor
Arripit. quos præclaros uirtus faciet: & quos
Integritas uitæ per longum temporis æuum
Efficit insignes: his si tradantur honores
Sacri, nequaquã dubitandum, quominus apte
Prospiciatur honori religionis: & inde
Prodeat in uulgum fructus, cuius ratione
Edendi sacer omnis honos fuit introductus.
Id si curaris faciendum, spondeo nullo
Concilio fore opus: controuersi q; futurum
Nil cum Germanis: quos extremo nihil æque
Concitat: ut legum non obseruata sacrarum
Religio, & ueterum ablegata modestia morum.





Aldine

553

P 232e

